



53875

I Mag. St. Dr.


P



53875

I

19. V. 104





QUÆSTIONES

ET

RESPONSA

ERUDITORUM.

Pleraque ad moralē

DOCTRINAM

ET


INSTITUTIONEM

*Coll* pertinentia, *Paen*  
*ad S. Petr*

AVTHORE

P. JOANNE KRAUS

SOCIETATIS JESU



REIMPRESSUM LUBLINI,

Typis Collegii Societatis JESU.

Annō 1739.



53825  
J



QUÆSTIONES,  
ET RESPONSA  
ERUDITORUM.  
DECAS PRIMA.



Uæst. I. Cujus rei ma-  
lum est principium? R.  
Cujus exitus non cogi-  
tatur. *Magna pars ho-*  
*minum.* inquit Seneca  
de tranquillitate animi,

c. 12. *Sine proposito vagantur, quærentes*  
*negotia: nec qua destinaverunt, agunt,*  
*sed in qua incurrerunt. Inconsultus il is,*  
*vanusq; cursus est qualis formicis, per arbu-*  
*sta repentibus, qua in summum cacumen,*  
*deinde in imum. inanes aguntur. Hæc ille*

4 *Quæstiones. & Responsa*  
de cæca gente: de Sapiente autem Sa-  
piens, ( Eccl. c. 2. ] *Sapientis oculi, in*  
*capite ejus, ubi chaldaica Paraphrasis: Sa-*  
*piens contemplatur in principio, quid fu-*  
*turum sit in fine. & Seneca in Regulis de*  
*moribus: nihil tibi subitum fit, sed totum*  
*antè conspicias. Cùm initia inveneris, exi-*  
*tus cogitabis.*

Q. 2. Quæ sunt illa, quæ nemo pru-  
dens libenter aggreditur? R. Intimè agere  
cum Principe: biberè venenum: & arcana  
credere mulieri. Ex libro Ichnaletæ In-  
di. qui inscribitur, Specimen Sapientiæ  
Indorû, ex Dissertat. 1. apud Possinum.

Q. 3. Quid illud, quod vix benè un-  
quam fit? R. Quod prima vice fit. Ant.  
Vieira. Fabricando fabri fimus.

Q. 4. Quò nemo prudentum liben-  
ter accedit? R. Unde liber egressus non  
fit. Senec- de tranquill. c. 5. qui & addit.  
*His admovenda manus est quorum finem*  
*aut facere, aut sperare possis. Relinquen-*  
*da,*



*Eruditorum.*

*da, quæ latius actu procedunt, nec ubi proposueris, desinunt.*

Q. 5. Quando nam plus facit dimidium, quàm totum? R. plus facit interdum dimidium, quàm totum: ut virgæ ad solem stantis modica inflexio umbrâ auget, immodica consumit. Ichnaleta dicit: 1. *Res mira*, inquit Euseb: Nieremburgius in dictaminibus Moralibus, quod in moralibus virtutibus majus est, hoc eas imminuit; excessus transit in vitium solaq̄ mediocritas virtus est.

Q. 6. Quæ domum velociùs feruntur, quàm egressa sint? R. Miles defunctus bello; nuncius, qui tristitia significavit; & pleraque pecora post fatigationem.

Q. 7. Quæ non facilè cœpta, non facilè evertibilia? R. Primum: oppida & urbes. Secundum: literæ, & modus scribendi. Tertium: leges, & statuta Provinciarum. Quartum: Horologia, &

6 *Questiones & Responsa*  
divisio temporis. Quantum denique  
Tonfores. Gvevarra in præfat Horo-  
logii principum ex Varrone, & Pdéta.  
*Cerevisia Coctor, Tonfor, Pistorq̄ ma-  
nebunt.*

*Mundo stante, suo semper in Officio.*

Q. 8. Quando negotium habet spē  
boni eventûs? R. Quado plus virium  
est in latore, quam in onere Arist. 1.  
Polit. & Seneca de tranquill. c. 5. Æ-  
stimanda sunt, quæ aggredimur, & vi-  
res nostræ cum rebus, quas tentaturi su-  
râus, comparandæ, debet enim semper  
plus esse virium in latore, quàm in o-  
nere.

Q. 9. Quid illud, [quod] quamvis  
benè fiat. malè fit? R. Cùm quod debeat  
fieri in occulto, fit in publico unde Po-  
eta: *Quod bene fit malè fit, nimirum si  
fiat apertè; Occultè dum fit, quod malè fit  
bene fit.*

Q. 10. Cujus rei melior est finis quàm  
princi-

principium? R. Inutilis garrulitatis. de hoc Ecclesiastes c. 7. *Melior est finis orationis quam principium.* & Pœta, de garrulo Pœta:

*Quid nobis placeat recitato in carmine  
queris:*

*Nil mihi crede, magis sine placere solet.*

DECAS II.

Q. 1. Quid est, quod plerique videmus, neque tamen amplectimur? R. Id quod in agendis melius est. *Video, meliora, proboq; deteriora sequor.* dicebat illa: & alius: *Nitimur in veritū semper, cupimusq; negata.*

Q. 2. Quæ cæteris sunt meliora? R. Amicus qui utilia, non blanda svadet; subditus, qui ad veritatem, non ad gratiam servit: negotium, quod felicem exitum habet: laus, quæ à bonis datur: Princeps præfidentia non turgidus; dives rei suæ non nimis attentus: & sodalis

8 *Questiones, & Responsa*

lis rixam cavens. Ichnaleta dissert: 1.

Q. 3. Quomodo se sapiens habet ad suos? R. Genitores habet pro amicis: Fratres pro comitibus itineris: Uxorem pro contubernali: Filios pro tabelariis. memoriam Patris ad posteros perlaturis: Filias, ut adversarias in lite: Cognatos, pro fœneratoribus sua recepturis: ipse verò sibi debet esse solutus affectibus omnibus. Ichnaleta dissert. 9.

Q. 4. Quis tenet locum innocentis proximum? R. Cui malè agendi occasio defuerit. Rarus quippe, quem occasio non fecerit furem. *Occasio spelunca est Sathana, & os inferni, & insidia inhabitantis peccati.* Nieremb; in dictaminib; Christianis.

Q. 5. Quid agendum Sapienti in loco ubi nullus est sapiens? R. Curandū, ut ipse tunc sapiens esse velit. de hoc Rabbi Hillel: nullus nebulo timet peccatum; nec idiota est vir pius; nec qui  
crube-



erubescit, discit: neque iracundus docet: neque qui Crebrius ultro citraque errat sapiens fit: & in loco, ubi non sunt viri, da operam, ut virum præstes.

Q. 6. Quæ est homini per totam vitam pænitendi materia? R. Stulta circa vitæ conditionem electio. Daniel Bartoli.

Q. 7. Quod est opus hominis eruditi? R. Adversum neminem queri. *Alios accusare*, inquit Epictetus in Enchiridio, c. 10. *in calamitate sua, est hominis ineruditi, accusare autem se ipsum ejus, qui erudiri cepit: nec se, neque alium; eruditi.*

Q. 8. Cujus Mater non flet? R. Timidi, seu cauti. Ex Æmilio, invita Thrasibuli. *Beatus homo*, inquit Salomon Prov: 28. *qui semper est pavidus, qui vero mentis est dura, corruet in malum.*

Q. 9. Cui bono est eruditio. R. Nè saltem in theatro saxum supra saxum se-deat.

10 *Questiones, & Responsa*  
deat. Aristippus apud Lipsium de Amphitheatre, monuerat is nobilem virum, ut filium literis faceret imbui. Cui ille: quam ob utilitatem? respondit autem Aristippus cum fuerit in theatro, de eo non poterit dici: lapis super lapidem sedet.

Q. 10. Quid est periculum? R. Malum quod prudens praevidet, timidus fingit, justus non metuit, honoratus contemnit, fatuus invenit, temerarius quaerit, infelix incurrit. Nieremb; in dictamin; general.

### DECAS III.

Q. uest: 1. Quae res destitutae sunt suis necessariis? R. Fluvius carens aqua: terra non habens Regem: mulier destituta viro: & homo non discernens bonum a malo Ichnaeleta dissert: 7. Aliter Consiliarius nullius conferentiae, Philosophus nullius consequentiae, & Theolo-

Theologus nullius conscientia.

Q. 2. Quæ civitas melior ipsa, quàm non ipsa? R. In qua boni quidem viri, plùs quàm sibi competat habere non quærant, improbi autem, etsi quærant, habere non possunt. Aristoteles 2. Politic: c. 5.

Q. 3. Quando inter litigantes tollitur contentio? R. Quando mensa, seu cœna parata est. Rabbi Jose.

Q. 4. Quot aures, Judex habet? R. Imprudens, habet tantùm unam, scilicet pro audiendo Accusatore. Judex sapiens habet duas, alteram pro Actore, alteram pro Reo. Interestatus habet tres: duas pro audiendis partibus, tertiam autem ibi, ubi nummus sonat.

Q. 5. Unde orta est lis? R. Ex meo & tuo, nempe, quod volo tu vis, sic orta est lis. Unde. B Jacobus in sua Canonica. c. 4. Unde bella, & lites in vobis? nonne binc, ex concupiscentiis vestris, quæ mili-

12. *Quaestiones, & Responsa.*  
*sant in membris vestris.*

Q. 6. Quis debitor fortunatus? R.  
Qui nulli quidquam, nisi sibi debet, illi  
nempe. cui facillimè negare possit, cum  
volet. Ex Seneca de tranqu. c. 8.

Q. 7. Quos homines, vellemus esse  
excos, & mancos? R. Judices: unde Pde-  
ta ad Decianum Judicem, de muneri  
acceptatione suspectum ait:

*Non volo te surdum, non mutum, te  
volo caecum.*

*Non claudum, mancum te Deciane volo.*

Q. 8. Quis dormit apertis oculis? R.  
Inbellis Justitia. Cum enim punire illi  
non sit integrum, dissimulare cogitur vi-  
tium. De principe dixit Alciatus in Em-  
blematis.

*Est leo, sed custos: oculus quia dormit a-  
pertis;*

*Templorum idcirco ponitur ante fores,*

Q. 9. Quibus oportet, ut integram  
confessionem faciamus? R. Tribus: Cau-  
sido,



fidico, Medico, & Theologo. unde Pòeta:  
*Integra Causidico narranda est causa pe-  
rito,*

*Et Medico morbus, crimina Theologo  
Sæpe loqui nocuit; tamen hic tacuisse noce-  
bit:*

*Posse tacere ars est; ars quoq; posse loqui.*

Q. 10. Quæ feriæ diutissimè durant  
in Rebus publicis? R. Quæ dicuntur Iu-  
stitium. Est enim Justitium, in quo non  
fit Justitia, quæ, cum in mundo rarè ad-  
modum administretur, ferè semper est  
Justitium, unde Pòeta:

*Quid rogo, Justitium est? quando inquis  
Amigdale; non fit*

*Justitia: ergo omni tempore Justitium est  
Non est veritas, non est misericordia,  
non est scientia in terra, inquit Prophe-  
ta Oseas; maledictum, mendacium, homi-  
cidium, furtum, adulterium, inundaverunt.  
Et Pòeta: metamorph. 1.*

*Victa iacet Pietas, & Virgo cædemadentes*

*Ulti-*

DECAS IV.

Q. Uæst: 1. Quandonam tandem viro  
 etiam forti, desperandum? R. Nun-  
 quam. *Qui nihil potest sperare, desperet  
 nihil.* De viro forti Horatius: *Si fractus  
 illabatur orbis, impavidum ferient ruina.*

Q. 2. Quid pejus bellô? R. Pejor est  
 bellô, timor ipse belli, Malus quippe  
 rerum interpret metus, & pessimus in  
 dubiis augur timor, cuncta per conspici-  
 lia augentia inspicit.

Q. 3. Malum ex dimidio quis supe-  
 ravit? R. Qui prævidit; qui non prævi-  
 dit, ex dimidio superatus est. Daniel  
 Bartoli in Geographia Politico Morali.

Q. 4. Quomodo quis facilè invictus  
 esse possit? R. Si in nullum descendat  
 certamen, quod vincere ejus arbitrij non  
 est, Epictetus c. 25. *Vis posse quid vis,  
 velle, quod nequis, noli.*

Q. 5.

Q. 5. Quot unaquæque res ansas habet? R. Duas, unam tolerabilem, alteram intolerabilem. Si frater injuriam fecerit, non eam apprehende, quam facit injuriam; ea enim ejus ansa non est tolerabilis. Sed illinc potiùs: esse fratrem, esse unà educatum. Sic prendes eum, quàm est tolerabilis. Epictetus. c. 65.

Q. 6. Quis non creditur facilè hostè aggressurus? R. Qui non est hoste suo superior. Famian, Strada, de Bello Belgico. *Quis Rex iturus committere bellum, adversus alium Regem. inquit Christus D. Lucæ. 14. non sedens priùs cogitat, si possit cum decem millibus occurrere ei, qui cum viginti millibus venit ad se, alioquin adhuc eo longè agente, legationem mittens, rogat illa, quæ pacis sunt.*

Q. 7. Quod magnum hominis malū? R. Non posse ferre malum Bion. *Ægrè toleras dolorem? Igitur velles minorem. Hoc ipso, quod non velis ferre magnum facis.*

facis. Solùm ferendo fit minor. Nierēb: in Stoicis. Tu nè cede malis, monet Pðēta; sed contrà audentior ito.

Q. 8. Quem nemo timet? R. Qui omnes timet. Quem verò quisque meritò timet? R. Quem immeritò læsit. Et quē sapiens timet? R. Unum supra: alterum infra est: ibi DEUS, infra infernus.

Q. 9. Quibus rebûs regitur mundus? R. Librò, & Gladiò: Lege, & Potentiâ: Sapientiâ, & Viribûs. Seu regitur duplici Capite, quorum alterum est viva Bibliotheca, alterum viva portat castra. Clementis VIII. Symbolum fuit Pedum, & Gladius, utrumque connectente Lyrâ. Lemma: *Nihil ille reliquit.* scilicet nihil intentatum. Augustissimi Imperatoris Leopoldi I. Tessera fuit: *Consilio, & Industria.* Josephi I. Regis Roman: *Amore, & timore.*

Q. 10. Qui cum primis timendi? R. Timidi. Dolis enim supplent viriû defectum,



fectum, & quod nequeunt animo, præstant insidiis. Minus autem habet periculi hostilitas aperta, quàm dolus occultus. Nieremb; in dictam: pruden:

## D E C A S V.

Q. Uæst. I. In qua civitate malè provisum viris? R. In qua malè provisum est circa mulieres. Aristot: 2 Polit: c. 7. unde ait: *Lenitas in mulieres, & ad propositum Reipublicæ nocet, & ad directionem civitatis, & in quacunq; Republica malè provisum est circa mulieres in ea putandum est medietatem civitatis, esse neglectam.*

Q. 2. Quæ sunt, quæ omnes passim vera affirmant, & quibus omnes pæne contra faciunt? R. Ex Lipsio, I. 1. Elector. c. 5. *Tam malum est habere nummos, non habere quàm malum est. Tam malum est audere semper, quàm malum est, pavere semper. Tam malum est tacere multum, quàm malum est multum loqui. Tam malum est foris amica, quàm malum est uxor domi.* Nemo

*Nemo non hæc vera dicit: nemo non  
contrafacit.*

Q. 3. *Quæ sunt, quæ domo egressa,  
nunquam ad eandem reverti contingit?*

R. *Fides Principis semel, autoritasq;  
amissa. Aliter P'déta:*

*Tempus, Virginitas, verbum, cum flu-  
minis unda.*

*Hæc egressa semel, non nõrunt deinde  
reverti.*

Q. 4. *Quid est in hospitio luxuriosi  
turpissimum? R. Hospes Neq̄ quidquam  
domi tuæ turpius est, quàm tu, ait. Cice-  
ro in Sa'llastium, & subjungit. Si (Pater  
tuus) nunquam in vita<sup>a</sup> tua peccavit, ta-  
men majorem iniuriam Reipublica face-  
re non potuit, quàm quod te talem filium  
genuit.*

Q. 5. *Quis potenti caret adversario?*

R. *Uno caret, qui uno oculo, duobus,  
qui utroque oculo orbatus est.*

Q. 6. *Quæ casta? Quam nemo ro-  
gavit.*

gavit. Aliter: quæ de utero translata  
ad tumulum. Inter Fideles tamen nu-  
merantur innumera lilia, inter quæ di-  
lectus pascitur, hinc illud:

*Iesu Corona Virginum, qui pergit inter  
lilia,*

*Septus choreis Virginum sponsus decorus  
gloriâ.*

Q. 7. Qui oculi minùs rectè sunt  
dispositi? R. Timentis, cuncta enim illi  
videntur, ut leo in via. 2. Sperantis,  
cuncta enim illi videntur propinqua 3.  
Odientis, cuncta enim illi videntur, ut  
castra. 4. Amantis, cuncta enim illi vi-  
dentur formosa. Unde Pdéta:

*Omnis amor cæcus, non est amor arbiter  
æquus,*

*Nam deforme pecus iudicat esse decus.*

Q. 8. Quæ rarò tegit faciem? R. For-  
mosa. unde Pdéta in Idam:

*Quid larvam geris Ida, cupis formosa vi-  
deri:*

*Falle-*

*Questiones, & Responsa**Pallere; non raro pulchra tegit faciem.*

Q. 9. Quid formam sequi solet? R. Di-  
 versa accidentia; seu munuscula. Sed  
 inter accidentia illud facile primum,  
 quod est periculum pudicitiae. unde Pd-  
 éta:

*Lis est cum forma magna pudicitia,*  
 & Fam: Strada de bello Belg: *Propè se se*  
*consequuntur: proponi formam, & exponi*  
*pudicitiam*

Q. 10. Quae sunt dotes mulierum?  
 R. cum Pdéta:

*Mentiri, nere, lacrymari, nilq; tacere,*  
*Decipere, vera sunt dotes in muliere*  
*Vulpes vult fraudem; lupo agnum; fa-*  
*mina laudem.*

## D E C A S VI.

Q. Uæst: I. Quis nunquam solus? R.  
 Amor. Unde Valerii Saloni Impe-  
 ratoris Tesseræ fuit: *Magnum satellitium*  
*Amor:* Sed & Terentius in Eunuchō,  
 ait:



ait: *In amore hæc omnia insunt vitia In-  
juria, suspiciones, inimicitia, inducia, bel-  
lum, pax rursùm.*

Q. 2. Quis de forma non rectè Judi-  
cat? R. Amantes. ita Fabatius, & Plu-  
tarchus Platonicus q; 1. Amantem res  
amata cæcum facit. *Isti præposterè offi-  
cia permiscent,* inquit Seneca. l. 1. ep.  
3. *qui contra præcepta Theophrasti, cùm a-  
maverint, judicant.* & S. Anselmus Li-  
bro, cur Deus homo, c. 1. *Perversus  
ordo, amare, ut intelligas, rectissimus, in-  
telligere, ut ames.*

Q. 3. Quandoquæ primùm inter a-  
micos divortii; periculum? R. Cum su-  
spicio, & phantasia colludere cœperint.  
Daniel Bartoli.

Q. 4. Quid agit, qui quempiam  
valde curat? R. Qui curat alium, alios  
negligit. ita Epictetus. *Non potest fieri,*  
inquit c. 18. *Quin is, alterum qui curat,  
alterum negligat*

Q. 5.

Q. 5. Quis minus gaudet, minusque simul dolet? R. Qui nulli familiaris admodum est. unde Tragicus:!

*Nulli te facias nimis sodalem,  
Gaudebis minus, & minus dolebis.*

Qua de causa Venus, cum Cupidinem filium suum, iam nimium hilarem, iam nimium a cestum experiretur, eidem scilicet succidisse fertur, ne societates, ex quibus illas vicissitudines domum ferebat, volatu accedere posset.

Q. 6. Quae sunt amoris divisiones? R. Amare, a quo non possis amari, erroris est: amare, a quo possis non amari, periculi est. amare, a quo non possis non amari, si ames, securissime felicitatis est. Error est in amore temporalium, periculum est in amore hominum: in amore DEI securitas est. Nieremberg: in dictamin: Christianis.

Q. 7. Quanam agunt in distans? R. Fama, quae absentes vel commendat, vel

vituperat. Pecunia apud alium elocata, quæ creditorem divexat, & amor absentis, qui distantem cruciat. unde de ultimo Pœta:

*Uror amore miser, tantoq; potentius Uror,  
Quantò, qui me urit, longius ignis abest.*

Q. 8. Quæ res, cum deberet esse vinculum præcipuum amoris, maxima disensionum causa est? R. idem velle. Seneca l. 3. de ira. *Quod vinculum amoris esse debebat, seditionis, atq; odii causa est, idem velle.* Cum Francisci I. Regis Galliæ Legatus à Carolo V. Burgundiam pro suo Rege peteret, respondit Carolus. *Idem prorsus volo, quod Franciscus Frater meus*

Q. 9. Quando nam amicitia etiam inter amicissimos solvitur? R. Cum eorum alter ad honores evehctus fuerit. Honores enim, ut est paramia, mutant mores, sic & amores. Unde cum Franciscus Ximenes Cardinalis esset electus

in

in ArchiEpiscopum Tolesanum, idq; amico significasset, ille dignitatem gratulatus, simul se dolere aiebat: quod optimum amicorum perdidisset.

Q. 10. Quæ sunt conservativa Amicitia? r. Pileus, qui ob honorem deponitur; charta, quæ inscripta amico mittitur, & vitrum, quod eidem propinatur.

### D E C A S VII.

Q. 1. Quæ beneficia malefacti speciem habent? r. Malè locata, juxta illud Ennij; *Benefacta, malè locata, malè facta arbitror.* Quare Cicero 2. Offic: *Meliùs apud bonos, quàm apud fortunatos beneficium collocari puto.*

Q. 2. Quamdiu beneficia gratis? r. Dum exsolvi posse videntur, ita Tacitus I. 4. Annal: *Beneficia eò usq; lata sunt dum videntur exsolvi posse: ubi multùm antevenère, pro gratia odium redditur.*



tur. Et verisimè quidem, quid enim illud hominis, quo beneficiis mactari velit?

Q. 3. Quis est habitus beneficiorum?

R. Posse benefacere, est virtutis, & muneris Regij, velle benefacere, est dotis Divinæ. Ex adverso posse malè agere, imbecillitatis est humanæ: actu malè agere, summi est periculi: velle malè agere, animi vilis, & abjecti: velle aliis male, dæmoniacy.

Q. 4. Qui sunt beneficiis suis plerumque ingrati?

R. Dominorum famuli. Contingit enim, ut dum dona ad alios deferunt, partem, vel totum surripiant, neque tamen ulli pro hoc grates pendant. Cùm Petrus de Campo, Episcopus Uticensis cuidam Religioso misisset lex Capones, famulus unum eorum retinuit, quod advertens Religiosus, significavit Episcopo, gratias se habere pro quinque caponibus; pro sexto famu-

lo incumbere gratias agere, ut qui unum retinisset.

Q. 5. Quid male negaveris alteri?  
R. Quod ipse aliquando petiturus es. Sicut neque bene expetieris, quod es negaturus. Nieremb: in dictamin. prudent.

Q. 6. Quomodo quis gratis, gratus esse possit? R. Si, quæ accepit, liberè enuntiet accepta esse; tunc enim nihil præter verba expendet, & tamen gratus habebitur.

Q. 7. Quid cum sole plerumque occumbit? R. Memoria acceptorum beneficiorum, quare etiam dicitur, quod gratitudo rarè consenescat; quippe quæ ultra diem vix vivat. Ex adverso memoria acceptarum injuriarum, cursum Saturni habet, qui lentissimus, & feracissimus simul est.

Q. 8. Quæ res secretum poscit, ut felicem eventum habeat? R. Donum, quod

quod pauperi datur, unde Prov: 21. Munus absconditum extingvit iras, & donum in sinum, indignationem maximam. Neque ullus furum fortunatior est, quàm is, qui occultò donò pauperis cor & affectum sibi vendicat. Agesilaus Rex Apelli donum, cùm egrotantem invisisset, sub cervicem inscio subtruserat. Deprehendit aurum puer, qui lectū parabat, Heroque insinuavit: tum Apelles silentium imperans, siue inquit, hoc Regis furtum est, & miranti; hoc enim dono, ait, Rex cor meum furatus est.

Q. 9. Quod donum, ut ut magnum, vile tamen? R. Quod multis; vel communitati toti confertur. Quare Aristoteles I. 4. Ethic: monuit, præmia sine discrimine danda non esse, Et Strada de bello Belg: *Facilius beneficiò capiuntur singuli, quàm multitudo.*

Q. 10. Quid deterius, quàm æqua petenti non dare? R. Tardè negare.

Bz

Uude

Unde Vieira: durum est, *Non*: sed multò duriora sunt verba bona, quæ illud *Non* tegunt, & in longum trahunt de hoc ad Phœbum, Martialis.

*Mutuo te centum sestertia Phæbe rogavi;  
Cunctaris, dubitas: jam rogo, Phæbe nega.*

Et eidem ad Poetum:

*Sex sestertia se statim dedisses,  
Deberem tibi pro ducentis.*

*At nunc cum dederis diu moratus,  
ex sestertia Pace perdidisti.*

### DECAS VIII

**Q**UÆST. 1. Quæ res peior sub cinere, quàm extra? R. Odium. *Métiora sunt*, inquit Salomon Prov: 27 *vulnere diligentis, quàm fraudulenta oscula odientis.* P. Licinii Valeriani Imperatoris tessera fuit: *Amicum, inimicum fugito.* Item: *Non acerba, sed blanda verba timenda.*

Q. 2. Quorum hominum major numerus? R. Antipodarum; plerique agendo,



do, & leniendo aliis obnitimur.

Q. 3. Quibus raro, vel nunquam  
convenit? R.

*Nunquam conveniunt, vel raro; noctua,  
corvus,*

*Nec corvales, nec super esse canes.*

Q. 4. A quibus cavendum viris Prin-  
cipibus? R. A saccharata lingua, & à pipe-  
rato corde. Boguslaus VIII. Pomeraniae  
Dux.

Q. 5. Quid habent pessimi optimum?  
R. Quod se mutuo per arma plectant  
hoc pessimum, quod sine scelere non ple-  
ctant.

Q. 6. Quis maximus hominum error  
circa bellum? R. Eorum qui bellum ar-  
bitrantur esse adjectivum. Bellum, inquit  
Nierembergicus in dictaminibus Regiis,  
aliter cædibus hominum, substantiâ  
Regnorum, exactionibus & tributis po-  
puli; sistit commercia; militem in licen-  
tiam accendit: flammis, & vastationibus

replet universa, dic tu esse bellum.

Q. 7. Cujus cadaveris bonus est odor? R. Occisi hostis. Aulus Vitellius Imperator, cum locum pugnae, in quo Otto profligatus fuerat, amissis suorū quadraginta millibus, lustrasset, experiretūque cadavera putrescentia factum olere, ridendo dixisse fertur: *Bonus odor hostis; melior occisi civis.*

Q. 8. Cui nemo facile invidet sepulchrum? R. Hosti suo. Henricus IV. Imperator, cum Merseburgum venisset, ubi adversarius illius Rudolphus Sveciae Dux splendido in monumento sepultus quiescebat, audivissetque svadentes, ut adversarium suum exhumari faceret, respondit: *Sinite illum, utinam omnes hostes mei tam splendide quiescerent.*

Q. 9. Quis dierum longissimus? R. Dies Matris, Dies Solis longior soli to fuit sub Jove: dies, Lunae, cum Alcu-

mena

mena Herculem dicitur concepisse: ac nos jam multos annos diem Martis habemus.

Q. 10. Cui raro credendum? r. Timori, & dolori raro, amori, & ira nunquam. Franciscus II, Valefius in Symbolo habuit aureum nummum, qui ad lapidem Lydium explorabatur, cum lemmate: *Sic spectanda fides.*

DECAS IX.

Q. 1. Quæ non sunt nostri arbitrii? r. Ea, quæ ipsi non agimus, unde Epictet: in Euch: *Nostri arbitrii non sunt, corpus, pecunia, gloria, imperia; ad summam, ea, quæ ipsi non egimus, omnia* Et satyricus: *Et genus, & proavos, & quæ non fecimus ipsi vix ea nostra puto.*

Q. 2. Quis infortunatus? r. quem appetitio frustratur. Epict: c. 6. Porro frustrari necesse erit. si ea, quæ nostra

arbitrii non sunt, desideraris.

Q. 3. De quibus non multam sperat Prætor? R.

*Inconstans animus; oculus vagus; instabilis pes:*

*Hæc tria sunt Daminiis, de quo nunquam bona spes est.*

Aliter: *Femina dum plorat, dum rusticus ebrius orat.*

*Lusor dum jarat, nulla hic devotio durat.*

Q. 4. Quid illud, quod sagittariis aberrandi causa non ponitur? R. Meta. Epictetus c. 34.

Q. 5. Cujus rei nullus est terminus? R. Quæ semel modum transierit. Epictetus c. 51. & Prov. 18. dicitur. *Impius, cum in profundum peccatorum venerit, contemnit.*

Q. 6. Quæ virtus, omnibus ceteris diffugientibus, homini solet esse refugia? R. Pœnitentia; seu Metanea, quæ

Vete-



Veteres iceleratissimo cuique comitem  
dabant.

Q. 7. Qui non facile perveniunt, ad  
sapientiam? R. Qui se putant pervenisse  
*Puto*, inquit Seneca, de tranquill. c. 2.  
*multos potuisse ad sapientiam pervenire,  
nisi putassent se pervenisse.*

Q. 8. Qui Artista vitandi? R. *Unum  
Grammaticum, Logicumq; & Rhetora vi-  
ta:*

*Hos modo vitaris; cetera vites ubi*

*Quis Rhetor? Mundus. Fallax Logicus  
Cacodemon.*

*Semper declinans est Caro Grammaticus,*

Q. 9. Quae res nomina mutarunt? R.  
Garrulitas olim, nunc affabilitas dicitur.  
dissolutio, alacritas: avaritia, providen-  
tia: curiositas, circumspectio: obstinatio  
constantia; vana gloria, generositas: præ-  
sumptio; spes; amor carnalis, charitas.  
Albertus M. in Paradiso animæ, in pro-  
logo. Et juxta Senecam in Hercule fu-

*rente: Prosperum & felix scelus, virtus  
vocatur.*

Q. 10. Quæ sunt vestigia, ex quibus proficiens deprehendi possit? R. Neminem reprehendere: neminem laudare: neminem culpæ: neminem accusare: nihil de seipso prædicare; quasi aliquis sit, aut aliquid sciat. Cùm in aliqua re impeditus fuerit, aut prohibitus, seipsum accusat. Si ab aliquo laudatur, secum ipse deridet laudatorem. Si reprehenditur, non defendit se; sed ritu infirmorum circuit, metuens, nè statum illum convellat, priusquam is confirmetur. Omne desiderium à se dependens habet: aversionem ad ea sola, quæ naturæ eorum repugnant: animû verò ad ea, quæ nobis parent, transtulit: appetitione ad omnia, remissâ utitur: sive stolidus, sive indoctus habeatur, non curat. Denique ut inimicum, & insidiatorem, seipsum observat, Epict: c. 72

Quæst. 1. Quæ tutius considerantur  
in abstracto, quàm in concreto? R.  
Vitia: in concreto autem virtutes. Si  
enim vitium consideremus in concreto,  
incipiemus homines odisse: si virtutem,  
homines propter virtutem amabimus.

Q. 2. Quid deterius quàm esse mor-  
tuum? R. Vivere mortuum, scilicet, ni-  
hil agendo. Unde Curius Dentatus, ut  
habet Seneca de tranquillit: c. 3. dicere  
auditus: *Malle se esse, quàm vivere mor-  
tuum.*

Q. 3. Quò inter homines nihil tur-  
pius? R. Grandi sene, qui nullum aliud  
habet argumentum, quo se probet diu  
vixisse, præter ætatem. Idem ibid:

Q. 4. Quis communis tranquillita-  
tis inimicus? R. Comes perturbatus, &  
omnia gemens. Idem c. 7. Cæterùm  
quæ domum turbant, sint: campana si-

nè intermissione sonans, canis ad omnia latrans, & mulier, quæ cum viro male convenit.

Q. 5. Quis idem optimus, simul & pessimus? R. Optimus malorum. Talis enim, qui inter malos primatum tenet. ceteros omnes malitiâ superet, necesse est. Optimus autem malorum; in sensu Martialis, ejusmodi dicitur, qui ad Attalum hæc scribit.

*Miles es, & malus es, bonus es tamen*

*Attale miles,*

*Miles enim, ut canis est, qui malus,  
ille bonus*

In quem sensum etiam idem scripsit ad Labullum. l. 12. ep. 30.

*Non es crede mihi bonus; quid ergo?*

*Ut verum loquar: Optimus malorum*

Q. 6. In quo sapiens, & insipiens differant? R. Sapientes sunt similes floribus, qui pulchrius se vestiunt parte, qua celo propinquiores sunt: insipientes

tes



tes pro rapis habe, quæ se totas terræ immergunt.

Q. 7. Quomodo se habet animus bonus in re mala? R. Ut dimidium mali. *Perdit dimidium, qui male cæpit opus.*

Q. 8. Quandonam sapiunt homines? R. Plerumque serò *Serò Pbruges sapiunt,* inquit ille. Alius autem *Piscator ictus sapit.*

Q. 9. Quandonam vulnus vulnere curandum? R. Cùm alioqui immedicabile est, Ita Flavius Valerius Constantinus imperator in sua tessera: *Immedicabile vulnus ense recidendum est, nè pars sincera trahatur,* Ejusdem effatum ruit: *Imperatorem nemini, nè suis quidem membris parcere deberè.*

Q. 10. Qui mali Curatores? R. O-litor, qui radicitus olus evellit; Pastor, qui oves deglubit, non tondet; & Chi-rulgius, qui nimis emungit; eiusmodi enim pro pure elicit sanguinem. A

lexan-

Alexander Macedo, cùm quidam svaderet, civitates subjectas majora tributa pendere posse. sapienter respondisse fertur. *Odi Olitorem, qui radicibus olera vellit. Amo emunctorium, quod ardenti fascula sordem aufert, lucem non adimit.*

D E C A S X I.

**Q**uest: 1 Quid Mundus? R. Ex Gualtero Pauli:

*Ubi plura sunt timenda, quò major est  
securitas;*

*Ubi plura sunt videnda, quò major est  
obscuritas.*

*Ubi deficit facultas, ubi nocet innocentia:*

*Ubi separat similtas, ubi decet indecentia,*

*Ubi pudor est pudori, ubi licet licentia:*

*Ubi stupor est stupori, ubi solita insolentia.*

*Ubi statur arroganter, statùs ubi mysterio:*

*Res serie oscitanter, nugæ geruntur serio*

Q. 2. Quod maximum ex punctis? R.  
*Mundus! O quam ridiculi sunt mo-  
liti-*

um terminit inquit Seneca l. i. quæstionum Natural: Punctum sanè est illud, in quo navigamus, in quo bellamus, in quo regna disponimus.

Q. 3. Quæ figura mundi? R. Præteriens. Globum terraqueum Anaximander dixit esse instar columnæ: Plato, viginti angulorum; Anaximenes: instar mensæ: Leucippus instar tympani: Democritus, instar orbis mensalis. Aristoteles, rotundum: sed optimè Apostolus. *præterit*, inquit, *figura hujus mundi.*

Q. 4. Quod illud quod sapientibus semper minus, atque minus apparuit? R. Terra! Terræ ambitum Aristoteles posuit quinquaginta millium milliarium Italicorum. Centum annis post, Hipparonus dixit esse 34600. milliarium Post hunc Dionysiodorus statuit esse 33600. milliarium. Ptolomæus 500. annis post Aristotelem, censuit esse 22500.

22500. milliarium. Alfranus mille trecentis annis post Aristotelem dixit esse 20040. milliarium, Sunt hodie, qui minorem faciunt; aded semper mundus decreuisse visus! Rectè igitur cum Bédectio I. 1. de Consol: dicimus: *Rara se constat sua forma mundo, si tantas variat vices, crede fortunis hominum caducis, bonis crede fugacibus,*

Q. 5. Qua ratione mundus potissimum decipit? R. Repræsentando præsens, ut semper futurum, *Hinc morimur ut mortales,* inquit Seneca: *vivimus ut immortales.*

Q. 6. Quis in hoc mundo servus fervorum? R. Qui omnibus placere voluerit, mancipiura autem, qui passionibus suis obtemperat.

Q. 7. Quod mobile, maximè immobile, & quod immobile, maximè mobile? R. Cælum maximè est mobile, & tamen extra suum locum non exit. Terra verò in æternum stat ut dicunt



Scripturæ, & tamen illa nihil mobilius inconstantiusque; unde Pœta: *Usq; licet calum moveatur, constat: ut Orbis Sic licet immotus, errat in orbe tamen.*

Q. 8. Sinè qua re difficulter respiratur in hoc mundo? R. Sinè aura favoris. Hæc autem aura non facilius atrahitur, quàm ab auro, quod ejus magnes est.

Q. 9. Quando multi Principum liberantur à Tyrannidis suspitione? R. Cùm agunt animam. Flavii Domitiani Imperat. Tessera fuit: Paucis notum est, quàm misera sit Principum conditio; qui à tyrannidis suspitione tandem liberantur; cùm agunt animã.

Q. 10. Quæ moneta potissimùm in usu in hoc mundo? R. Adulatio, nunquam illa, nisi apud sapientes, devaluationem timet.

DECAS XII.

Quæst: I.

Q. Uæst: 1. Quot sunt, qui non dormiunt? R. Octo: Dives non habens fidelem servum. Homo alteri necem machinans. Amator, deperiens mulierem. Consciens, se falsum crimen imposuisse illi, qui ulcisci potest. Pauper, à quo exigitur, quod non habet. Æger, destitutus medicò. Maritus adulteræ. Divesq; timens inopiam. Ichnaleta dissert 7.

Q. 2. Quæ est plerisq; tam felicitatis, quàm infelicitatis Mater? R. Phantasia: *Homines, inquit Epictetus in Enchiridio c. 10. perturbantur non rebus, sed iis, quas de rebus habent, opinionibus.* Et Nierembergii in Stoicis: *Usitatissimum est, nos apparentiis falli.* Horatius quoque de arte: *Decipimur specie.* Et Virgilius in Æneide: *Possunt, quia posse videntur.*

Q. 3. Quis habet assiduum bellum?  
R. Qui non est nummatus, cum multi-  
plici

plici enim miseria continuè ei luètandū. imò & nummatus, nam Eccle: 5. dicitur: *Saturitas divitis, non finit eum dormire.* Et Fam: Strada in bello Belg: *Pecunia sive desit, sive suppetat, seditiosa res est.*

Q. 4. Cui domi suæ nihil obsignatum? R. Qui, quos fideles arbitratur, furaces servos habet.

Q. 5. Quid molestius, quàm peculium non habere? R. Perdere! tolerabilius enim atque facilius est, aut non habuisse, aut non acquirere, quàm habita amittere. *Ideoq; inquit Seneca de tranquillitate c. 8. latiores videbis, quos nunquam fortuna respexit, quàm quos deseruit.*

Q. 6. Quid illud, quod omnes prætendentes in hoc mundo sibi auferri velent? R. Spes, collatione nimirum beneficii, quod prætendunt. unde Pòéta *Spes meate spectat fortunatissime Princeps;*

Tu

*Tu mihi spem misero talle; beatus ero.*

Q. 7. Quandonam volucris ne-  
cessè decurtari alas? R. Dum in iisdem  
nimum excrescit, & producit cauda,  
dicebat Italus de eo, qui copiosam a-  
lebat familiam, unde ad inopiam redi-  
gebatur. Julij Constantis Imperatoris  
Tessera fuit: *Crescente superbia, decre-  
scit fortuna.*

Q. 8. Quandonam divitum multi-  
plicantur opes? R. Cùm absumuntur.  
Dum enim intra cistas hærent, unius  
sunt & dominij, & hospitij; at dum con-  
sumuntur, plurium fiunt. unde Pédeta:

*Nunquam deficiunt Charites; cùm dan-  
tur, habentur,*

*Cumq; absumuntur, multiplicantur opes.*

Q. 9. Quis est cursus mundi? R.  
Sicut heri, & nudius tertius. quare Pédeta:  
*Sicut it, ire sinas nam sicut it, ivit, & i-  
bit.* Aliter: mundi cursus est cancrinus,  
quare ille apud Philippum Picinelli  
cane-



canero adscripsit: *Orbis iter.*

Q. 10. Quot modis pereunt Pro-  
vinciæ & regna? R. Quatuor: Ambitio-  
ne Gubernantium, avaritiâ Ministro-  
rum, neglectu Divinorum, & statûs Ec-  
clesiastici contemptu. Nierembergus  
in dictamin: Regiis. Aliter Pœta:

*Alta cadunt: Inflata crepant, Tume-  
facta premuntur.*

DECAS XIII.

Q. 1. Quis timendus divitibus?  
R. ille, qui paupertatem timet, E-  
gestas quippe Magistra fraudium est,  
& quod deest virium, supplere solet  
nequitia, eò atrocior, quò infirmiore.

Q. 2. Quod idem solatium miserri-  
mis, ac tormentum felicissimis? R. In-  
cremento locum non esse. *Quidquid  
enim ad summum pervenit, incremento  
non relinquit locum,* ait Seneca svasoria  
inde torquetur felix, & respirat miser.

Q. 3.

Q. 3. Quid facit multiplicans ser-  
vos? R. Multiplicat rapinas. De hoc  
Rabbi Hillel: qui multiplicat carnes,  
multiplicat vermes: qui multiplicat di-  
vitiis multiplicat curas: qui multiplicat  
uxores, multiplicat veneficas: qui  
multiplicat ancillas, multiplicat scelus:  
qui multiplicat servos, multiplicat rapi-  
nas.

Q. 4. Quid homini nunquam occur-  
rit solam? R. Calamitas. Ajunt vulgò,  
inquit Ichnaleta dissert: 2. catenâ con-  
nexas quadam per orbem commeari  
calamitates, nec unquam uni singulares  
occurrere. Et Strada: *Solitaria non in-  
cedunt infortunia.*

Q. 5. Quis semper vel fuit, vel vo-  
luit esse miser? R. *Regum sollicita, qui-  
cunq; senescit in aula, Aut fuit, aut  
semper postulat, esse miser.*

Q. 6. Quis semper pauper? R. qui  
semet pauper.

*Semper*

*Semper eris pauper, ſi pauper es, Amilliane;  
Dantur opes nullis, nunc, niſi divitibus.  
Martialis.*

Q. 7. Quis non ſat firmus ſtetit?

R. Qui cecidit. Boetius de Conſol:

*Quid me felicem toties jaſtaſtis amici!*

*Qui cecidit, ſtabili non erat ille gradu.*

Q. 8. Quæ felix oblivio? R. Rerum, quæ perditæ ampliùs recipi non poſſunt. Friderici III. Imperatoris, hæc fuit Teſſera *Rerum irrecuperabili-um, felix oblivio.*

Q. 9. Cui ſemper male? R. Semper male ominanti; meris enim in timoribus, ejuſmodi homo vivit. Juſtini II. Imperatoris Teſſera fuit: *Male ominanſi ſemper male eſt.* Multa, quæ non ſunt, inquit Nierembergicus, à metu eſſe incipiunt. Timens hiſ patitur mala, dum ſunt, & dum formidantur. Malum abſque remedio, timere omnia. ſinè discrimine. Qui ad omnem motum

pave-

pavescit, ante necessitatem angitur; & ultra necessitatem affligitur.

Q. 10. Quid illud quod etiam ij habent, qui aliud nihil habent? R. Spes, Miles Alexandri, omni possessione in patria relicta, roganti, quid sibi reservasset, respondit: Spem acquirendorum. Nota est Pandoraæ pixis, ex qua dum universa evasissent, solam spem Dea retinuit. de illa Pdæta li b. 1. de Ponto Eleg: 7.

*Hæc dea, cum fugerent sceleratas Numina terras,*

*In diis inuisa sola remansit humo.*

*Hæc facit, ut videat, cum terras undiqz nullas.*

*Naufragus in mediis bracchia iacet aquis.*

*Et alius: Spes alit agricolas, spes sulcis: semina credit.*

*Spes etiam dura solatur compede vitum.*

*Nemo pauperior, inquit Nieremb: in dicta*



dictam in: moralibus, quam qui spiritum non habet: ubi omnia nos derelinquant; sola illa, perstat fides Achates.

DECAS XIV

Q. 1. Quomodo vivitur in hoc mundo? R. Spirando; respirando; aspirando, expirando: Potissimum autem ad altiora temper, atque altiora aspirando.

Q. 2. Quid illud, quod crescit crescendo, decrescit quiescendo? R. Fama, Virg: 4. Aeneidos:

*Fama malum quod non aliud vesocius ullum;*

*Mobilitate viget, viresq; acquirit eundo:  
Parva metu primo, mox sese attollit in  
auras.*

*Ingrrediturq; solo, & caput inter nubila condit.*

Q. 3. Quibus rebus plerumque aether plenus est? R. Icaris, Respice vultu Principum! di quanti tolluntur in altum,

et lapsu graviore ruans.

Q. 4. Quid illud, quod neque quaeritur, neque possidetur, neque dicitur, neque cogitatur sine aspiratione; R. Honor. *Donec eram sospes, inquit Poeta: tituli, tangebam amore, quærendiq; mihi nominis ardor erat. & de cupiditate honoris, dixit, Maro: Stimulus sub pectore versans.*

Q. 5. Quibus gradibus ascenditur ad honores? R. Argenteis, aureisque. Non sic olim: Romæ nulli integrum erat ad Ædem Honoris penetrare, nisi per Virtutis Sacrum. Sed quæres; quibus gradibus ab honore descendatur? R. Sæpe uno tantum, & jam in nullo gradu eris! quippe & hic facilis descensus! Seneca de Benef: *Non his gradibus, quibus ad summa perventum est, retrò itur; sæpe inter fortunam maximam, & ultimam nihil interest.*

Q. 6. Quid cuivis accidere potest?

R. Quod

*Questiones, & Responsa*

R. Quod cuiquam potest. De Carol  
V. sepunt Historici, quod cum Francio  
scum I. Gallia Regem captivum habe-  
ret, illeq; Casari monitorium pariet-  
carbone inscripsisset: *Hodie mihi, crāi  
tibi.* Carolus arrepto eodem carbones  
dicto subscripsit: *Homo sum; nihil ha-  
mani alienum à me puto.* Id, quod voluit  
Publius Poeta cum dixit.

*Cuius potest accidere; quod cuiquam  
potest.*

Q. 7. Quæ prima apud omnes na-  
tiones, & lingvas persona? R. Ego. Sæ-  
quisq; sibi est primus: de hoc Poeta:

*Tu persona secunda: ille ultima: Primo  
Ego: Nostrum.*

*Nemo tamen sibi, non esse videtur Ego.*

Q. 8. Quid interest inter solium, &  
aliena genua? R. Sæpe tantum hora  
momentum. Seneca de tranquillitate: de  
Fortuna Ludo Boetius I. de Consol.  
Philosophia:

*Hæc cum superbâ verterit vices dextra  
 Et æsuantis more fertur Euripi  
 Dudum tremendos seua proteritis Reges,  
 Humilemq; victi subleuat fallax vultum;  
 Magnumq; suis monstrat ostentum, si quis  
 Visatur unâ stratus, ac felix borâ.*

Flavii Arcadii Imperatoris Tessera fuit:  
*Maxima paulatim ex minimis, minimo  
 subito ex maximis.*

Q. 9. Quandonam vilissimo cuique  
 crescit audacia, & præsumptio? R. Cum  
 se timeri sentit. Strada in bello Belg:

Q. 10. Quis Icaro infelicio? R. Qui  
 ex vero, & sinè fabula ex alto cecidit.  
 Nam illud, quod Horatius de Icaro  
 dixit: *Ceratis ope Dadales nititur pennis,  
 vitreo daturus nemina ponto, Pòeseos  
 artificiam est: quod singulis propè die-  
 bûs vel videmus, vel audimus, veritas.*

DECAS XV.

Quæst. 1. Quid vellet habere avarus?  
 R. Omnia, præter honestum animum.

Dictum



Dicitum eſt Taciti. 13. Annalium de  
Poppæa Neronis. *metetricula. Poppæa*  
*inquit, cuncta fuere, præter honeſtum*  
*animum.*

Q. 2. Quod plerùmque moritur,  
abſque integra confessione? R. Aurum.  
*Argentum, & aurum os habent, & non*  
*loquentur. Psalm: 113.*

Q. 3. Quod genus hominum rare  
pietatis, & tamen frequentis pietatis  
occafio? R. Eorum, qui caſtra ſequun-  
tur. Illis enim advenientibûs, ruſticus  
orat: perſiſtentibûs, ferias celebrat: re-  
cedentibûs, quia nihil reſiduum fecere,  
jejunat.

Q. 4. Cui brevi incumbet ſua di-  
vendere? R. Qui cuncta emit. Unde  
Martialis: *Omnia Caſtor emis, ſic fiet,*  
*ut omnia vendas: quia ſcilicet ſolvendo*  
*non eris par.*

Q. 5. Quem ante coenam oportet  
lavare manus? R. Qui eas fartis infecit.

Quare Sextius ad Appium furacem hominem aliquando dixit: *Manus lava, & cenabis mecum.*

Q. 6. Qui fures minus studiosè agunt? R. Qui illic noctu aliquid sublegere volunt, ubi etiam de die nihil est reperire: Unde Joannes Lotichius Poeta in Poematis:

*Cum sua decolor subeunt omnia limina furem.*

*Querere speratas nocte videret opes:  
Noctis quid in nostris circumspicis adibus; inquit.*

*Hic ego nil media cernere luce queo.*

Q. 7. Quod genus scalarum optimum? R. Quod ex grallis pauperum, per eleemolynas constructum, ad cælum ducit.

Q. 8. Quid materiæ primæ perquam simile? R. Avarus. Quare Poeta in Aulum Avatum ludit:

*Materia fertur res esse simillima primæ:  
Hac*

Questiones & Responsa: 55

Hæc formas omnes appetit: Aulus opes  
Ex Claudiano:

Non Tartessincis illum satiaret arenis  
Tempestas pretiosa Tegi, non stagna  
rubeantis.

Aurea Pactoli, totumq; exhauserit  
Hermum,

Ardebit majore siti: nempe  
Crescit Amor nummi, quantum ipsa  
pecunia crescit.

Ovidius: Sic, quibus intumuit suffusa  
venter ab unda;

Quo plus sunt poræ, plus ficiuntur aque.  
Avaris enim nihil satis est, ut eorum  
cupiditatem, jam non famem, non si-  
tim, sed tartaream ingluviem rectè vo-  
cârit Camicus.

Q. 9. Quæ Aularum spongiæ? R.  
Præfeci, & quæstores; hi namque quas  
opes à subditis attraxerunt, volentibus  
Principibus reddere coguntur. Traja-  
nus Imperator suos Præfectos, qui malè

rem administrassent, allocutus fertur:  
 Quid habes? unde habes? redde, quod  
 habes. de hoc Alciatus:

*Exprimit bumentes, quas iam made-*  
*fecerat autè*

*Spongiolas cupidi. (justi.) Principis*  
*arcta manus!*

Q. 10. Quid felicem posset facere  
 Avarum? R. Si Arithmetice speciem,  
 quam divisionem vocant, perdiscere  
 posset.

*Nil numerare juvat; nil, addere sem-*  
*per acervo:*

*Multiplicare nihil: divide; tuus eris.*

### D E C A S XVI

Q. 1. Quid boni habet non invi-  
 tatus ad convivium? R. Non lauda-  
 vit, quem forte noluit. Epictet: c. 32.  
 Lactucas non habes; nummum habes,  
 quo emere poteras, si voluisses.

Q. 2. Quid saepe redit de sepulchro,  
 se quidem portâ, quâ intravit? R. Cibus,  
 vel



vel porus ultra modum ingestus. *Placet*  
*ebus, inquit Seneca de tranquillitate c. 1.*  
*quem nec paratus dies, nec multorum*  
*manibus ministratus; sed parabilis, faci-*  
*lisq; nihil habens accersiti, pretiosive ubi-*  
*libet non defuturus, nec patrimonio gra-*  
*vis, nec corpori, nec rediturus, qua intra-*  
*verat.*

Q. 3. Quibus mortalibus curta ad-  
modum memoria est? R. Magnis pota-  
toribus: vix dum enim calicem ab ore  
removerunt, & bibisse obliti, iterum  
bibunt. De his dixeris: *Longa oblivie*  
*potant.*

Q. 4. Quæ sanitas plerùmque morbis  
obnoxia? R. Bibita. Hinc Pœta:

*Heu miser ebibitam toties Regumq;*  
*Ducumq;*

*Post sanitatem, sanitatem perdidit.*

Et alius: *Una salus sanis, nullam po-*  
*tere salutem;*

*Non est in pota, vero, salute, salus*

Q. 5. Ad cuius cenam non facile accedit sapiens? R. Ad eius qui nihil illi, pro hoc debere volet. *Athenodorus ait, inquit Seneca de tranquillit; c. 6. ne ad cenam quidem se iturum, qui sibi nil pro hac debiturus sit.*

Q. 6. Quis totum annum in vultu circumfert? R. Ebrietati deditus. Ita de Appio Pdeta;

*In niveis Appi jam regnat bruma capillis,*

*Inq; oculis semper vino flammantibus estas.*

*Baccifer Autumnus pingit nasumq; genasq;*

*Cumq; bibit, florum dulce illi ad tempora ver est.*

*Sic potans totam in vultu gerit Appius annus.*

Q. 7. Quid dicit invitans ad convivium? R. Hodie mihi, eras tibi. Non vult se gratias agere, sed referre

*Quaestiones, & Responsa.* 59

*Et ibant filij ejus, (Job.) & faciebant convivium per domos: unusquisq; in die suo. Jobi i. non frustra in convivio adhibetur multitudo orbium; ejusmodi enim opera volunt ire in orbem, & circumlum? hodie apud Sempronium, cras apud Capronymum, & sic deinceps?*

*Q. 8. Quae raro decorè res suas finiunt? R.*

*Sol manè latus prodiens,*

*Mulier latinè garriens,*

*Vinoq; pastus pusio,*

*Res finiunt dispendio.*

*Q. 9. Quâ horâ diei comedendum? R. Cum Diogene: diviti, quâ hora volent, pauperi, quâ poterit. Nolle edere, cum habeat, est desperatorum: non posse, egrotorum: non edere, egenorum. Nierember: in dictaminibus Christianis.*

*Q. 10. Quis sapidissimus haustus? R. Qui à sitiente bibitur. Unde Cicero, de nescio quo Duce, qui sitim sedaturus ev-*

curus ex obvia lacuna aquam hauriens, cum dixisset sibi ejusmodi sapidum potum totâ vitâ non obtigisse; subjunxit: *Nunquam fitiens biberat.*

D E C A S. XVII.

Quæst. 1. Quæ res cautè tractanda? R. Familiaritas. Familiaritatum quasdam, inquit Ichnæeta dissertatione 3. novi vasorum fictorum similes, quæ cum citò franguntur, reparari ope, ac morâ nequeunt ullâ; alias amicitias aureis poculis comparo, quæ tardè mota, diutissimè durant.

Q. 2. Quod est ægrorum quasi quartò modò proprium? R. Nihil diu pati. Seneca de tranquill: c. 2. qui & subdit: *Fastidio illis esse cæpit vita, & ipse mundus, & subit illud rabidarum deliciarum, quousq; eadem?*

Q. 3. Ex quibus intelligitur infirmi status? R. Ex insomniis; ex meridianis turbationibus, ex inconstanti arteria; &



ex eo, quod lingua loquitur. Lingva enim dentis malè habentis loquitur cruciatum.

Q. 4. Quæ, cùm simillima sint, pessimè conveniunt? R. Coniunx uterque malus. Unde Martialis l. 8. ep. 35.

*Cùm sitis similes, paresq; vita;  
Uxor pessima, pessimus maritus,  
Miror non bene convenire vobis.*

Et Pœta recentior de duobus ebriosis Coniugibus: *Quàm bene conveniunt,  
tam malè conveniunt.*

Q. 5. Quis ancillarum est quotidianus cibus? R. Vapulare, Ita Plantus in Mercurio: *Nihil opus nobis ancillâ, nisi quæ texat, quæ molat, lignum cadat, pensum faciat, ades verrat, vapulet: quæq; habeat quotidianum familiae coctum cibum. id est, verbera.*

Q. 6. Quis plerumq; recipit plùs, quàm dederit? R. Qui primus alium verberat. Ita enim comparati natura sumus,

sumus, ut adversus aggressorem pleriq;  
feramur.

Q. 7. Cuius illa vox: infernus do-  
mus mea est? R. Viri habentis uxorem  
litigiosam *Commorari leoni & draconi,*  
inquit Ecclesiasticus c. 25. *placebit, quam  
habitare cum muliere nequam.*

Q. 8. Quid periculosum injuriam  
passo? R. Potenti differre veniam, magis  
periculosum negare: maximè periculo-  
sum, velle ulcisci. Desperatio enim  
audaciam gignit; & qui in modico offen-  
dit, quasi semper hostis futurus, colli-  
git iram, seq; roborat complicibus in-  
ictum graviolem. Nieremb: in dictami-  
nibus Prudentiæ.

Q. 9. Etiamne pro Tyrannis, & eo-  
rum vita orandum? R. Etiam, nè scili-  
cet iis extinetis, ut plerumque fit, de-  
tesiores succedant. Sic Anus longos  
precabatur Dionysio annos, & causam  
rogata, respondit: timendi enim sunt  
successores

successores nequiores. Expertæ sunt id ipsum ranae, quæ truncum, Regem suum perosæ, ut est in fabula, Ciconiam, in malum suum pro Principe accepere.

Q. 10. In quos minùs consultum Satyras scribere? R. In eos, qui proscribere scribentem possunt. Scripserat Satyram in Pollionem Augustus Cæsar: negavit se responsurum Pollio: non enim expedit, (inquit) in eum scribere, qui potest proscribere.

DE CAS XVIII.

Quæst. 1. Quid est proximum casui?  
R. Homo oblitus fragilitatis suæ. *Ingentium Imperiorum, inquit Romanus Sapiens Svasoriâ 2. magna fastigia, oblivione fragilitatis humane collapsæ sunt. Deinde ædificium, suâ basi productius: Unde Prov. 17. dicitur. Qui altam facit domum suam, quærit ruinam* Tertium est Virgo, ludens cum Adolescentulo.

Q. 2. Quæ facile recidunt in naturam suam? R. Arcus sibi relictus: lupa cicurata, cum ad suos redierit: & mulier humilis, cum dominatum acceperit Naturam furcâ expellas, tamen usq; redibit.

Q. 3. In quo non licet bis peccare? R. In bello, & virginitate. Nulla reparabilis arte, lesa pudicitia est. Deperit illa semel.

Q. 4. Quæ pessima in unaquaque domo? R. Cum Pœta:

Sunt tria damna domûs: imber, mala femina, fumus:

Quartum est, cum manent proles. surgunt sine pane.

Q. 5. Quid amor? R. Libertas incarcerata: pax permixta bellis: voluptas dolenda: spes metu plena; mel felle permixtum; serietas ludicra. De his Pœta,

Libertas, carcer: pax, pugna: dolenda voluptas,

Spes, motus est. fel, mel, seria, ludus.  
Pomer.

Theophras-



Theophrastus autem interrogatus, quid esset Amor, respondit: esse effectum anime otiose. Apud Philippum Picinelli quidam Salamandræ adscripsit: Hoc tor-queor, quod huic deest.

*Q. 6. Quæ meritò privantur honore*  
*R. Cum Pœta:*

*Clericus ad bellum pronus, lasciva puella, Martius in flore, merito privan-  
tur honore.*

*Q. 7. A quibus meritò quisq; liberatà  
exoptat; R. A pretioso cibo, ( id est à  
medicina ] A forti haustu, [ id est à sub-  
mersione ] A mala societate, [ id est à  
carnifice ) Florentini verò in Ecclesia  
S. Liberatæ, dum Litaniz majores can-  
nantur, dicuntur adjungere: A mala  
muliere, libera nos Domine.*

*Q. 8. Lis, rixa, contentio, æmulatio,  
maledictio, ira, fraus, luxuria, impu-  
dicitia cujus generis? R. Fæminini Tibul-  
lus l. 3. Crudelis genus, nec fidum femina*

uomen. Et Emmanuel Alvarus: *Laus, fraus, muliebria sunt.*

Q. 9. Quæ sunt egestatis causæ propinquiores? *Alea, vina, venus, De hoc Pdéta.*

*Dives eram dudum, fecerunt me tria nudum;*

*Alea, vina Venus, tribus his sum factus egenus.*

Q. 10. Quæ homini plurimum negotii facessere idonei? R. *Navis, & Mulier. Plautus in Pænulo: Negotij sibi, qui volet vim parare, Navem, & Mulierem, hæc duo sibi comparare. Nam nulla res magis duæ plus negotij habent, si forte exceperis exornare, neque unquam satis hæc duæ res exornantur, neq; ulla eis, ornandi satietas est.*

### DECAS XIX.

Quæst. 1. Quid illud sine quo nemo magnus? R. *Invidia. Unde Seneca in Hercule: O Fortuna viris invidio fortibus,*

fortibus. Et Bidermannus in Bellisario  
habet, *Actum*, ut hic Dux in hostem  
proceisset, illi se comitem junxisse invi-  
diam. Quid si & odium? nam, ut Sene-  
ca in Thebaide: *Simul ista mundi Con-  
ditor posuit Deus, Odium, atq; Regnum.*

Q. 2. Quis miser dupliciter? R. Cui  
nunquam bene, nisi aliis malè sit. Tales  
sunt: invidus, vespillo, & Medicus de  
Medico Pdeta.

*Res misera Medicus est, cui nunquam  
bene est,*

*Nisi male sit quàm plurimis.*

Q. 3. Quid viventibus est facile, aut  
difficile? R. ipsum videre est facile:  
prævidere difficile; providere diffici-  
lius, invidere frequentissimum.

Q. 4. Quid boni cæcus habet? R.  
Quodd hostium suorum fortunam cerne-  
re non possit. Cùm Julianus Impera-  
tor; Mari Episcopo Chalcedonensi cæco  
dixisset: Nunquid non Galileus tuus,  
quem

quem colis, visum tibi restituere potest.  
 Respondit Episcopus: idem vel maxime  
 gratias DEO meo habeo, quod cæcus  
 te crudelissimum Apostatam cernere  
 nequeam. Eidem impio Juliano, Chri-  
 stianum quendam interroganti, ac di-  
 centi: quid facit faber, JESUS à Naza-  
 reth: respondit interrogatus: impio Ju-  
 liano sarcophagum fabricat.

*Q. 5. Quando fictus amicus te ad  
 cenam invitabit? R. Cùm te aliud invi-  
 tatum intellexerit.*

*Q. 6. Quarum rerum facilis est sa-  
 tietas? R. Piscium, & Hospitis.  
 Post tres sæpe dies, vilescit piscis, & hospes,  
 Ni sale conditus, sit: vel specialis amicus.  
 Sapientis monitum est: Suborabe pedem  
 à domo proximi tui, nè quando satiatas  
 oderit te. Prov. 25.*

*Q. 7. Quæ porta apud Magnates  
 plerumque aperta, quæ clausa? R. A-  
 perta, quæ intrant munera, & obsequia:  
 clausa,*



clausa, quâ deberent exire gratiæ & beneficia. Ita Mimus Anglus, videns in Regio palatio unam portam veram, & aliam fictam, ac pictam; intento in veram digito dixit: per hanc munera intrant: in fictam autem: per hanc beneficia exeunt.

Q. 8. Qui faciliè contristari possit Avarus, aut invidus? R. Si quid ab eo petatur. Lysimachus aliquando ficto scorpione terruit Bythum familiarem suum: cui Bythus: vis ut ego quoque te terream? volo, inquit, Lysimachus. Tum Bythus: da mihi talentum.

Q. 9. Quid illud, quod difficulter domi retinueris? R. Id, quod multis, amicis, aut inimicis arridet.

Q. 10. Quibus minimè invidendum R. Altiora se petentibus: ut pote quibus casus in propinquo est, unde ille:

*Stet, quicumq; volet*

*Aula culmine læbrico:*

*Ute Muldo*

*Me dulcis saturet quietes.*

*Non inuideamus altiùs stantibus. Quæ excelsa videntur, prærupta sunt.* Seneca de tranquill. c. 10. Neque hærentes in fastigio. possunt, nisi cadendo descendere.

**D E C A S XX.**

**Q**uest. 1. Quæ res nunquam otiosæ?  
**R.** Juxta Senecam Svaloriâ 5; Magna Imperia, juxta alios: Inquietas in horologio Avari; Lingua mulieris stultæ; & conscientia ejus, qui in Principem crimen admisit.

**Q.** 2. Quid faciunt nominû otiosorum dies?  
**R.** Inter memoriâ præteritorum, & desideria futurorum ut avis, cujus nullum vestigium, transeunt.

*Lux abit, umbra fugit, volat irrevocabilis hora;*

*Transit præcipiti sic tua vita pede.*

**Q.** 3. Quid agat à publicis officijs remotus?  
**R.** Agat bonum contubernalem, amicum fidelem, & temperantem

convivam; dumq; amittit officia Civis,  
exerceat officia Hominis. Sen: de tran-  
quill: c. 3. an parum utile putas exem-  
plum bene quiescentis.

Q. 4. Quid optaret piger? R. Ut  
otiani, & dormire esset idem, quod la-  
borare. Sic M. Lepidus, cæteris labo-  
rantibus, in herba procumbens, dixit:  
vellam; hoc esset laborare.

Q. 5. Quid frequentissimè cernitur  
à tergo? R. Occasio. In continua enim  
fuga est. Unde Valerius Maximus scri-  
psit: inestimabile esse momentum occa-  
sionis; atque ideo cum primis observan-  
dum. Et Horatius: *Rapiamus amic  
occasionem de die: dumq; vident genua; &  
decet: obducta salvatur fronte senectus.*

Catonis verò verba sunt:

*Rem tibi, quam nobis optam, dimittere  
noli,*

*Fronte capillata est, post hæc occasio  
salva.*

Q. 6. Quæ non admodum grata suis  
Heris? R.

*Stans Mola, surda Nola, sterilis Vola,  
Stans Schola sola,*

*Quatuor hæc dominis non placuere suis,*

Q. 7. Quam diu dormiendum? R.  
eum p̄dēta:

*Quinque horis noctu satis est dormisse  
studenti:*

*Sex mercatori: septem de stemmate nato.*

*Octo pigris demus, nequam, omnes dor-  
miat horas.*

De Rege verò Homerus:

*Non decet integram noctem dormire  
Regentem*

*Imperio populos, & agentem pectore curas.*

Q. 8. Quis malus Paterfamilias?  
R. Qui interdum facit, quod noctu face-  
re posset: peior, qui profectis facit  
quod feriatis deberet: peissimus, qui  
sereno celo facit sub recto, quod posset  
operari in agro sub dio. Plin: l. 18. c. 6.

Q. 9. Quæ



Q. 9. Quæ mora secura, & laudabilis?  
R. Quæ in eo, quod convenit, delibe-  
rando, infumitur. Adolphus Imperator  
Delphino anchoram implexuit piscis  
illius agilitatem, moderantem; cum  
Lemmate: *festina lentè*. Swantibertus  
verd III. Dux Pomeraniæ Tesseram  
habuit.

*Auff Rath weil, zur That eyl.*

Q. 10. Quid otium? R. Parenthesis  
vitæ. Nihil enim agere, est idem, ac  
non vivere. Neque enim vivere, ac  
diurnare ejusdem rationis sunt; neque  
omnis, qui diu fuit, diu vixit. Unde  
cuidam septuagenario, qui potissimam,  
vitam otiosus, ingloriusq; transegit, Pò-  
éta Epitaphium posuit: Hic jacet se-  
ptuagenarius, qui septem annos vixit.

DECAS XXI.

Quæst: 1. Super quibus mundus con-  
sistit? R. Super tribus: Super lege;  
super cultu DEI, & super beneficio-  
rum

rum retributione. Rabbi Simeon Justus.

Q. 2. Quid illud, quod Agricola quotidie, Rex admodum raro, DEUS nunquam videt? R. Sibi parem. Quis DEUS præter Dominum? aut quis Deus præter DEUM nostrum? Psalm: 17.

Q. 3. Quid labore, formâ, omniq; hominum industriâ solidius? R. Divina providentia. De hoc Ichnaleta dissertat: 12. Quatuor ibant, inquit, peregrini sinè omni nummo. Primo die Rusticus ligna secans, vendidit, atque suos socios aluit, mœxq; portæ inscripsit: unius hominis labor quatuor egentes pavit. Secundo die Nobilis ob formam, à Nobili, ad prandium, cum sociis invitatus, portæ inscripsit: unius Juvenis forma, quatuor peregrinos annonâ instruxit. Tertio die Mercator, cum navis cum mercimonijs appulisset, quanti universa constarent? respondit venditor: decem millibus. Tunc Mercator Civē accessit,

& con-

*Questiones, & Responsa.*

*U* & conductas merces undecim millibus propoluit; sic ille emit; sic alter solutus est, atq; ita portæ inscripsit. Unius Mercatoris industriâ mille nummos, unâ die sibi, & sodalibus ex nihilo, confecit. Die quarto, cum novus Rex eligeretur, magnæque essent factiones, Peregrinus quartus, Regis, sed exul filius in regnum assumptus est; qui proinde triumphali suo currui inscribi fecit: certior, solidiorq; basis fiduciae humanæ, quam labor, Forma, Industriaq; est divina Providentia.

Q. 4. Quas Claves unus habet DEUS? R. Clavim partuum, & vitæ: Clavim cæli, & pluvie: Clavim annonæ, & fertilitatis: & Clavim sepulchrorum, ne quis absque ejus nutu inde redire possit.

Q. 5. Quid est DEUS? R. Quod quod diutius cogitaveris, minus intelliges. Dicitur, est Solonis, qui à Sicilia Rege Hierone rogatus, quid DEUS esset:

esset? primùm, unum, tum 'duos, tum tres ad considerandum poposcit dies; ac demum respondit: quò magis Deum cogito, minùs intelligo. Augustinus l. 2. de ord: ait: *Deum melius sciri, nesciendo.*

Q. 6. Quid faciebat Deus, antequam crearet mundum? R. Apud Augustinum l. 11. Conf: c. 12. respondit quidam: *Alta scrutantibus gehennas parabat.* Sed Augustinus subdit: *Hæc non respondeo: libentiùs enim responderim: nescio, quod nescio, quàm illud, unde irridetur, qui alta interrogavit; & laudatur, qui falsa respondit.*

Q. 7. Quis non impunè ponit in cælum os suum? R. Qui divinam præsumit carpere providentiam. Rusticus sub pyro recubans, cælum arguebat, quòd pyra non ut pepones magna effici voluisset. Cùm ecce ruit ab arbore pyrorum aliquod, nasumq; viri concussit,



*Questiones. & Responsa* 77

eam ille: **Q** sapienter **DEUS!** si enim hoc pyrum peponis fuisset magnitudi-  
ne, hodie natum perdidissem.

**Q. 8.** Cui profit non meminisse, **DEI**  
**R.** Pejerare solito.

*Numinis immemorem te dicunt vivere:  
lingua*

*Rerius optarem Numen inesse tua.*

**Q. 9.** Quid est amare **DEUM?** **R.** **A-**  
mare, quia creavit nos, obligatio ser-  
vilis est: amare, quia celo donabit, lu-  
crum gloriosum est: amare, quia amat  
nos, gratitudo necessaria est: amare,  
quia bonus est, benevolentia iusta est.  
Amare, quia est, qui est, subtilitas **A-**  
moris est. Nierembergii in dictami-  
nib: Christianis.

**Q. 10.** Ubi **DEUS?** **R.** Intra te, nisi  
nequam sis, à peccatoribus enim ille  
longè est. Quoniam & in peccatori-  
bus est, per vindictam, qui in iustis est  
per gratiam.

## D E C A S XXII.

Quæst. 1. Quæ inter Regem, atque Tyrannum differentia? R. Rex timet, nè suis mala eveniant: Tyrannus, nè sibi. Ille amatur magis, iste metuitur magis: Cùm ille jubet, rogat, iste cùm rogat, jubet.

Q. 2. Quid bonus Princeps? R. Cum Plutarcho: Est viva DEI imago, id est, imago Optimi, Potentissimi, Sapientissimi. Bonitas efficit, ut nulli non proficit: sapientia, nè deviet: potentia, ut exequatur. Ex adverso Principis mali prototypon dæmon est; in id unum laborans, ut noceat omnibus. Ejus potentia, si virtus absit, proruit in omne malum; si bonitas desit, in tyrannidem; si prudentia, in ruinam & interitum. Nieremberg: in dictamin: Regiis.

Q. 3. Quid Gubernatores provinciarum? R. Ambiguum DEI instrumentum, tam aptum ad infligendas pœnas, quam

*Questiones, & Responsa* 79

quam cumulandas gratias. Sunt velut hydrophylacia, ex quibus in subjectos derivantur aut præmia, aut supplicia.

Q. 4. Cui Regno Væ? R. Væ tibi terra, cujus Rex puer est; & cujus Principes manè comedunt, Eccle: 10. Ex adverso: Beata terra, cujus Rex Nobilis est, & cujus Principes vescuntur in tempore suo ad reficiendum, & non ad luxuriam. Ibidem.

Q. 5. Quot rimis arcana Principum consilia emanare possunt? R. Sex. Enuntiatione ejus, qui sententiam rogavit; Confessione eorum, qui responderunt; Executorum loquacitate; Sagacium hominum conjecturis; Legatorum incuriâ, & temerariis judiciis hominum otiosorum. Ichnaleta dissert: 4.

Q. 6. Quæ Regem faciunt subditis augustum, & formidandum exteris? R. Impenetrabilis arcanorum fides, multa cum sapientibus colloquia; egregiorum

ministrorum delectus, & post navatam operam, liberalis remuneratio. Ibidem.

Q. 7. Quæ non verentur Regem? R. Gallus Gallinaceus, jacens in sterquilinio, & pedibûs occurrens cælo, nè ruat. Grus uni pedi insistens, nè si alterum terre infigat, mundum loco excutiat. Vermis pulverem parcè edens, nè illum cibus deficiat. Vespertilio, noctu solummodò circumvolitans, nè, si id die faciat, quisquam in illum inamoretur. Idem dissert: 7.

Q. 8. Quibûs rebûs Reges, ut ut potentes, destituti sunt? R. Labore, quò utiliter occuparentur: legibûs; quibûs eorum appetitus refrænetur: Amicis, qui vera doceant. Ex Socrate.

Quantùm ad primum, contrarium sensit Philippus W. Rex Hispaniarum, qui munus regium idem esse dixit, ac opus textoris; hic sedet quidem, sed toto laborans corpore, ore, manibûs, & pedibus.



*Quæstiones, & Responsa*

21

pedibûs. Euseb: Nieremb: in Politicis.

Q. 9. Quibus abundant Reges? R. Qui de divitiis eorum comedunt. Ita Eccle: 5. dicitur: *Ubi multa sunt opes, multi & qui comedunt eas.* Abundant præterea Reges i corvîs, animalibûs nempe rapacibûs, & voracibûs.

Q. 10. Quid pulcherrimum in Principibus? R. Si nihil in iis sit, quod eis condonari debeat. Livius Drusus Romanus, cùm domum haberet ob fenestrarum multitudinem, cunctis patentē, Fabro promittenti, se quinque talentorum mercede, huic incommodo occurrurum, respondit; decem dabo, si effeceris, ut, quæ ago, cunctis pateant. Vellej9 Paterculus. L. ultim: Hist9: Romanæ.

*DE CAS XXIII.*

Quæst: 1. Quæ pessima in hoc mundo? R. Pecunia, quæ non erogatur: Uxor, cui vir suus exosus est: Filius, parentibus contumax: Rex, qui

Ds

simulat

Simulat innocentiam. Amicus, perfidiam meditans; & Civitas, quæ seditionem parat. Ichnaleta dissertat: 9.

Q. 2. Quid sæpe intra eundem diem, nunc multùm, nunc parùm valet? R. Verbum ab adulatore prolatum: peunia, ut vocant devalvata; & Aulicus apud Principem gratosus.

Q. 3. Quis timendus Principibus viris? R. Historici calamus, non minùs, quàm deformibus vetulis, pictoris penicillus.

Q. 4. Quid rarum in aulis Regum? R. Veritas. Undè Ludovicus XI. Galliarum Rex quandoque dicere auditus: omnia esse in sua Aula; veritatem autem nuper illam vixisse sub suo parente in palatio, sed mortuam esse sine confessione.

Q. 5. Unde difficilis in cælum prospectus? R. Ex aulis. Annæus Seneca rogatus, cur Aulam deseruisset: non  
possem,

possum, inquit, ex Palatii tot fenestris liberè in cælum prospicere.

Q. 6. Quot sunt, in quibus persistis Salus Reipublicæ? R. Tria. Bona lex, bonus Rex, bonus grex. Aliter: Justa lex, Sapiens Rex, Obediens grex.

Q. 7. Qui Principes populis suspectis? R. Ad quos libelli Supplicum accedunt cum tremore: Supplices recedunt cum pallore. Octavius Augustus, cum meticulosus quidam, libellum tremulâ manu porrigeret, dixisse fertur: non oportet Principi tradere libellos, quemadmodum elephantibus, & leonibus pabulum. Et Titus Vespasianus: non oportet quenquam, à Principis conspectu tristem discedere.

Q. 8. Quos satellites plerumque habent Reges, & Principes? R. Hinc suspiria Aulicorum, promoveri expetentium: inde lacrymas subditorum relevari volentium. Octavius Augustus

quadam vice medius inter Horatium, ac Virgilium confidens, cum Horatius utpote ingenii melancholici sæpius suspiraret, Virgilius verò affectis oculis, identidem lacrymas extegeret, dixisse fertur:

*Hic lacrymas inter sedet, & suspiria  
Cæsar!*

Q. 9. Quis feliciter, ac justè regnasse existimandus? R. Qui si hodie sceptrum ponat, tutus viveret. De Nerva Coccejo Imperatore, fertur, auditum esse dicentem: nihil me fecisse scio, quominus possim depositò imperiò privatus vivere tutò. Aliter: ille justè regnasse videri potest, ex cujus demo, si omnibus rebus daretur facultas redeundi ad proprietarium, nihil omnino avolaret.

Q. 10. Fiscus cui conferri possit? R. Est lien, quo crescente, reliqui artus omnes abescunt. Dictum est. Ulpü  
Trajani



Trajani Principis ob æquitatem laudatissimi. De hoc Aleiatus in Emblem.

*Splene aucto, reliqui tabescunt corporis artus;*

*Fisco aucto, arguitur civica pauperies.*

Idem Trajanus cuidam tuorum præfecturam conferens, & ensem præbens dixisse fertur: Tibi istum, ad munimentum mei committo, si rectè agam: sin aliter, in me magis, quodd moderatorem omnium vel errare minùs fas sit.

**DECAS XXIV.**

**Q**uæst: 1. Qui sunt præstantissimi Consilarii? R. Mortui, id est, libri. Hi enim absque respectu verum dicunt. Sententia fuit Regis Alphonsi.

**Q.** 2. Quid Consilarios facit? R. Timor, quid bonos Consilarios facit? R. Timor. quid malos? R. Timor. Aristoteles.

**Q.** 3. Quæ consilia plerumque feliciter progrediuntur? R. Quæ alata testudini, insident. Festina lentè, Octavii Augusti.

Augusti Tessera fuit, quam Reusnerus  
itâ versu expressit

*Nec nil, nec nimium medium tenuere  
heati:*

*Festina lentè: sat cito, si bene sat.*

Q. 4. Qui Consiliarii suspecti? R.  
Qui semper eadem, quæ Princeps, vo-  
lunt. Echoni similes, prolatas voces  
repetenti. Nam, inquit Martianus, si  
Principes aliquid asserunt, annuunt &  
ipsi: si negant: negant & ipsi. Ajunt;  
ajo: negant; nego. Umbræ, quæ qui-  
escente Domino, quiescunt, confurgen-  
te, ac progrediente, moventur, & pro-  
cedunt. Unde Isocrates Regem suum  
monebat, ut eos vitaret, qui, quæcun-  
que fecisset, laudare prælumerent.

Q. 5. Qui consiliarii nihil modera-  
bite svadent? R. Nox, Amor, & Vinum.  
Ita Ovidius.

*Nox, & Amor, Vinumq; nihil mode-  
rabile svadent:*

*Illa*

*Illā pudore caret, Liber, Amorq; metu.*

Q. 6. Quod Consilium trutinæ committendum? R. Quod voto tuo arriserit: quod mulier dederit: quod hirundines .( animæ garrulæ ) suggesterint. Consilium illud prudentius, quod securum: opportunum, quod expeditius: quod facile, acceptabilius: omnibus his præstat, quod hæc omnia includit. Nie-rembergius.

Q. 7. Quæ conspicilla sunt potissimum in usu? R. Apud Germanos, quæ representant præteritum; hæc enim gens plurimum antiquis consuetudinibus tribuit. Apud Gallos, quæ monstrant præsens: celeriter enim judicant, & celeriter aggrediuntur, quod faciendum statuere. Apud Hispanos, quæ in futurum prospiciunt; multa enim consilia agunt de eventibus, qui ex rebus nasci solent, aut possunt. Isocrates omnibus utendum iussit; salutarem enim

enim doctrinam quampiam exposcenti;  
*Recordare, inquit, prateriti, age praesens, & cave futurum.*

Q. 8. Quis Consiliariorum optimus?  
 R. Cum Biante: Tempus. Philippus  
 tamen secundus Hispaniarum Rex dicebat,  
 se duobus Consiliariis admodum felicibus  
 uti. Nocte scilicet, & pulvillo. Solebat enim  
 de nocte, pulvillo incumbens consilia sua  
 excoquere.

Q. 9. Quae à Consiliariis in Curiam  
 procedentibus domi relinquenda? R.  
 Cum Imperatore Friderico II. Simulationem,  
 & dissimulationem. Illa enim fingit,  
 quae vera non sunt: ista, quae vera sunt,  
 obtegit.

Q. 10. Quae requisita ad Consilium?  
 R. Ad dandum, opus est animositate;  
 ad recipiendum, patientiâ: ad petendum,  
 candore: quod si passio subintraverit,  
 cuncta pessum eant, necesse est. Porro  
 illis *suadere arduum,* quibus  
 sensus



sensus proprius pro oculo est. Nieremberg. in dictaminib. Generalibus.

DECAS XXV.

Quæst. 1. Quæ res nulli mortalium, omnino concedenda? R. Quam omnino tacitam voles. Plerosq; contigit in perplexas incidisse questiones, quòd imprudenter, quibus non oportuit, secreta crediderint. Sive uni, sive pluribus dixeris, idem est. Facile sermo ab uno ad alterum effluit; ab hoc ad omnes: ita ut cum omnes palàm ignorent, clam omnes sciant. Gardin: Bona in manu ductione. Secretum est clavis cordis, frustra quereris pervenisse ad omnes, quod non poteris uni subticere. Quod volueris plures ignorare, illud dixeris omnino nulli. Nieremberg: in dictam. prudent:

Q. 2. Quid illud, in quo promittendo liberales sunt singuli; duri, universi? R. Beneficium, quod à communitate petitur. Strada de Bello Belgico:

Obsequen-

*Obsequentes singuli, contumaces universi.*

Q. 3. Quid, quod apud fœminas præcurrit, apud viros sequitur? R. Anser, seu garrulitas. Refert Daniel Meuserus in Emblem: Munchsbergensis Civitatis symbolum esse fœminam, quam præcurrit Anser, virum verò Anser subsequitur. Lemma: *Lingva præcurrit mentem.*

Q. 4. De quibus Concionatorem non oportet loqui? R. Quorum ipse observantiam nullam habet. Optimus ille Prædicator, qui verba facit, de quo Pòeta: *Ad populum qui verba facit, laudem inde meretur,*

*Si verè liceat dicere; verba facit.*

Q. 5. Quis Pythagora taciturnior habitus fuit? R. Ejus statua: ille enim quandoque, hæc nunquam locuta fuit.

Q. 6. Quid non cadit sub nostrum arbitrium? R. Quid quisque loquatur. Unde neque curandum, quis hominum

de

de nobis sermo sit. Ego, dicebat Titus, Vespasianus, quoniam nihil facio contumeliâ dignum, mendacia nihil curo. Et Seneca ad Gallionem de Remediis fortuitorum: quibusdam canibus sic innatum est, ut non pro veritate, sed pro consuetudine latrent. Fama nostra, inquit S. Franciscus Salesius in Philothea p. 3. c. 7. nos oportet esse Zelatores, non Idololatrias. Et S. Xaverius l. i. ep. 5. Parùm refert ab hominibus judicari, præsertim ab ijs, qui priùs judicant, quàm intelligant.

Q. 7. Quid faciendum silentium suum pertælo? R. Proferendum aliquit, quod silentio melius sit. Aut sile, dicebat Pythagoras, aut adfer silentiò meliora.

Q. 8. Quis sæpiùs audit, quod non vult? R. Cum. Pòéta.

Os qui non claudit, quod non vult sæpius audit:

Non

*Non domus est pacis, ubi regnat lingua loquacis.*

Q. 9. Quid illud, quod non promittit is, qui sapit? R. Quod statim dare potest.

*Bis non spondebis, quod mox prestare valebis;*

*Qui cito dat, bis dat, qui tardat munera, nil dat.*

Q. 10. Quid illud, quod non facile confitendum alteri? R. Quod non dum est certum tibi.

### D E C A S XXVI.

Quæst. 1. Quorum cogitationes divulgant aves cæli? R. Eorum, qui detrahunt Principi. *In cogitatione tua, inquit Ecclesiastes c. 10. Regi nè detrahas, & in secreto cubilis tui nè maledixeris diviti: quia & aves celi portabunt vocem tuam, & qui habet pennas, annuntiabit sententiam. Si res potentem tangat, aut divitem quod in aurem murmuraveris,*



raveris, credito divulgandum per orbē.  
Nieremb: in dictamin: prudentiæ.

Q. 2. Quis proficuè errat? R. Qui bene loquitur de omnibus? Lingva bona hoc fanore gaudet, ut de ipsa loquantur bene omnes. Idem ibidem.

Q. 3. Quis consuevit non vera loqui? R. Qui non curat vera audire. Talia enim vehit rivus, qualia fons suggesterit.

Q. 4. Quid vox populi? R. Si passio deest, vox Dei est. Si passio adsit, vox diaboli est. Cæterùm vulgus plerùmque instabile, pronum in affectum, iudicii expers; invidum, suspiciosum, credulum, comprimi nescium, turbidum, ac quodlibet nimium augens, Favet fervidis, negligit publicum, verbis ferox, metu, aut spe semper nimium. Ex Cicerone, & Tacito.

Q. 5. In quo mulieres præ viris abundant? R. Sensibus, nam præter visum,

sum, auditum, odoratum, gustum, & tactum, pertinaciam, & garrulitatem profensu habent.

Q. 6. Quenam ex arboribus sapientiae laudem obtinet? R. Corylus, quæ ad ventorum furias flexit sese, atque ita incolumis perçistit, cum interea flexi nescia sæpius ventis agitetur ingens pinus, & radicitus evelli valeat. Quare, cum subinde mulier, acceptis à Marito verberibus, flens sub Corylo consedit, quæsit Corylus causam gemitus; & intellecto, quod erat, fertur dixisse. Si scires, flexi, tacere, flante tuo domestico Æolo, ut ego quidem facio, nec mala verba, nec verbera ferres.

Q. 7. Quæ sunt loquæ accidentia? R. Loqui male, infirmitatis est; loqui vera, ingenuitatis: loqui opportunè prudentiæ: loqui importunè, stultitiæ: non loqui, ubi loquendum est; pusillanimitatis. Nierembergius.

Q. 8. Quæ sunt vestigia, ex quibus fatuus deprehendi possit? R. Cum Aristotele. Facile, ac perperam judicare: præpropere mentem edicere: nolle uti præsentibus: & de rebus honestis, ac bonis malè opinari.

Q. 9. qui se habebit bene congressus, vel convivium? R. Cum Matthæo Tympio: si in eo reperiatum totum Alphabetum. Sunt autem in Alphabeto literæ aliæ mutæ, aliæ vocales, aliæ semivocales. In Convivio, ut rectum sit, oportet Virgines tacere, & esse mutas: Juvenes, semivocales, qui non nisi interrogati, loquantur. At Viros rerum peritos, Vocales! *loquere major natu.* Eccl: 32.

Q. 10. quis lingvâ male utitur? R. Stultus loquendo: & sapiens tacendo. Videturq; tam sapiens peccare, si ubi loquendum est, sileat, quàm si stultus, cui omnino silendum est, loquatur. S. Bernar-

Bernardus ad Religiosam volentem tantum latere: *Si de fatuis Virginibus es congregatio tibi necessaria est: si de prudentibus, tu congregationi. nempe, ut, alias instruas.*

D E C A S XXVII.

**Q**uest: 1. quid est proprium Interesse? **R.** Proprium Interesse, est à DEO abesse: diabolo verò adesse: nemini prodesse: plurimis obesse: officio suo deesse: subditis, male præesse: & legibus nolle subesse.

**Q.** 2. Quid est maximè inter homines arbitrarium? **R.** Ex D. Statuinibus Generalibus P. Nierembergii decade 4. n. 38. Honor. ibi enim solet investigari, ubi & infamia occurrit. Ut eum prætendas, opus est prudentiâ, ut conlequaris, felicitate: ut conserves, patientiâ: ut ambias, dolò, & astutiâ.

**Q.** 3. Quis pontium in mundo maximus? **R.** Ex Navigerio. Tria esse in Hispania



Hispania mirabilia! Urbem cinctam ignibus: & est Madritum, quod muros ex silicibus habet. Aquam supra pontem, decurrentem; & est Aquæ ductus Segoviæ, qui ex una pontis parte, ad alteram arcuatim per pontem fertur. Tertium, est Fluvius Gvadiana, qui sub terram descendens, post eminentum decem leucarum iter erumpit, atque ita terra imminens pontem quendam constituit, in quo decem millia pecorum pasci solent.

Q. 4. quis cum bonus sit, malus est?

R. qui suâ causâ bonus est. Publii Anni Taciti Imperatoris Tessera fuit:

*Malus, qui suâ causâ bonus.*

Q. 5. quis arrogans, cum regnare coeperit? Is, qui cum subesset, nimium dejectus fuit. *Nequit alios gubernare, qui non novit alios sufferre. Neque unquam bene præest, qui suspicionibus subest.*  
Nieremberg: in Dictam: Regis.

E

Aliter

Aliter Claudianus l. de Eutropio:

*Asperius nihil est humili, cum surgit in  
altum,*

*Cuncta ferit: dum cuncta timet, desce-  
vit in omnes,*

*Ut se posse putent, nec bellua tetrior ulla,  
Quam servi rabies, in libera colla, furentis,*

Q. 6. Quis docet facere malè? R. Princeps, qui definit facere bene Nie-remb: in dictam: Regiis. Rex velit honesta, nemo non eadem velit. Seneca, & Pòeta recentior: Rex vitando vetat: & faciendo docet. Claudianus verò: Componitur Orbis Regis ad exemplum, nec sic inflectere sensus humanos edicta valent, quàm vita Regentis.

Q. 7. Qui sani ægrotant? R. Illi qui aliena negotia curant sua, inquit in ep. Seneca, satius est mala, quàm aliena tractare, & alibi: Ego ubicunq; sum, meus sum; rebus non me trado, sed commodo; nec confector temporis perdendi causas; & quocunq;

& quòcunq; constitutus locò, ibi cogitationes meas tracto, & aliquid in mente salutare verso.

Q. 8. Quis ingratus Conviva? R. Erinaceus, qui cùm satis de cibo abligurivit, quantùm potest, aculeis configit, & secum domum defert. Talis olim Cæcilianus, qui cùm furta de cæna auferre vellet, à Martiale audiit: *Nonte Cæciliæ cras vocavi.* id est, non te invitavi ad cœnam, hodie ut tantùm furareris, quantùm tibi pro crastina cœna sufficeret.

Q. 9. Cui prodest magis lavari in littore quàm in maris profundo? R. Prædestinationem suam cogitanti. Sufficit mihi, dicebat B. Ægidius, de prædestinatione quædam subtiliora interrogatus, sufficit, inquit, littus maris ad lavandum pedes, ac totum corpus, magisq; hoc volo quàm abssum illam intrare, in qua facilè mergi possim.

Et

Q. 10. Q. 1. ed

Q. 10. Quod genus hominum tibi  
dicet verum? R. *Call. Crai: S. A. ad 1. Petr.*

*Si secretarum seriem vis noscere rerum  
Ebrius, insipiens, pueri dicent tibi verum.*

### D E C A S XXVIII.

Q. uest: R. Quid illud, quod quisque  
facile credit? R. Quod factum val-  
de voluit. *Quod nimis miseri volunt, hoc  
facile credunt.* ait Seneca in Hercule.

Q. 2. Cujus querelas ridere solemus?  
R. Nucis Arboris, quæ in publico sita,  
apud Ovidium lamentatur se nunc saxis,  
nunc fustibus impeti, fructuq; spoliari.  
Cur enim in publico potius, quam in  
concluso horto sedem delegit? Ita sanè  
frustrà queruntur, qui sese passim pu-  
blicis turbis miscent, atque inde multa  
mala ab obvio quoque referunt. *Circum-  
eidenda est cursitatio, monet Seneca de  
tranquillit c. 12 qualis est Magna partis  
hominum, domos, & theatra, & fora  
pererrantium.* Si videlicet neminem in  
te impingere velis. Q. 3. quod



Q. 3. Quod mare cæteris magis imperlcrabile? R. Mare pacificum. Seu Homo, qui omnes affectus sedatos habet.

Q. 4. Quandonam facile decrescunt, quæ etiam videntur maxima? R. Si cum majoribus in comparationem venerint. *Miseria, inquit Nieremb: quam in altero majorem vides, infortunii nomen amisit. Elephas, utcunq; magnus, comparatus ad Caucasum exiguus; granum tritici utcunq; parvum comparatione ad atomum factâ, magnum est.*

Q. 5. Quem citò poenitere solet? R. Qui citò judicaverit: qui desertâ viâ publicâ, ignotum iter ingressus est, qui imperito medico utitur; & qui dum potuit, occasione uti noluit. Hinc illud Hannibalis: *Cùm potui, nolui, cùm volui, non potui.*

Q. 6. Quid pejus, quàm culpam admittere? R. Culpæ favere, admittere

Ez

enim

enim est fragilitatis; favere, malitiæ.

Q. 7. Quæ habitatio cæteris melior?  
R. Quæ bonum vicinum habet. Quare  
Themistocles domum venditurus, per  
præconem populum admonuit, eam  
habere bonum vicinum, ideoque ma-  
jori pretio exponi. Cæterùm bene habi-  
tant Europæi versi ad Aquilonem; Li-  
byci ad Austrum: Asiatici ad Subsola-  
num: Itali ad Zephyrum, Porrò Civi-  
tas laudanda, quæ ad solem, & ventos  
bene versa, bonis aquis, & commodita-  
te commerciorum utitur. Qualem Stra-  
bo l. 17 scribit esse Alexandriam, à Ma-  
cedonibus extructam.

Q. 8. Quis nusquam habitat? R. Qui  
habitat ubique. Ità Martialis ad Maxi-  
mum:

*Esquilis domus est, domus est tibi colle  
Dianæ:*

*Quisquis ubiq; habitat, Maxime, nus-  
quam habitat.*

Q. 9. Quomo-

Q. 9. Quomodo quis facile dives fieri possit? R. Si cupiditates, & plura volendi desideria tollat. Epicurus, *Hæc cogitationes tuæ tendant, inquit Seneca: hoc cura, hoc opta, ut contentus sis temetipso, & ex te nascentibus bonis.* Quid porro inde? omnibus ditissimis ditior eris.

Q. 10. Quis, licet nihil admodum habeat de peculio, inter divites censendus? R. Qui nihil cuiquam debet Næremb. Alter Seneca l. de 4. Virtutib. *Qui sibi ipsi satis est, cum divitiis natus est.* Et Valerius Max: l. 4. c. 4. *Omnia habet, qui nihil concupiscit.*

D E C A S XXIX.

Quæst: 1. Cui obveniunt pronius nundi honores, & officia? R. Solventi. Ajunt nostri sæculi Principes in solario depingi fecisse diversa officiorum insignia. Desuper à dextris efformatus erat sol; à sinistris, venti; subscriptio: *Dabitur.*

*bitur.* Quæstione inter Procere motâ, quid eâ re portenderetur, alius, inquit, hæc dignitatum officia, insigniaq; illi obventura existimem, cui Rex, ut sol benignè affulserit: alius verò, illi fortunam ejusmodi obventuram auguror, inquit, cui Venti, & Favonii Regii suas gratias afflaverint. At tertius; Ægyptiaca hæc scribendi ratio est, inquit, & in hunc modum legenda: *Sol-Venti dabitur!*

Q. 2. Quandonam Cocus artem, & operam perdidit? R. Cùm Dominus nec fame laborans, nec comedendi appetitu instructus mensæ accubuit.

Q. 3. Quæ matres, optimæ quamvis, pessimas genuêre filias? R. 1. Veritas, nam odium parit: 2. Familiaritas, contemptum enim parit: 3. Prosperitas, quippe superbiam parit: 4. Securitas, nam pessimorum periculorum Mater est.

Q. 4. Avari,



Q. 4. Avari, quandonam coenant: r.  
Cum Hospites discesserint.

Q. 5. Quid in mundo non facile at-  
teritur, neque destruitur: r. Veritas,  
& sinceritas nam neque in usu sunt, ne-  
que facile convenibiles.

Q. 6. In quo plurimi consentiunt,  
idemq; sapiunt: r. In emendo, & ven-  
dendo. Vendentes enim omnes cogi-  
tant sua carò distrahere, ementes levi  
comparare. Unde apud Augustinum,  
Histrio die nundinarum proclamavit,  
edicturum sese, quid quisq; mente vol-  
veret: concurrente autem populo; di-  
xit: aut ut carò vendatis, aut ut levi  
ematis.

Q. 7. Unde felicitas? r. Alia nasci  
solet; alia seminari, alia fieri. Nascitur,  
quæ sponte occurrit: seminatur, quæ  
resultat ex meritis; fit, quam prætenso  
extorquet. Hæc postrema, duplici for-  
ma exprimitur: dolo, & industriâ. In

prima, forma formatur ex luto; in altera funditur ex ære, atq; hinc magis dururna est. Euf. Nieremb:

Q. 8. Quæ sunt qualitates hominis?  
R. A virtute redditur bonus: ab operibus redditur magnus, & ab occasione redditur celebris. Idem.

Q. 9. Quæ sunt sufferentiæ proprietates; R. Sufferre hominē; mansuetudo est: sufferre fortunā, fortitudo. ferre dolorē, tolerantia: terre se ipsū, aliqua virtus: ferre calumniā, virtus plurima; sufferre omnia, ad omnia ingens remediū. Idē.

Q. 10. Quæ quibus sunt proficua?  
R. Generosos juvat prudentia: audaces, fortuna; arrogantes, patientia aliena: humiles, patientia propria: superbos, vilitas sua. Idem. Minerva subinde ad rivum confidens, tibiamq; inflans, cū buccas admodum ineptè tumentes conspexisset, non modò fistulam abiecit, sed & humilior evasit, quæ alioquin de sua forma præsumperat. *DE*

D E C A S XXX.

Quæst. 1. Quæ non debent occuli?

R. Benevolentia Principis, erga subditum: ægri morbus, erga Medicum: & pauperis inopia, habentis divitem amicum. Ichnaleta dissert: 1.

Q. 2. Quorum venire, & quorum redire timendum? R. Ab Herodis venire, & à Turcarum redire, libera nos Domine. Alluditur primò ad dictum Herodis Matth: 2. ad Reges Orientis prolatum: *Ite, & interrogate diligenter de puero; & cum inveneritis, renuntiato mihi, ut & ego veniens, adorem eum.* Secundò alluditur ad Selimi Turcarum Imperatoris Symbolum: qui lunæ in quadratura secunda positæ adscripsit: *Redibo plenior.* Significans, se hostes suos, potentiori, ac antè, manu aggressurum.

Q. 3. Qui sunt, quibus placet, quod dereliquerunt? R. Dux præliò victus,

E6

cui

cui dolet, non coluisse pacem: Maritus ductâ nequam uxore, quem poenitet deseruisse cœlibatum. Aulicus Principis gratiâ excussus, cui demum placet privata vita: & iter faciens mari, quod terrâ fieri poterat.

Q. 4. Quid meritò apud Physiognomos mirabile habetur? R. Cum Marciale.

*Crine ruber, niger ore, brevis pede,  
lumine luscus,*

*Rem magnum prestas Zoile, si bonus es.*

Q. 5. Cui non tutò credimus? R. Illi, qui nimis multis credit. Unde Pòeta.

*Qui cuivis quidvis credit, malè creditur illi:*

*Quò mihi credis plus, hoc tibi credo minus.*

Q. 6. Quæ mala, bona sunt; & quæ, cum bona sunt, mala sunt? R. Somnia. Si enim malum somnio, bonum est,



rem se ità non habere: si verò somnio bona, malum est, rem ità non esse.

Q. 7. Penes quas animantes est gubernatio mundi? R. Esse penes Ovem, Anserem, atq; Apiculam. Nam ex Ove habemus membranam, ex Anserem pen- nas, & calamos; ex Apicula ceram. His autem tribus constant decreta Princi- pum, quibûs regitur Mundus.

Q. 8. Qui primi fuerunt in Orbe Cantores? R. Aviculæ! hæ enim antè hominem productæ. Unde ille dicebat: Primæ nos Musicam docuere aves, œconomiam formicæ, politicam apes.

Q. 9. In quibus negotiis semper inveniuntur magnæ difficultates? R. Ubi in operantibus nimia debilitas est.

Q. 10. Unde dolor? R.: Vel quia habemus, quod nolumus, vel quia, quod volumus, non habemus. Deest, quod cupimus, abundat, quod odimus. Ali- ter: dolemus, vel quia erramus amando,

vel

vel quia fallimur cognoscendo. *Cum*  
*ejulantem quempiam videris in luctu, in-*  
*quit Epictetus in Enchir: c. 22. sive pe-*  
*regre profectio filio, sive rebus amissis;*  
*cave ne te visum illud moveat, ut existi-*  
*mes versari eum in malis ob externa; sed*  
*statim ipse tecum distingvito, sitq; in-*  
*promptu, ut dicas. istum affligit non casus*  
*ille ( alium enim non affligit ) sed conce-*  
*pta de eo opinio.*

D E C A S XXXI.

Quæst. 1. Quæ fugienda Sipienti? R.  
 Cum Seneca l. de moribus: Fugien-  
 da sunt omnibus modis, & abscindenda  
 igni, ac ferro, totoq; artificio separan-  
 da: langvor à corpore, imperitia ab  
 animo, luxuria à mente, à civitate sedi-  
 tio, à domo discordia, à cunctis rebus  
 intemperantia.

Q. 2. Quid oportet cavere naviga-  
 turum? R. Ne velit leges præscribere  
 ventis, aut mari. Si ventis vela commit-

teres,

*teres, non quò voluntas peteret; sed quò flatus impelleret, promovereris; ait Bôétius l. 2. de Consol: prosâ primâ.*

*Q. 3. Quid multis pro Angelo Custode est? R. Calamitas, ita Æneas Gazæus. Et Plinius Junior l. 5. ep. 26. Nuper me cujusdam amici langvor admonuit, optimos esse nos, dum infirmi sumus. Quem enim infirmum aut avaritia, aut libido sollicitat: non amoribus servit, non appetit honores, opes negligit, & quantumcunq; ut relicturns, satis habet. Tunc Deos tunc hominem esse se meminit. Invidet nemini, neminem miratur, neminem despicit: at nè sermonibus quidem malignis, aut attendit, aut alitur.*

*Q. 4. Quid illud, sinè quo ægrè subsisteret mundus? R. Paupertas. Si paupertatem abstuleris, inquit Divus Chrysostomus super orationem Annæ, omnem vitæ conservationem sustuleris, vitamq; nostram corrueris. Necnauta,*

nec gubernator, nec agricola, nec ædificator, nec textor, nec calceamentorum sutor, aut faber, nec alius quis horum erit artificum.

Q. 5. Quis rem, sibi necessariam: petit à se auferri? R. Infirmus. Unde in vitis Patrum legitur, quòd Sanctus quidam liberationem à morbo poscenti dixerit: rem tibi necessariam cupis auferri: si enim aurum es, probaris, si ferrum, à rubigine mundaris.

Q. 6. Quid est, quod timendum habent Majores? R. Illud, quod ab illis timent minores. Unde Seneca Magnates alloquitur.

*Omne sub regno graviore regnum est.*

*Quidquid à vobis minor extimescit,*

*Major hoc vobis Dominus minatur.*

Et Eccles. c. 5. *Excelfo excelsior est alius,  
& super hos quoq; eminentiores sunt alij,  
& insuper uniuersæ terra Rex imperat  
seruienti.*

Q. 7. Quis



Q. 7. Quis sæpe dolet, sæpe suspirat? R. Is, quem mundus beatum existimat. *Isle, inquit Seneca ad Gallionem, quem beatum credis, sæpe dolet, sæpe suspirat: Multi illum comitantur: mel musca sequuntur: cadavera lupi, frumenta formica, prædam sequitur ista turba, non hominem.*

Q. 8. Quibus infernus plenus est?

R. Qui poenitere voluerunt, sed voluerunt tantùm. Quis verò implet cælum?

R. Cum Sfortia Pallavicino de arte perfectionis l. 1. c. 7. Infernus; scilicet perpenus, & ritè consideratus.

Q. 9. Quod malum in moribus argumentum? R. Semper sic actum esse.

*Argumentum pessimi turba est, inquit Seneca, de Vita beata c. 10. Quæramus, quid optimè factum sit, non quid usitatissimum. Quàm malum argumentum: semper sic actum est. Oliva tom: 3.*

Conc. 18.

Q. 10. Cur

Q. 10. Cur apud Veteres scribebatur Cæjus per signum C. Cæja per signum D? R. Quia fæminæ omnia invertere solent. Balthasar Bonifacius l. 14. c. 1.

*DE CAS XXXII.*

Quæst. 1. Cui pœna statuenda? R. Cui quater venia data est. Scilicet Aurelius Imperator se annò ætatis suæ trigesimo septimò reperisse in Cypro, Regis cujusdam epitaphium ejusmodi. Hæc mihi gubernandi ratio: quod obtinere potui virtutè, non quæsi habere fraude: quod pace, hoc nequaquã bellò: quod prece, id nequaquã minis; quod corrigere in privato, nequaquã correxi in publico: quod admonitionibûs, hoc nequaquam pœnis. Consolatus sum amicos, vitavi inimicos; non profusus in dando, non avarus in accipiendo. Nemini pœnam statui, cui priùs quater non ignovissem.

Q. 2. Quis

Q. 2. *Quis hostis timendus?* R. *Is, quem cunctantem videris. Annibalis dictum fuit: Plus metuo Fabium cunctantem, quàm Marcellum praeliantem, Pliutarchus in Apophtegmatibus.*

Q. 3. *Quis vultus virorum Principum?* R. *Qualis ridentis cæli. Decet supremas excellentias, ut serene sint, & sereno animo. Cyrillus Alexandrinus Apologiâ ad Theodosium Imperatorẽ. ex adverso de fæce hominum dici potest illud Senecianum: Inferiora sunt, quæ fulminent.*

Quæst: 4. *Cui domestica intuta?* R. *Qui nimius est ad aliena. Augustus Imperator moriens reliquit quatuor libros: in primo signavit mandata de suo funere: in secundo, gesta sua: in tertio, summam militum, reddituum, impendiorum, & pecuniæ, in quarto, præcepta Tiberis data, inter quæ uè multos manu mitteret: nè urbem varia plebe repletet:*

repleret: nè multos civitate dimitteret: nè uni gubernationem committeret: & ut esset contentus fortunâ sua, nè dum plura appetit, quæ conservari non possunt, perdat & propria. Dio: l. 56. Alexander apud Senecam: Svasoriâ 1. Orbem, quem non novi quæro; quem vici, relinquo, non quærimus Orbem, sed amittimus.

Q. 5. Quid oporteat facere scripturum? R. illud, quod Aristoteles, fecisse legitur apud Cassiodorum l. de Dialectica; hic enim librum *Perihermenias* confecturus; calamum dicitur intinxisse in mente.

Q. 6. Quid est, quod diligimus, & odit nos; odimus, & diligit nos? R. In vita B. Macarii legitur, puerum quendam, cum Macarius cum Socio iter facit, occurrisse, ad Matrem suam dicentem: O Mater, est quem amo, & odit me. Est, quem odi, & diligit me Dicebat



cebat autem Beatus: prior, Mundus, alter, DEUS est.

Q. 7. Quæ sunt, quæ rectè aspiciuntur, cùm abeunt, non sic cùm veniunt?

R. Cum Aristotele: Voluptates. Rectè Pòéta: *Læta venire Venus, tristis abire solet. Multi in fine sunt decepti, qui primò bõno spiritu videbantur inducti.* Thomas Kemp: l. 3. c. 14.

Q. 8. Cujus rei penuriam sanctus amor habet? R. Cum S. Hieronymo epist: ad Nepotianum: *Crebra munuscula, & sudariola, & fasciolas, & vestes ori applicitas, & degustatos cibos, blandasq; ac dulces literulas sanctus amor non habet.*

Q. 9. Quò fiet, ut non facilè aliis succenseamus? R. Si nos ipsos in eorum loco collocaverimus. *Philothea, in actionibus tuis esto æqua, & justa. Colloca te semper in proximi loco; & illum in tuo; itaq; de illo bene senties. Venditricem te*

*cem te fac, dum emis, & empiricem, dum vendis: ita fiet, ut iuste & vendas, & emas.* S. Franciscus de Sales in Philothea p. 3. c. 36.

Q. 10. Quid omnibus accidit ante te, & quid accidet omnibus post te? R. Mors. *Eo ibis; inquit Seneca epist. 78. quò omnia eunt, ad hanc legem natus es, hoc patri tuo accidit, hoc matri, hoc maioribus, hoc omnibus ante te, hoc omnibus post te.*

### D E C A S XXXIII.

Quæst: 1. Quæ sunt pecuniæ consequentia? R. Qui eam surripit, fur est: qui retinet, avarus est: qui expetit, pauper est: qui amissam deplorat, miser: qui amittit, opinione sua infelix est. Nieremb: in Stoicis.

Q. 2. Quid faciendū, rerū suarū jacturā passo? R. Cogitandū, non tã quid amiserit, quàm quid servaverit: perdidisti omnia: habes, unde gaudeas, si te ipsum servasti.

Q. 3. Quod

Q. 3. Quod est multorum bonorum principium, etsi ipsum non videatur bonum? R. Calamitas. Ex superbia, dicebat ille, nata est rixa; ex rixa, bellum; ex bello multiplex injustitia: ex injustitia, devastatio agrorum, ex devastatione agrorum, fames, ex fame pestilentia: ex pestilentia, timor Domini, & poenitentia. Ex hac omnia bona.

Q. 4. Aliquidne in fortuna æquitas est? R. Esse, nam *spem dat pauperibus, divitibusq; metum.*

Q. 5. Quis pacis usus? R. Mites illam possident, patientes conservant: pacifici efficiunt: boni eâ fruuntur.

Q. 6. Quis errat per circuitum? R. Is, qui eligit apta media ad malum finem. Nierem; Thomas Morus, cum vidisset nobilem puellam mirè se comentem; nisi, inquit, DEUS pro hoc tuo tanto labore tibi infernum reddat, magnam profectò tibi faciet injuriam.

Ex Sta-

Ex Stapletono in vita Thomæ Mori.

Q. 7. Cui bono sunt in urbibus Hi-  
striones? R. Ut dignosci possit, quanta in  
loco sint otiosa ingenia: nam negotiis  
præpeditorum non facile quis Histrio-  
nem accedet. Alexander M. tamen  
aliter sapuit, hic enim Leucadiam oppu-  
gnaturus, prius Histriionem eò submisit,  
ut ex confluyente spectatorum numero  
intelligeret, quis populus in ea urbe  
esset.

Q. 8. Quis nescit timere? R. Plebs  
jejuna. Nam ut Aristoteles in Ethicis  
inquit: *nulla ratione ducitur, nullâ equi-  
tate mitigatur, nec ullâ prece flectitur  
populus esuriens.* Et de Augusto Tacit-  
tus l. 1. Annal: *Ubi militem donis, po-  
pulum annonâ, cunctos dulcedine otii  
pellexit, insurgere paulatim; munia Se-  
natûs, Magistratum, legumq; in se tra-  
here, nullo adversante.* Quo in loco  
Auctor satis insinuat, populum, ut fame  
irritari,



irritari, sic effraznem reddi annonæ abundantia.

Q. 9. Cui omnes facile fidem habent? R. Illi, qui, cum doctus, simulque improbus sit, asserit, aliud esse scire, & aliud facere. De hoc Pœta.

*Scire, ait, & facere, hæc duo sunt diversa negabo?*

*At respondebit mox tua vita, probo.*

Q. 10. Quis peccat duplici malitia? R. Is, qui malum facere constituit. Malum enim est, malum velle, pejus autem, ut malum facias constituere.

DE CAS XXXIV.

Quæst: 1. Quæ literæ Alphabeti discantibus difficillimæ? R. C. D. seu Cede. Ludovicus XI. Rex Gallia aliquando Benniensi Abbati insinuaverat, Abbatia suâ cedere vellet. Significavit autem is Regi: se per 42. annos, quibus Abbatem egisset, discere conatum.

A. B. Gance. Abbè, nunc se totidem

F

annis

annis indigere pro discendis difficillimis literis C. D. seu Cede,

Q. 2. Quod est inter Grammaticos vocabulum miserimum? R. Juxta Plautum: *Habuisse*: Juxta Senecam: *Fuisse*. Philippus III. Rex Hispaniarum moriens auditus est dicere: *Nihil confert: Regem fuisse, nisi ut in morte, fuisse doleat.* Et Pœta.

*Dupliciter miser es, qui felix antè fuisti. Dupliciter felix, qui fuit antè miser.*

Q. 3. Quod verbum in Grammatica magis est æquivocum? R. Vocabulum Statim. Vieira, non est, inquit, verbum magis æquivocum, nec magis dubiæ significationis adverbium, quàm statim, in expeditionum materia. Vix datur remissio, quæ non descendat cum uno, statim; & non est consilium, quod non ascendat cum duobus statim, & aliquando cum tribus. Sed ista statim quàm longa sunt quàm morosa, & quanto, durant

durant tempore. Dantur statim de duobus, de quatuor, de decem annis, & aliquando de tota vita. Videtur unū statim, alteri statim additum, idem esse, quod unum non, additum alteri non. Non, additum non, significat: itā, & statim, additum statim frequenter significat idem, ac nunquam, & quasi semper idem ac tardè.

Q. 4. *Quinam Clerici maximè peccant adversum leges Grammaticæ?* R. Illi, qui beneficia in numero plurali conjungunt cum persona singulari. Illis tamen videtur ignoscendum, qui scribunt: *Nos DEI gratiâ!* quippe ejusmodi pluribus personis æquivalent.

Q. 5. *Quod verbum suspectum apud Grammaticos?* R. Deinde, vel cras faciam. Nam Deinde est talis platea, quæ deducit ad portam quæ dicitur nunquam, Ex Nierembergjo.

Q. 6. *Quale nomen Homo?* R. Ad-  
jectivum

jectivum. Nam sine substantia subsistere non potest.

Q. 7. Cui sua supellex certissima, & tutissima? R. Malis Pòetis, quis enim illis quidpiam suffurari velit. *Nil securius est malo Pòeta.* inquit bonus Pòeta.

Q. 8. Quid intentatum reliquerunt Pòetæ? R. Nihil, juxta illud Horatii de Arte: *Nihil intentatum liquere Pòetæ.* & illud: *Pictoribus, atq; Pòetis quilibet audendi semper fuit æqua potestas.*

Q. 9. Unde dicta est Calamitas? R. Si interrogaveris Grammaticos, inquit Vieira, respondebunt à calamo: hæc calamitatis derivatio certior est in Politica, quàm in Grammatica, omnes enim ferè calamitates à calamo; Regum præsertim, & virorum Principum nisi calamo bene utantur.

Q. 10. Quod verbum in Mundo maximè in usu? R. Verbum rapio. Conjugatur enim per omnes personas,  
modos,



modos, & tempora, jam à mundi principio, & adhuc nullus rapiendi finis. Ualde Propheta: *à minore usq; ad majorem, omnes avaritia student.*

*DECAS XXXV.*

**Q**uæst: 1. Quid est plus quàm præteritum? **R.** Libenter dedisse, hæc enim virtus dudum præteriit ex hominibus.

**Q.** 2. Unde dictæ sunt exequiæ? **R.** Cum Julio Solimanno: Congruit funeri, nomen Exequiarum; quia rusticos exæquat Regibus.

**Q.** 3. Quod Verbum maximè defectivum? **R.** Apud Avaros, Verbum Dare, nam & præsens, & præteritum, ac fortè etiam futurum illi hoc loco defect est quare Pòéta.

*Evlio credo tibi, Verbum Dare defectivum est,*

*Tempore præsentis, præteritoq; caret,*

**Q.** 4. Quandonam rectè latinè dicitur:

citur: Miseria nostra magnus est? R. Cùm Rex, vel Princeps populo, multarum miseriarum causa est. Sic Mimus Diphilus in theatro Romano, intento in Pompeium digito aliquando dixit: *Miseria nostra, Magnus est.*

Q. 5. Quod est verbum mendacis proximum? R. Medicorum Recipe. Unde in Ponticum lusit Pòeta: *Pollicitus nonnulla mihi, nil Pontice præstas:*

*Ut Medicus, quamvis nil det, ait, Recipe!*

Q. 6. Quid quilibet hominum mavult dicere, quàm facere? R. Cum Pòeta. Jus omnes malunt dicere, quàm facere! *Libenter alios habemus perfectos, Et tamen proprios non emendamus defectus. Volumus quòd alii strictè corrigantur; Et ipsi corrigi nolumus.* Th. Kemp. L. 1. c. 16.

Q. 7. Qui mortalium inter se facile conveniunt?

conveniunt? R. Illi, qui aliquid idem sciunt. At verò, qui faciliè disconveniunt? R. Ji, qui sitidem aliquid idem sciunt. *Qui enim velit ingenio cedere, nullus erit.*

Q. 8. Occasio bona quid est? R. Medietas felicitatis; adijunge diligentiam, & habebis felicitatem integram. At quæres, quid est occasio mala? R. Est Lubricum, in quo pauci sibi consistere, nam ut Seneca ep. 116. *In sicco quoque parùm firmiter stamus, nisi à lubrico, quantum possumus, recedamus.* Pompeius captos Piratas à mari centum milliaribus relegavit, nè occasione redeunte, ad rapinas reverterentur. Florus l. 3. *Non satis cecidisse piget hominem, qui adhuc manet in lubrico.* S. Bernardus Sermone 1. in Pasch.

Q. 9. Amoreulis inutilibus quid faciendum? R. In primo flumine sunt mergendi. De Trucis Cuspinianus: in

primo flumine mergendi erant. *Quis-  
quis in primo obstitit, repulsiq; amorem,  
tutus, ac victor fuit.* Seneca tragædiâ  
4. Cùm feri cœpit linum, dicebat hi-  
rundo ad socias aves: impeditæ. Cùm  
cresceret, dicebat: evellite. Cùm ma-  
turefceret, dicebat: depopulemini. Ne-  
glexere, Indè adversùm illas laquei. Ex  
Æsopo hinc Pœta:

*Principiis obsta, serò medicina paratur,  
Cùm mala per longas, invaluere moras.*

Q. 10. *Quis nec sibi, nec aliis bo-  
nus?* R. Canis jacens in fæno, ad quem  
apud Æsopum bos: nec fæno vesceris,  
nec alium vesci sinis. Egregium Avari  
Symbolum.

### D E C A S XXXVI.

Quæst: 1. *Quid est, quod nescimus,  
& docemus omnes?* R. Medicina,  
Theodectes apud Hermippum.

Q. 2. *Quæ res temporibus nostris  
æquodum privilegiata?* R. Podagra,  
neque



neque enim, cum plerumque lecto decumbat, cuiquam accedenti occurrit, nulli assurgit, nulli vices visitandi rependit: non urgetur ad itinera subeunda, non ad saltationes, & choreas, non ad importunos haustus, & conviviorum sumptus.

Q. 3. Contra pestilentiam, quod est præservativum? R. Citò, procul, serò. Id est, si citò de loco, ubi malum incipit, discedas; si, quàm potes, remotissimè habites, si serò, unde abiisti, redeas.

Q. 4. Quis est status Medicorum erga ægrotos? R. Apud pauperes; Medicus scit nihil: apud divites omnia: blandus apud liberales: apud avaros, severus. Si sæpe adsit, parit sui nauseam: si rarò, desiderium: veniens est ut Angelus; præsens ut homo, discedens habetur ut diabolus.

Q. 5. Quæ se in morbis juvant mutud? R. Medicus, & infirmus, Medicus enim

cus enim curat valetudinem infirmī, & æger curat paupertatem Medici. Ita de hoc Pðéta ad Medicum;

*Pharmaca das agrote: æger tibi porrigit aurum;*

*Tu morbum caras illius: ille tuum.*

Q. 6. Qui benigni Medici: R. Qui infirmos non sinunt ægrotare diu. Aliiter: quem vespiliones laudant, de ejusmodi Pðéta.

*Non finit in longo miseros putrescere morbo,* (mo est.

*Absolvitq; brevi morte: benignus ho-*

*Et iterum: Qui tuus est patiens, & terq; quaterq; beatum;*

*Ægrotare illum non patiêre diu.*

Q. 7. Juristarum, Medicorumq; quæ lex: R. Cum Pðéta.

*Furtum non facies, Iuristis scribitur hac lex.*

*Hæc: non occides; pertinet ad Medicum.*

Q. 8. Quæ optima Medicina adversus ebrieta-

sus ebrietatem? R. Cave. Daniel Meuserus in Emblematis tres statuit crates; ac in primo serpentem, in secundo leonem, in tertio lupum. Lemma:

*Haustus erit primus, parcè, sapientia, sumptus;*

*Ira secundus erit, tertius ebrietas.*

Q. 9. Quæ res se malè habent? R. Vinum, inter manus Germanorum; nummi, inter manus Hebræorum: & sapiens in medio stultorum.

Q. 10. Quæ magna adversùm morbos panacæa? R. Panacæa præservativa, non nasci: morborum temperativa, dormire: omnium dolorum abolitiva, mori. Si moreris juvenis, moriuntur tecum vitia; si senex, morbi, & dolores. Nieremberg: in Stoicis. Unde Idiote de Contempt: Mortis. c. 9. *Mors nihil aliud est, quàm carceris finis: & laboris consummatio; ad portum applicatio, peregrinationis adimpletio, oneris gravissimi depositio;*

depositio; de equo furioso descensio; de  
domo fumosa liberatio, omnium agritu-  
dinum terminatio, omnium periculorum  
evasio, omnium malorum consumptio,  
& disruptio.

D E C A S XXXVII.

Quæst. 1. Quid homo homini eripe-  
re non potest? R. Mortem unde  
Seneca in Thebaide.

*Ubiq; mors est, optimè cavit DEUS.  
Eripere vitam nemo non homini potest,  
At nemo mortem.*

Q. 2. Quorsum nemo serò venit?  
R. Unde reverti non licet. Ita Seneca  
in Hercule: *Nemo ad id serò venit, unde  
nunquam, cum semel venit, potuit reverti.  
Tale utique quid mors est; de qua idem  
Pœta.*

*Parce venturis, tibi mors paramur  
Sis licèt segnis; properamus ipsi:  
Prima, que vitam dedit hora, carpsit.*

Q. 3. Quid homini ingenuo diffi-  
cilius,



cilius, quàm mori? R. Rogare *Marcus Cato*, ( inquit *Seneca* *svasoriâ* 6. ) *mori maluit, quàm rogare.* Aliter *Julius Cæsar*; qui monitus ab *Auguribus*, sibi ab *hostium* *insidiis* *caveret*, respondit: *Satiùs est semel mori, quàm semper timere, & cavere.*

Q. 4. Quæ mors optima? R. Ea, quæ sæpe vocata venit de quo *Bdétius* l. de *Consolat. Philosophiæ* merito 1.

*Mors hominum felix, quæ se nec dulcibus annis*

*Inserit, & mæstis sæpe vocata venit.*

Q. 5. Quid faciunt stulti confecto ferè itinere? R. Augent viaticum, nonne meritò stultus appellatus ille, qui *Lucæ* 12. cùm sequenti nocte ei vita terminanda esset, dicebat: *Destruam horrea mea, & faciam majora, Monstro similis est avaritia senilis:* inquit *S. Martinus Bracharensis*, quid enim stultius, quod dici solet, quàm viâ deficiente, viaticum augere.

Q. 6. Quid

Q. 6. Quid inter negotia vitæ, & diem mortis intercedere oporteret; R. Spatium, quo à negotiis quiescamus, & nos collectò animò ad moriendum præparemus. Inter vitæ negotia, & diem mortis oportet spatium intercedere; dictum fuit Militis, manumissionem à Carolo V. petentis. Strada in Bello Belg.

Q. 7. Quot portas Mors habet; cùm scriptum sit Ps. 9. qui exaltas me de portis mortis? R. Binas, alteram vitreã, quã facilè ex fragili hac vita intratur ad æternitatem, alteram adamantinam, quã nemodum rediit. Vieira.

Q. 8. Quis distingvit inter mortuos? R. Sola Epitaphia *Respice sepulchra*, ait Augustinus in sententiis, *Et vide, quis Dominus, quis servus, quis pauper, quis dives: discerne, si potes Regem à vincto, pulchrum à deformi. In paucis versibus est eorum memoria?* & Boetius l. 2. de Consolat, metro 7. *Ubi*

*Ubi nunc fidelis ossa Fabricii jacent?  
Quid Brutus aut rigidus Cato,  
Signat superstes fama tenuis, pauculis  
Inane nomen literis.*

Q. 9. Quæ hominis bona ex Arabum sententia? R. Bonus intellectus, copiosa pecunia, bona uxor, scire, tacere, & sepulchrum. Nieremb: in Erothem: decad 4.

Q. 10. Quid mortales omnes pares facit? R. Cinis. Dicitur fuit Alphonfi Regis Aragoniæ. Horatius l. 4. ode 7. *Nos ubi decidimus, quod pius Æneas, quod Tullus dives, & Ancus, pulvis, & umbra sumus.*

DECAS XXXVIII.

Quæst: 1. Quis quasi mortuus? R. Filius centum annorum. De hoc Rabbi Bagbay ita philosophatur. Filius quinque annorum ad Biblia, Filius decem annorum ad Mischna; seu ad textum Thalmudicum; Filius 13. annorum, ad

ad Præcepta: Filius 15. annorum, ad Thalmud intelligendum: Filius 18. annorum, ad nuptias: Filius 20. annorum, ad sectandas divitias: Filius 30. annorum, ad robur: Filius 40. annorum, ad prudentiam: Filius 50. annorum, ad consiliū: Filius 60. annorum, ad senectutem: Filius 70. annorū, ad canitiem: Filius 80. annorum, ad summum: Filius 90. annorum, ad foveam: Filius 100. annorum, quasi mortuus.

Q. 2. Quid est, quod ferè omnes exspectant, & nulli certum habemus? R. Crastinum. Unde Pòeta: *Nemo tam divos habuit faventes; crastinum, ut possit sibi polliceri.* Et Religiosus quidam apud Petrarحام l. 3. memorabil, pro sequenti die ad convivium invitatus; ego, inquit à multis annis crastinum non habeo.

Q. 3. Quid illud, quod nullius, quantumvis



tumvis potentis hominis respectum habet? R. Mors. *Non est respectus mortuorum.* inquit Psalmista ps. 72. & Horat: L ode 4. *Pallida mors equo pulsat pede pauperum tabernas, Regumq; tures.* Et cras eodem sunt Rosæ, & Spinæ loco.

Q. 4. Qui portâ, quâ semel exierunt, non redeunt? R. Mortui domo ad sepulchrum elati, Alioquin etiam de Lappis scribitur; per portam exire, per fenestras domum reverti.

Q. 5. Quando nam mortui resurgunt? R. Dum moritur Avarus, tunc enim pecuniæ, quæ velut mortuæ tenebantur inter claustra, sibi publicam prodeunt De Avaro Tonstono Pôeta:

*Dum moritur Tonstonus, opes de morte resurgunt.*

*In cumulo: in tumulo, quæ jacuere diu.*

Q. 6. Quæ sunt in hoc mundo irrequietissima in hominibus R. Expèctare, & non venire: servire, & non pervenire: decumbere

decumbere in lecto, & non dormire?  
 quartum autem, vir centum annorum:  
 qui cum velit, mori non potest. Ælius  
 Hadrianus Imp. in quadam epistola:  
*Misera sors, velle, nec posse mori.*

Q. 7. Quorum humeros timemus?

R. Bajulorum qui nostrum sepulchro  
 funus inferent.

Q. 8. Quid non amamus absque la-  
 crymis? R. Allium, vitæ humanæ sym-  
 bolum. P. Niefs in Alphabeto *Defecit*  
*in dolore vita mea, & anni mei in ge-*  
*mitibus.* Pl. 30. II.

Q. 9. Quântum vivi distamus à mor-  
 tuis? R. Uno lapide, nempe sepulchrali.  
 Periander dicebat: navigantes à morte  
 distare tantum assere bidigitali, ed quodd  
 inter eos, & mare ubi mors certa, non  
 intercederet, nisi ejusmodi asser.

Q. 10. Quid vita hominis? R. Nolo,  
 & Volo, ita P d é t a.

*Quod volo, non possum, possum, quod*  
*nolo, vicissim:* *Tota*

*Tota hominis vita est nil nisi, Nolo, Volo.*  
Aliter: Vivere hominis, est idem, ac  
sepe mori. Unde P<sup>d</sup>éta.

*Cor nisi cura nihil, caro nil, nisi triste  
cadaver.*

*Nasci egrotare est: vivere, sepe mori.*

Alter: vita hominis tanquam umbra  
in infantibus: tanquam nuncius percur-  
rens in pueris: tanquam navis in adole-  
scentibus: tanquam avis in juvenibus:  
tanquam sagitta in viris: tanquam flos  
tribuli in senibus: tanquam spuma maris  
in decrepitis: tanquam fumus in filicer-  
nis: tanquam memoria hospitis unius  
diei, ejus, qui de utero transfertur ad  
tumulum.

*D E C A S XXXIX.*

**Q**uest: 1. *Quid sperare potest Pauper  
post mortem, quod non poterat  
sperare vivus?* R. *Ut domo, & veste  
tegatur, de Paupere sepulturam nacto*  
P<sup>d</sup>éta.

*Nulla*

*Nulla mihi vivo domus, at nunc certa,  
sepulto est,*

*Vitaq; paupertas; mors mihi divitiæ.  
Vita mihi exilium, requies at certa sepul-  
chrum:*

*Nudus eram vivus, mortuus ecce tegor.*

Q. 2. Quid est, pro quo in mundo vivitur? R. Pro Honore, Ore, & Re. Pro his autem vivitur Amore, More, Ore, & Re. Aliter: vivitur respectu, despectu, suspectu.

Q. 3. Quem furem metuam? R. Mortem, cùm enim diripiat plurima; restituit nihil. De quo Pœta.

*Restituunt furtum fures, vi raptâ latrones;*

*Omiâ mors aufert; restituitq; nihil.*

Quare etiam Mors quibusdam ultimus Ablativus dicta est.

Q. 4. Quorum vita est scire, & nesciri? R. Exploratorum. Sapientia verò est scire, & sciri. Unde ille.

*Scire tuum nihil est, nisi te scire, hoc  
sciat alter.*

Q. 5. Quid



*Q. 5. Quid ad omnes pertinet, quod tamen nemo scit? R. Quis primus è nobis hinc migraturus sit, id enim verò nemo scit.*

*Quando placet Christo, de mundo tollimur isto:*

*Nemo potest scire, quis primus debet obire.*

*Q. 6. Ubi sunt plures Grandes, quàm in Hispania: & plures Pares, quàm in Gallia? R. Sub terra. Nam in inferno sunt plures grandes, in sepulchris autem sunt omnes pares.*

*Q. 7. Quid ægrotantibus Avaris, deesse solet; quantumcunque habeant peculii? R. Qui in vicem eorum, velis ire ad infernum.*

*Q. 8. Quis non satis vitat infernum? R. Qui tantùm vult vitare infernum. Sfortia Pallavicinus l. 1. de arte perfect.*

*c. 9.*

*Q. 9. Vita, quomodo instituenda? R. Qualiter*

R. *Qualiter is instituere proposuit, qui calcuō, vel podagrâ sævâ laborans, pro valetudine Deo supplicat. Est responsum Ditterici Archiepiscopi Coloniensis Sigismundo Imperatori datum. Tales sani esse perseveremus, quales nos futuros profitemur infirmis. Plin: l. 5. ep. c. 16.*

Q. 10. *Quod est territorium annuæ, quod ipsam in primis incolere oporteat?*  
 R. *Nolle conditionem suam. Willegius Elector Moguntinus Rotarii Filius, quod memor esset conditionis sææ, Rotam pro symbolo assumpsit cum Lemmate: Willegis; Willegis, deiner Ankunfft nicht vergiesz. Sic & Agathocles ex figulo in Regnum assumptus, vasa terrea, inter aurea; in mensa collocari faciebat, utne conditionis unquam obliuisceretur, de quo Pdæta.*

*Fercula gemmatis cum poneret aurea vasis,*

*Et misceret opes, pauperiemq; simul;*

*Quarentis*

Querenti causam, respondit: Rex ego  
qui sum

Sicania, figulo sum genitore satus. An-  
son in epigr.

D E C A S XXXX

Quæst. 1. Qui hæredes in hoc mun-  
do felices? R. Quorum Majores  
ardent in inferno scilicet: propter in-  
justè corrasas, & hæredibus relictas di-  
vitiis. Abundant enim; cùm interea  
Majores eorum ardent, Beatus Pater,  
dicebat ille, qui propter nos, & nostram  
salutem descendit ad inferos.

Q. 2. Sub qua conditione nascitur  
homo? R. Ut moriatur. Cui nasci con-  
tingit, mori restat. Seneca. Eo fine vi-  
tam ingredimur, ut inde denuo egredia-  
mur. Nieremb. in Stoicis.

Q. 2. Quis stylus, & cursus vitæ  
humanæ? R. Mala cernere, & pati. Unde  
ille ajebat Crucem esse omnis generis,  
quam Imperatores in pomo Imperiū.  
Reges

Reges in diademate, Pontifices in tiaris  
 Episcopi in pastorali, Religiosi in rosa-  
 rio, Miles in gladio. Eremita super do-  
 miciliolo; Viri in uxoribus. Uxores in  
 viris; pauperes in egestate, divites in  
 suis divitiis habent.

Q. 4. Quis metuit imperitum Me-  
 dicum? R. Qui nondum vult mori.  
 unde Pœta.

*Cum sis eger (ait Medicus) non ut eris ullo  
 Cur Medico? volo adhuc vivere: nolo  
 mori.*

Q. 5. Qui dies non ponuntur in ullo  
 Calendario? R. Quibus quisque no-  
 strum de hoc mundo migraturus est.  
*Nescitis diem, inquit Christus Dominus  
 in Evangelio; neq; horam.*

Q. 6. Quando Tyrannus putat se  
 prestare beneficium? R. Cum subditos  
 vivere sinit. Huc spectat fabula *Ælopi*,  
 in qua lupus cui grus de collo morti-  
 ferum officulum exemerat; cum idcirco  
 mercedem



mercedem posceret, respondit: non sat tibi, quòd vivis? Et Alaricus Romanis, quòd omnia diripuisset ejus miles, conquerentibus, dixit: nihil ne illis residuum, quibus animas reliquimus?

Q. 7. Quorum error est intolerabilis? R. Eorum, qui cùm improbè vivant, sese laudabiliter morituros existimant. O quàm miserè falluntur, dicebat, B. Stanislaus Kostka moriens: qui cùm perditè vivunt, credunt se posse laudabiliter mori. P. Nadasi in pretiosis occupationibus morientium c. 2.

Q. 8. Quid illud, quod nulli novum est? R. Mori. *Morieris*; inquit Seneca ad Gallionem; *putabam te novi aliquid dicere. Ad hoc veni: hæc ago; huc me singuli dies adducunt.*

Q. 9. Quot milliarium iter de celo ad infernum? R. Luciferum interregas; is illud cum sociis dimensus est. Cæterùm Pdëta.

Reges in diademate, Pontifices in tiaris  
 Episcopi in pastorali, Religiosi in rosa-  
 rio, Miles in gladio. Eremita super do-  
 miciliolo; Viri in uxoribus. Uxores in  
 viris; pauperes in egestate, divites in  
 suis divitiis habent.

Q. 4. Quis metuit imperitum Me-  
 dicum? R. Qui nondum vult mori.  
 unde Pœta.

*Cum sis eger (ait Medicus) non ut eris ullo  
 Cur Medico? volo adhuc vivere: nolo  
 mori.*

Q. 5. Qui dies non ponuntur in ullo  
 Calendario? R. Quibus quisque no-  
 strum de hoc mundo migraturus est.  
*Nescitis diem, inquit Christus Dominus  
 in Evangelio, neq; horam.*

Q. 6. Quando Tyrannus putat se  
 præstare beneficium? R. Cum subditos  
 vivere finit. Huc spectat fabula Ætopi,  
 in qua lupus cui grus de collo mortif-  
 erum ossiculum exemerat; cum idcirco  
 mercedem

mercedem posceret, respondit: non sat tibi, quòd vivis? Et Alaricus Romanis, quòd omnia diripuisset ejus miles, conquerentibus, dixit: nihil ne illis residuum, quibus animas reliquimus?

Q. 7. Quorum error est intolerabilis? R. Eorum, qui cùm improbè vivant, sese laudabiliter morituros existimant. *O quàm miserè falluntur, dicebat, B. Stanislaus Kostka moriens: qui cùm perditè vivunt, credunt se posse laudabiliter mori.* P. Nadasi in pretiosis occupationibus morientium c. 2.

Q. 8. Quid illud, quod nulli novum est? R. Mori. *Morieris; inquit Seneca ad Gallionem; putabam te novi aliquid dicere. Ad hoc veni: hæc ago; huc me singuli dies adducunt.*

Q. 9. Quot miliarium iter de celo ad infernum? R. Luciferum interregam; is illud cum sociis dimensus est. Cæterum Pòeta.

*Arcta via in calum: lata est, quæ ducit ad Orcum:*

*Illa nimis longa est; est nimis ista brevis.*

Q. 10. Quæ sunt quæstiones in Særa Scriptura, quæ difficilem responsionem habent? R. Sequentes: 1. *Quid prodest homini, si universum mundum lucretur, anima verò sua detrimentum patiatur?* Matth: 16. 2. *Stulte hæc nocte reptent à te animam tuam, quæ autem parasti, cujus erunt?* Lucæ 12. 3. *Quis poterit cogitare adventum ejus? aut quis stabit ad videndum eum?* Malachiæ 3. 4. *Si justus quidem vix salvabitur, impius, & peccator ubi parebunt?* 1. Petri 4. 5. *Quomodo cecidisti Lucifer, qui manè oriebaris.* Isaïæ 14. 6. *Quid nobis profuit superbia: aut divitiarum jactantia quid contulit nobis?* Sap. 5. 7. *Quis poterit habitare de vobis cum igne devorante? quis habitabit ex vobis cum ardoribus sempiternis?* Isaïæ 33.

Ben Sira



Ben Sira Rabbi Gnome, super quæ-  
stione; Quomodo se sapiens rectè habeat  
in agendis? Ex Cornelio à lapide in  
prolegom. ad Ecclesiasticum.

1. Ama, & honora Medicum, dum  
non indiges ejus, q. d. Cole, & preca-  
re Deum, qui est malorum omnium  
Archiater, antequam ejus auxiliô tibi  
opus sit.

2. Filium, non filium sine, ut aquæ  
lummo remiget. i. e. filium qui se non  
gerit, ut filium, sine periculis exponi-  
nam sæpe remus emendat, quem frustra  
paterna manus castigat.

3. Os, quod cecidit in sorte tua, rode  
q. d. Sorte, quæ tibi contigit, conten-  
tus vive.

4. Aurum tundi debet, & puer ver-  
berari. i. e. uti aurum, si illud tundas,  
magis fulget, sic puer, si eum verberes,  
melior evadet.

5. Esto bonus, (i. e. benefaciendo)

manum tuam à bono (benefaciendo) nè prohibeas.

6. Væ malo, & væ illis, qui adherent ei. Aut: væ improbo, & væ vicino ejus.

7. Sparge panem tuum in superficie aquarum, & in arida, & in fine dierum invenies eum. i. e. esto liberalis in omnes.

8. Vidisti asinum nigrum? neq; nigrum, neq; album. In quem locum Scholiastes: doce linguam tuam, ut dicat semper nescio; nè quando in responso capiaris.

9. Bene malo nè facias, & malum non continget tibi.

10. Manum tuam à beneficentia nè abstrahas.

11. Sapientem nutu, stultum fuste.

12. Qui honorat contemnentem se, similis est asino, qui inservit ei, à quo creditur.

13. Ignis

13. Ignis ardens comburit multos acervos frugum. q. d. ex parvo initio maxima oriuntur mala; uti ex scintilla una, grande incendium: ex uno verbo, multæ cædes.

14. Senex in domo, bonum signum in domo. Senium enim est signum bonæ vitæ, atq; prudentiæ.

15. Merces si communes habueris cum aliquo, à bono centies frustra repetes, à malo millies.

16. Mensam appara, contentio sublata est. Sic hodie videmus, per symposia, multas rixas, litesq; sopiri.

17. Si necesse est, ut contrahas accipiendo, & dando, esto fors tua cum viro bono. q. d. negotia tibi, nulla cum improbis fuato.

18. Propinqua negotiatio comeditur à Domino suo; longinqua comedit Dominum suum. q. d. qui in locis sibi vicinis negotiantur, ditantur: qui in re-

motis, depauperantur.

19. Amicum veterem nè abnegato.

20. Sexaginta Consilarii si fuerint tibi, tamen consilium animæ tuæ nè deseras.

21. Tam liberalis sit tibi manus, quasi semper satur fueris: & non quasi modo demum satur factus, antea verò esuriens. i. e. esto in dando liberalis, & benignus, non tetricus.

22. Animum tuum nè des tristitiæ; multos enim occidit tristitia.

23. Bellæ mulieris specie multi perfumdati fuerunt; & robusti omnes interfecti sunt ab ea.

24. Secretum tuum revela uni è mille; licèt multi fuerint, qui pacem tuam querant.

25. Absconde oculos tuos à muliere gratiosa, nè capiaris reti ejus, væ ei, qui vadit post oculos suos.

26. Nè esto ex iis, qui raram, audentiam



densam barbam habent, nam nescis, quid sit decretum. Homo rarâ barbâ, callidus est, inquit Rabbi Aquila: densâ barbâ stultus.

27. Averte faciem tuam à sociis malis; nè habeto cum eis iter: cohibe pedem tuum ab eis; nè capiaris reti ipsorum.

28. Nihilominus misereat te vicinorum tuorum, licet mali sint; & da illis de cibo tuo; quia eo tempore, quò ad iudicium stabis, pro te testimonium dicent.

29. Nè te cruciet ærumna diei crastini; quia nescis, quid paritura sit dies.

30. Dies brevis, & opus multum. Simile habet Hippocrates: Vita brevis, ars longa, occasio præceps, iudicium incertum, experientia periculosa. Et Rabbi Simon: Dies brevis, & opus multum; & operarii pigri; & merces copiosa, & paterfamilias urget.

## GNOMÆ ALIQUOT

*Aliorum Rabbiorum.*

1. Super tres res mundus consistit: super legem, super cultum (DEI) & super retributionem beneficiorum. R. Simeon Justus.
2. Sit domus tua domus conciliabuli pro sapientibus; & esto pulverizans te in pulvere pedum eorum, & bibe cum siti verba eorum. R. Jose.
3. Esto domus tua aperta, versùs plateam, sintq; pauperes, filii domùs tuæ. Idem.
4. Omni tempore, quò homo multiplicat colloquium cum muliere, accersit sibi malum, & impeditur à studio legis, tandemque descendit in gehennam. Idem.
5. Si non ego mihi, quis mihi? & cum ego mihi metipsi, quid ego? & si non modò, quando? R. Hillel.
6. Loquere parùm, & fac multùm,  
& excipe

& excipe quemvis hominem placido vultu. Jdem.

7. Neque dicas: cum otiosus ero, discam: fortassis enim nunquam otiosus eris. Jdem.

8. Nullus Nebulo timet peccatum: nec idiota est vir pius; nec qui erubescit, discit; neque iracundus docet; neque qui crebrius ultro citroque aberrat, sapiens fit. Jdem.

9. Tres, qui cibum capiunt in una mensa, & conferunt in ea verba legis, perinde est, acsi comedissent de mensa ipsius DEI. R. Jochanam.

10. Velox esto erga caput, tardus vero erga adolescentem, & excipe quemvis hominem cum gaudio. R. Hanina.

11. Ubi non est farina, non est lex, ubi non est lex, ibi non est farina. R. Heliezer. i. e. ubi non est cibus, ibi non est observatio legis: & ubi lex contemnitur, ibi cibus non conceditur.

12. Mundus iste similis est vestibulo ante sæculum venturum præpara te ipsum in vestibulo, ut intrare possis in triclinium. R. Jacob.



## QUÆSTIONES,

Quas Rex Ptolomæus

Septuaginta duobus Sacræ Scripturæ Interpretibus, sub tempus convivii proposuit; & eorum Interpretum Responsa. Ex Aristea Regis Ptolomæi Ministro.

Quæst: 1. Quonam modo Regnum Incolumè usque in finem Rex conservet? R. Hoc maximè modo regnum optimè dispones, si Dei mansuetudinem in rebus omnibus imitatus, patientiâ, & longanimitate uteris, dignosq; extolles, elatos



les, elatos autem affabilitate, ex malo in poenitudinem traduces.

Q. 2. Quemadmodum justè singula Rex perficere possit? R. Si in rebus omnibus seipsum observet, omnia eum rectè acturum, & si consideret omnem sensum à DEO esse, proponatq; sibi an-  
 ¶ omnia, timorem DEI; nulla in re aberrabit.

Q. 3. Quomodo Rex amicos sui similes habere possit? R. Si amici tui intelligent te multa meditari in subje-  
 ctorum populorum commodum; & tu id facias, considerans, quemadmodum & DEUS genus humanum bonis afficiat; valetudinem illis, & alimenta, atque alia cuncta opportunis temporibus præbens.

Q. 4. Quoniammodo in negotiis ac judiciis peragendis, delictisq; puni-  
 endis Rex bonam famam assequatur? R. Si omnibus te æquum, ratione præ-  
 bueris,

bueris, & nihil superbe, nihilq; pro potentia tuæ viribus contra delinquentes ages. Id autem assequeris, si DEI dispositionem inspicias, qui dignis sua vota perficit, peccantibus verò vel per insomnia, vel opere demonstrat, quid illis nocuum sit: neque secundum illorum peccata, neq; pro magnitudine virium suarum homines cædit, sed mansuetudine usus corrigit.

Q. 5. Quid agat Rex, ut in rebus bellicis invictus existat? R. Si non armis, si non potentia suæ fidat, sed Deum semper imploret, ut justè agenti sibi consilia dirigat.

Q. 6. Quomodo Rex inimicis suis formidolosus evadere possit? R. Si armis, & exercitu, multoq; ad bellum apparatu instructus fuerit. Ea tamen omnia diutiùs, ceu vana, priusquam his utatur, detineat. Nam DEUS ipse, antequam Majestatis suæ trepidationem incutiat,

incutiat, inducias quasdam præbet; e-  
xin omni apparatu mentem deterret.

Q. 7. Quid optimum in vita Regi?

R. Si cognoscat, quoniam DEUS mor-  
talibus dominatur: atque ut ad opti-  
mos quasque operationes, non per nos  
ipsoſ consilia dirigamus. DEUS enim,  
qui cunctis dominatur, omnium opera  
perficit, & deducit.

Q. 8. Quomodo omnia rectè ser-  
vans, & illæſa, eundem filiis statum Rex  
tradat? R. Si Deum assiduè implora-  
veris, ut rectos tibi sensus, ad ea, quæ  
inposterum peragenda sunt, tribuat: &  
filiis imperaveris, nè gloriâ, divitiisq;  
superbiant; sed arbitrentur Deum, be-  
nignitate sua cuncta elargiri; neq; per  
seſe alicujus rei substantiam possidere.

Q. 9. Quid agat Rex, ut bonam,  
& malam famam æquò animò ferat? R.  
Si tibi proposueris, cunctos mortales  
sic à DEO creatos, ut maximis malis  
jactati,

jactati, bonis rursum afficiantur, neque  
 quilibet omnium sit, qui hujusmodi  
 alternationem effugere valeat. Est au-  
 tem DEUS implorandus, qui tranquilli-  
 tatem tribuat.

Q. 10. Quis fortitudinis finis? R.  
 Si, quando periculosa imminet in re-  
 bus aggrediendis rectè quis consulue-  
 rit, & propositum assequetur. Ideoque  
 Tibi ò Rex, rectè, utiliterque consulenti  
 DEUS cuncta perficiet.

11. Quibûsnam modis Rex divitias  
 conservet? R. Si nihil indignum regnò  
 tuò, neque flagitiosè ages neque in va-  
 nis rebus, & incommotis, sumptus fa-  
 cies: & erga populum tuum te benefi-  
 cum, benignumq; præbueris. Etenim  
 DEUS honorum omnium, quem sequi  
 oportet, elargitor est.

Q. 12. Quomodo Rex veritatem  
 colat? R. Si cognoveris, quàm magnum  
 dedecus mendacia mortalibus omnibus  
 afferant,



afferant, & multò magis potam Regibus iurant. Nam, quando eâ potentia sunt, ut, quæ volunt, facile perficiant, cuius rei gratiâ mentientur? oportet etiam te considerare, Rex, ut DEUS veritatis amator existat.

Q. 13. Quæ est disciplina Sapientiæ?  
R. Quemadmodum te ò Rex malis expertem optas, & omnibûs bonis abundare; si hoc ipsum in subjectos tibi populos; & delinquentes serves. Si optimates, præstantesq; viros humanius commoneas. Etenim DEUS mansuetudinè cunctos fovet.

Q. 14. Quoniammodo Rex clemens, benignusq; sit? R. Si consideres, quàm longo tempore, quantisque, & quàm magnis calamitatibus oriatur genus hominum, alatur, nutriaturque, unde neque in eos temerè animadvertendum, nec accusandi sunt. Si revolvens insuper, ut omnis hominum vita doloribus  
semper,

semper, & supplicis exagitetur, singula intelliges, in misericordiam profectò verteris. Nam & DEUS misericors est.

Q. 15. In regno quid potissimum observandum? R. Conservare se à muneribus incorruptum; atque magnam vitæ partem invigilare, justitiamq; ante omnia colere, & hujusmodi amicos sibi comparare. Justos enim, & DEUS amat.

Q. 16. Quid pietatis robur? R. Cognoscere, quia DEUS omnia semper operatur, & videt, neque eum lateat quisquam injusta faciens, neque peccatam agens. Ut enim universum orbem DEUS bonò afficit, ita & tu, si eum imitaberis, nusquam aberrabis.

Q. 17. Quis sit regnandi modus? R. Rectè seipsum regere, copiâ, neque gloriâ etatis superbum indecensve concupieris si rectè ratiocinatus fueris. Sic cuncta tibi aderunt quasi nihil sint;

DEUS

DEUS mansuetus est, & nullius egens, quod tu pro humanis viribus considera; neque multa ad regnum appetas.

Q. 18. Quemadmodum quis optima eligat? R. Si iusta tibi semper proposueris, arbitrarisq; iniquam vitæ privationem. DEUS namque iustis elegantissima semper bona præparat.

Q. 19. Rex in somniis quomodo sit quietus? R. In iis quæ mentem per insomnia agitant, haudquaquam obistere possumus. Sed sensu quodammodo irrationabiliter ducimur ex huiusmodi rebus, quæ accidere solent, & vidimus. Videmur enim quandoque pelagò ferri, navibûs trajicere, nunc negotiari, nunc pennis sublatis volare, loca mutare, & cætera huiusmodi, quæ minimè fiant. Similiter & quæ maximè expetimus, ea mentem in somniis turbare solent. Quare Rex omnî negotiò, quidquid dixeris, quidquid feceris, ad pietatem intendendum

intendendum cenſeo, ut te ipſam ſervans, virtute circumvallaveris, neque voluptate pellectus, neque potentiâ fifus, inviolabiliter, quod juſtum eſt, tollas. Etenim in quibus quiſque plurimum verſatur vigilans, & per quietem earundem rerum cura hominem recurſat. Sed quando omnes rationes, & operationes tuas ad pulcherrima quæq; inſtituis, & vigilans, & dormiens, ob eam cauſam optima in te ſemper eſt tranquillitas.

Q. 120. Quemadmodum nihil indignum agamus? R. Si quid te deceat, quidve poſſis, omni in re proſpexeris; nè tua dignitate, quidquam indecorum, dicendo, agendo tibi excidat; intelligens omnes, quibus imperas, de te ſemper & cogitare, & loqui; neque enim minimum adulatoribus pates, qui ex vultus varietate mentem conjeſtant: ex ejus conſideratione indecenter cuncta pera-



Et peragunt. Tu verò nulla hypocrisis deturpatus à parte imperas; præstante tibi DEO multam cum dignitate morum elegantiam.

Q. 21. Quid sit in regno difficillimum? R. Sibi ipsi dominari, neque appetitibus efferi. Inest enim natura mortalibus, ut mentè ad aliquid semper declinet. Et plerique ad mensas, pocula, voluptatesq; trahuntur, in quibus multitudo maximè effunditur. At Reges subigendorum populorum cura sollicitat, ob gloriæ magnitudinem. Sed pulchrum est, se in omni re metiri & quæ DEUS dederit, studio continere. Inconcessa verò, atque inexpectabilia ne concupiscas.

Q. 22. Quònam modò Rex nemini inuideat? R. Si animadvertas primum, Deum Regibus omnibus impertiri gloriam, divitias, & magnitudinem. Nam etsi hujusmodi gloriæ participem se quisque

quisque cupiat, haud tamen potest  
DEI enim donum est.

Q. 23. Quid agat Rex, ut inimicos  
spernat? R. Si placidus erga omnes ho-  
mines benignitatem exercueris, nullius  
amicitiæ ratione habita. Gratum verò  
se omnibus præbere, id pulchro DEI  
munere, quod optimum est, conceditur.

Q. 24. Quemadmodum Rex glorio-  
sus perduret? R. Si benignitate, & gra-  
tiâ excellens erga alios magnificus ex-  
titeris, gloria te nunquam deseret.  
Quæ, ut tibi adsit, DEUS semper im-  
plorandus est.

Q. 25. Erga quos habendus sit ho-  
nor? R. His, potissimum omnes tribu-  
endum putant, quos amicè diliga-  
mus. Ego verò opinor, erga æmulos  
habendam esse honoris munificentiam,  
quàm maximè gratam, quo illos, hoc  
præsertim modò, ad ea, quæ honesta sibi  
sunt, & utilia, inducamus, oportet au-  
tem

tem DEUM, qui mentibus dominatur, precari, ut hæc perficiat.

Q. 26. Quibus gratificandum sit? R. Parentibus ante omnes. Etenim Deus in honorandis parentibus præceptum maximum posuit, censens amicos secundò locò habendos, quos animò pares nominavit. Tu verò rectè facis, qui cunctos homines ad te amandum allicis.

Q. 27. Quid sit pulchritudine dignius? R. Pietas. Nam & ipsa, pulchritudo quædam est præcellens, ejus autem potentia charitas; quæ quidem DEI munus est, quam & tu possides, cuncta in ipsa bona complectens.

Q. 28. Quemadmodum amissa gloria instauretur? R. Quandoquidem clemens omnibus gratusq; existis, quæ res benevolentiam comparat, fieri non potest, ut excidas. Et magni præterea armorum apparatus maximam securitatē præstant.

præstant. Si qui verò cadunt, ab iis abſtineant, oportet, quorum gratiâ exciderunt. Amicitiarumq; inde cultores juſta agant; DEI namque donum, bonorum operatio.

Q. 29. Quomodo Rex vivat finè triftitiâ? R. Si neminem læferis, omneſq; juves juſtitiâ proſequens. Ab ea hujusmodi fructus, jucunditas ſcilicet colligitur. Sed implorandus eſt Deus, nè ea nos lædant, quæ præter opinionem noſtram accidunt; ut ſunt mortes, morbiq; ægitudines, & cætera hujusmodi. Te autem, quando piûs eſ, horum nihil inſequetur.

Q. 30. Quid ſit in gloria potiſſimum? R. Deum venerari, non ſacrîs, neque muneribûs, verùm animi puritate, ac fide candida ejus voluntatem ſequi. Quod quidem & tu perficis, id firmum animò gerens, ut & quidquid feceris, & quæ facturus ſis, omnibus pateant.

Q. 31. An



Q. 31. An prudentia doceri possit?  
R. Animi decus quoddam est à divina potentia fluens, ad suscipienda bona, renuendaq; contraria.

Q. 32. Quid valetudini potissimum conferat? R. Prudentia, in æ contingit nemini, nisi DEUS mente ad eam præparaverit.

Q. 33. Quibusnam modis Genitoribus dignas gratias homo referat? R. Si nulla in re eos tristitiâ afficiat. Sed hoc potuit nemo, DEUS, nisi cognitionis Dux, mentem ad pulcherrima quæque disponat.

Q. 34. Quomodo quis fiat audiendicupidus? R. Si existimaverit singularum rerum cognitionem sibi utilem fore, ut aliquid ex iis, quæ audierit, ad præsens tempus comparans, ea eligat, quæ convenientiora videbuntur. Sed implorandum, ut divinum adsit, Numē. Ab eo namque operationum omnium perfectio est.

Q. 35. Quid

Q. 35. Quid faciat Rex, ut nihil contra leges agat? R. Si cognoveris, quoniam DEUS legislatorum mentes, intellectusq; dederit ad hominum vitam bene regendam, leges sequeris.

Q. 36. Quod sit cognationis commodum? R. Si accidentia reputare volumus, in adversis eorum rebus, & non unà graviter afficimur, & premimur pro cognatorum mœstitiæ magnitudine. Fortunantibus autem illis inde & nos extollimur. Si verò negotium benignè inter se susceperint, & cuncta indissolubili glutino se habent, nihilq; ad secundas illorum res desideratur. Verùm ordiandū est, ut cuncta secundent.

Q. 37. Quemadmodum Rex intrepidus existat? R. Si mens nullus sibi conscientia mali, Deum sequatur, qui consilia omnia in bonum dirigit.

Q. 38. Quomodo recta ratio Regi in promptu esse possit? R. Si hominum  
infortunia

infortunia semper consideraveris, revolvens, quales rerum vicissitudines DEUS afferat, aliosque gloriâ sublato honoribus provehat, alios calamitatibus opertos ignominia dejiciat.

Q. 39. Quibusnam modis, neque fœcordiâ; neque voluptatibus Rex distrahatur. R. Hoc tibi in promptu est, cum & magno regno imperes; & varia negotiorum multitudine detinearis, ut non ad aliud quidpiam traducendi mentem quies detur. Horum igitur cura verferis oportet; Deumque roga, ne quod te decet, prætermittas.

Q. 40. Quemadmodum Rex agnoscat; qui in eum dolo agant? R. Si observaveris, qua quisque in te libertate utatur; an semper eosdem mores habuerit in salutando, consultandoque, ac reliqua vitæ conversatione, nec quidquam eorum, quæ amicitia postulat, prætermiserit in affectibus, & aliis vitæ  
H rationibus.

rationibus. DEUS verò tibi Rex ad optima quæque intellectum instruet.

Q. 41. Quæ sit maxima negligentia?

R. Si quis filiorum negligens fuerit, eosq; nulla in re erudiat. Deo enim vota semper, non pro nobis tantùm concipimus, quantùm precamur, ut & liberis nostris bona cuncta adsint; eruditionem, & prudentiam impertiatur. Namque id Dei virtute evenit.

Q. 42. Quomodo Rex Patriæ cultor existat? R. Si tibi persuaseris domi vivere, & mori optimum esse. Peregrinationem verò egentibus stultitiam, divitibus dedecus afferre, ceu patriâ, suis malis ejecti sint. Igitur tu bonis, quemadmodum & facis, cunctos afficiens id assequeris; DEUS enim in omnibus gratiam præstabit.

Q. 43. Quatenus Rex se uxori accommodet? R. Quandoquidem fæminarum genus sui confidens, est, asperum, & suorum



& suorum affectuum sequax, atque in lapsum proclive propter imprudentiam, & ejus naturam imbecillem; verum ad valetudinem, & commoda nostra utendæ; illis contrariâ sententiâ adversandum non est. Est enim dirigenda vita ad certum aliquem finem, debemusque veluti navium gubernatores, signum aliquod intendere: quæ profectô omnia, & cætera cuncta DEI institutione reguntur.

Q. 44. Quomodo Rex non decipiatur? R. Si singula, ratione prosecutus detractoribus invasus perstiteris. Sed tu ipse ut excellis, dicta quæque discernens, & facta, operationes tuas certô judiciô directas perfeceris indeceptus Rex, ut dicis, eris. Hæc verò intelligere, atque in his versari est divinæ potentæ operatio.

Q. 45. Quemadmodum Rex non sit iracundus? R. Si consideraveris, quoniâ

Hæc

is, in

is, in quo omniū vita pendet, si quid per irā agat, mortē pluribꝫ affert, quod quidem triste & perniciosū est, multorum vitam regni causā delere. Verūm, cū omnes obsecudent, & pareant, nec quidem unus aduersetur, qua de causā irascendū est? Sed nosse oportet, ut DEUS omni indignatione vacuus uniuersum gubernet, quem te imitari necesse est.

Q. 46. Quid sit bene consulere? R. Rectē cuncta ex rationis discursu agere ad propositum aliquem finem, rejicereq; inutilia, & rationi contraria, ut mente per singula discursante, bene consulendo propositum adipiscamur. Sed omne consilium est DEI virtute firmissimum, tibi præsertim, pietatem exercenti.

Q. 47. Quid sit philosophari? R. Bene, & commodè ratiocinari circa unumquodque eorum, quæ emergunt, neque appetitibus efferri, negligereque vana cuncta.

cuncta, & stulta, quæ ex cupiditatibus oriri solent, & ad peragenda, opportunâ mensurâ quadam deduci: quem statum, ut adipiscamur, Deum implorare oportet.

Q. 48. Quæ sit hospitalitatis remuneratio? R. Si omnibus æquus existens, quæ acceperis, etiâ majori fânore cumulata reddideris, itâ, ut in hospitalitate excellere videaris. Nam & Deus plurimum humiles erigit, & subjectos homines diligit.

Q. 49. Quæ sint diuturna opera? R. Si magna quis, & veneranda absolvat, aded ut spectantes propter operum pulchritudinem, & excellentiam illis abstinant: neque quenquam prætermittat eorum, qui talia expoliunt, neque indonatos aliquos ad ea perficienda impellat, quæ usus poscit. Etenim Deus cuncta cernens, genus hominum donis accumulât, præbens illis bonam valetu-

Hj

diuam,

dinē, & sensus, & alia hujusmodi, quare  
& Tu simile quid imitatus laborantibus  
calamitosissimisq; malorum vicissitudi-  
nem, quietemque tribue. Ea namque  
perpetua sunt, quæ ex justitia perfici-  
untur.

Q. 50. Quis est sapientiæ fructus? R.  
Non concium esse sibi mali, & vitam  
in veritate transigere, ex iis enim maxi-  
mum gaudium, & animi voluptas gigni-  
tur præstantissime Rex, & spes in DEO  
optimè tibi piè regnanti: aderunt.

Q. 51. Quomodo quis in superbiam  
non extollatur? R. Si æqualitatem ser-  
vet, & singulis in rebus sui ipsius me-  
minerit, revolvens animo, ut homo  
hominibus præsit, utq; DEUS deleat  
superbos, mansuetos, & humiles ex-  
tollat.

Q. 52. Quibûs consultoribûs uten-  
dum? R. His, qui multis in rebus versati,  
summam erga te benevolentiam ser-  
vent, at-



vent, atque moribus sint tui similes: sed DEI claritas ostendit, qui sint hujusmodi digni.

Q. 53. Quid Regibus maximè sit necessarium? R. Subjectorum amor, & dilectio, per hæc namque insolabile benevolentia vinculum textitur. DEUS enim ea perficit, quæ rectè eliguntur.

Q. 54. Quis sit orationis finis? R. Proposito, de quo dicendum est, adversario persuadere, diluendo contraria, & inepta ostendendo. Sic enim inoffenso currens pede, finem multa laude assequetur. Sed DEI opere dirigitur perivasio.

Q. 55. Quomodo multis in regno populis Rex se accommodet? R. Si decenter cuique distribuerit, justitiamque quemadmodum facis, Ducem sequaris, præbente DEO, tibi recta discernere.

Q. 56. In quibus tristandum? R. In amicorum adversis; quandoquidè diu-

turna ea, & inevitabilia cernim9, quæve calamitatibus opertos interimant. Nam in his mæstitiam nullâ ratio levat. De iis enim, in quibus desperamus, neque quidquam in illis utile invenimus, mortales omnes contristantur. Malum verò ompino effugere, divinæ potentia est.

Q. 57. Quare quis inglorius fiat? R. Si quando superbiâ quis ductus exasperetur; tunc vituperationes subeunt, & gloriæ privatio. Nam DEUS totius gloriæ dominator, eam, quô vult, declinat.

Q. 58. Quibus seipsum credere oportet? R. Iis, qui tibi benevolentia ita afficiuntur, ut neque timore, neque cupiditate ulla, lucrove tangantur. Amoris verò signum difficulter apparet, & temporis observatione indiget. Nam qui divitiis intendit, naturâ proditor existit. At tibi omnes, tui amatores adsunt; Deo tibi recto consilia præbente.

Q. 59.

Q. 59. Regnum quid conservet? R. Cura, & meditatio, nè quid à rerum Præpositis malè agatur, committaturq; in plebem. Quemadmodum facis cum tibi DEUS præstantem intellectum præbeat.

Q. 60. Quà re gratia, honorque fervetur? R. Virtute. Ea enim pulcherrimorum operum perfectrix, malum conculcat. Quemadmodum & Tu quidem, excellenti erga omnes bonitate observas, quod Divino tibi munere præstatur.

Q. 61. Quomodo etiam in bellis se quis pacificò animò habeat? R. Si proposueris animo, nihil perperam à tuis ducibus committi: verùm omnes de virtute inter se certare; quoniam eam spem animo fixam habeant, Te suarum rerum curam gesturum; si illos vità cedere contingat. Non enim tristitia afficeris, quandoquidem cuncta Divino

munere rectè disponas, præbente DEO tibi bona sapere.

Q. 62. Quemadmodum; Rex rectè ratiocinetur? R. Si tecum reputaveris & dicta ipsa, & à quo dicantur, & quisque de re loquatur; eandemque multò post tempore variis modis perquisièris. Nam ingenii acumen ad discernenda quæque, quemadmodum & Tu possides Rex, DEI pulcherrimum donum est.

Q. 63. Unde est, quod plerique virtutem non assequantur? R. Quoniam natura omnes mortales incontinentes, & ad voluptates pronos finxit; ex quibus injustitia gignitur, & avaritiæ cumulus. (NB. Subintellige: natura, per peccatū nostrū primorū parentū depravata) Virtutis verò status alto locò fixæ eos maximè prohibet, ac rejicit qui voluptatibus devinciuntur. Fortitudinem namque, & justitiam potissimum colendas



colendas jubet; quorum ductor, & largitor DEUS est.

Q. 64. Quid Reges potissimum sequi oporteat? R. Leges, ut justis operationibus mortalium vitam regant; quemadmodum & Tu peragens, perennem tui memoriam fecisti; Divina præcepta secutus.

Q. 65. Qui Magistratibus præficiendi? R. Quicumque iniquum odium habent, ac tuos imitantur affectus: laudumque dulcedine tracti justa semper ad adipiscendam gloriam operantur. Quod & Tu profecto Rex, quandoquidem DEUS justitiæ coronam tribuit, assequeris.

Q. 66. Qui sint in Duces eligendi? R. Illi, qui fortitudine, & justitiâ excellent; quique hominum salutem cruentæ victoriæ anteponant. Nam & DEUS bona ad omnes operatur: quem tu secutus bonos afficis subditos tuos.

Q. 67. Qui vir admiratione dignus sit? R.

fit? R. Quicumque gloriâ, divitiis, & potentiâ exuberans, æquam tamen erga omnes mentem habeât. Quemadmodum & Tu, talem te gerens omnibus admirandus existis. DEUS enim in hanc curam te ducit.

Q. 68. In quibus rebus diutiùs Reges versari debeant? R. In rerum gestarum cognitione; in legendisque incumbentiũ operũ libellis, temporis plurimùm assumere oportet, & quæcũque ad servanda regna, emendandosque hominũ mores scripta sunt, perquirere. Quod Tu cum studio peragis. Deusque tua consilia secundet, excellentẽ super alios gloriam obtines.

Q. 69. Quid per otium agendum sit, ne inertia torpeas? R. Considerandum esse cum multa diligentia, quæcunque in mentem veniunt, & ante oculos vitæ formam, & imaginem quandam proponendam, tum quâ quæquæ vi perfectæ sint, considerandum. Est enim & in his

decus tuum, & eruditio quædam. Nam sæpè & in minimis egregium quiddam elucet, quod eligas. Tu verò, quando bonitatem tibi DEUS sufficit, elegantiam omnem propter philosophandi studium, amplecteris.

Q. 70. in conviviiis quomodo transigendum sit? R. Discendi cupidi assumendi, & qui regni negotia meminisse possint, & principum vitas narrare. His namque suavius nihil, nihil jucundius invenies. Quoniam ii ad eruditionis pulcherrima quæque instructi Deum venerantur. Quod Tu profectò facis, cum præsertim tibi cuncta DEUS fortunet.

Q. 71. Quid potius sit populis: an privatam quempiam Regem sibi constituent, an verò ex Rege genitum Regem sequantur? R. Id, quod naturæ decentius est. Etenim cum Reges ex Regibus orti insyaves, & asperi erga populos

populos habeantur; longè magis & qui à privato loco ad hanc magnitudinem evehuntur: quando & pauperiem, & duros labores experti sunt, truculentiores impiis tyrannis evadent. vi quadam subjectis imperantes. Verùm, mos & institutio communis, valentissima ad regnandum est; quemadmodum Tu Rex magne imperas. Nam non tantum gloriâ, & imperiò, & divitiis excellis, quantum mansuetudine, & benignitate universos Dei munere allicis.

Q. 72. Quid sit in regno optimum?

R. In pace semper populos continere, atque in causis peragendis quantocyus recte dijudicare. Hæc per principem fiunt, quando malos exosus, bonos diligit, plurimiq; æstimat, si hominis, animam salvam reddat. Sicuti & Tu, qui hominis necem summum ducis scelus, cunctaq; justitiâ moderaris, perennem gestorum tuorum gloriam exornas.

Cum



Cùm DEUS Tibi liberam malis mentem, omniq; labe exemptam illustraverit.

---

**R E S P O N S A**  
**ÆSOPI ENNO ADOPTIVO**  
suo data, super Quæstione:  
**Quî vita instituenda?**

1. Fili, ante omnia cole DEUM Regem autem honora.
2. Inimicis tuis terribilem teipsum præbe, nè te contemnant.
3. Amicis facilem, & communicabilem, quò tibi benevolentiores sint.
4. Semper uxori tuæ bene adhære, nè alterius viri periculum facere velit, leve enim est mulierum genus, & adulatorum minùs malum cogitat.
5. Velocem auditum ad sermonem nè posside.
6. Lingvæ continens esto.
7. Bene

7. Bene agentibus nè invide, sed congratulare: invidens enim, teipsum magis offendes.

8. Domesticorum tuorum satage, ut te non solùm ut dominum timeant, sed etiam, ut benefactorem venerentur.

9. Nè pudeat discere semper meliora.

10. Mulieri ne unquam secreta credas; nam semper armatur, quomodo tibi dominetur.

11. Quotidie in crastinum reconde, melius enim est mortuum, inimicis relinquere, quàm viventem, amicorum indigere.

12. Salutato facilem, qui tibi occurrunt; sciens & catulo caudam, panem comparare.

13. Bonum esse nè pœniteat.

14. Susurronea vivam ejice domo tua, nam quæ à te dicuntur, & fiunt, aliis communicabit.

15. Fac quæ te non moestum facient.

Contingenti-

Contingentibus nè triftare; neque prava  
unquam conſulas, neque mores malo-  
rum imitare.

---

QUÆSTIONES,  
Et Reſponſa Philoſopho-  
rum Magno Alexandro da-  
ta. *Ex Plutarchi Convivio.*

Cum decem diverſi Philoſophi ac-  
ceſſiſſent ad Alexandrum, ſequen-  
tes eis fecit proſitiones: ad quas illi,  
ut ſequitur, reſponſum dederunt.

1. Vivine plures an mortui? R. Vivi,  
cùm mortui ne amplius quidem ſint.
2. Terra, an mare, maiores belluas  
gignant? R. Terra, cuius portio ſolùm,  
mare.
3. Quod animal callidiſſimum? R.  
Quod homo nondum cognovit.
4. Cur Sabbam Principem, contra  
ſe, per rebellionem coacitaſſent? R. Ut  
honestè

honestè viveremus, aut malè periremus.

5. Dies, an nox prior? R. Dies, uno die prior fuit die sequenti, adeoque & prior nocte.

6. Quomodo quis sibi possit conciliare hominum affectum? R. Si potens sit, & non timeatur.

7. Vita, an mors valentior? R. Vita, quæ tam multa mala ferre potest.

8. Quomodo ex homine quis Deus fieri possit? R. Si Deo digna faciat.

9. Quousque Hominem vivere deceat? R. Usque mortem præ vita iudicet meliorem.

Demum ad decimum conversus Alexander, velut ad Judicem cæterorum, quærit, rectène responsam sit ab omnibus? Cui ille: unum præ altero semper esse somnolentiorum. Ergo, inquit Alexander, tibi moriendum est. Convenerat enim inter eos, ut ænigma non solventi certa esset mors. Nequaquam, respondit



respondit Philosophus: nam initio dictum, eum periturum, qui primus malè responderet. Quò auditò, singuli à Rege muneribùs donati, & liberi dimissi sunt.

---

RESPONSIONES  
SAPIENTUM GRÆCIÆ  
Ad Quæstionem:

Quæ Respublica, aut quæ  
Civitas optimè constituta  
sit? *Ex Plutarchi convivio.*

Solonis: Mihi, inquit, videtur Civitas maximè fore beata, & conservatura popularem statum, in qua injuriæ alicujus auctorem non minùs illæsi, quam qui læsus est, in jus rapiant, puniantque.

Bias dixit: eum popularem Republicæ statum esse optimum, in quo legem universi, tanquam tyrannum metuant.

Thales

Thales dixit: ibi esse fortunatum statum Reipublicæ, ubi neque divites nimis, neque nimis pauperes Cives sunt.

Anacharſis verò eam prætulit, in qua, cùm reliqui omnia æqualia habeantur, virtuti tamen potior, vitio autem deterior conditio deferatur.

Cleobulus pronunciavit populum facturum officium suum, si Cives reprehensionem magis, quàm legem metuant.

Pittacus autem ibi felicitatem fore dixit maximam, ubi magistratum gerere non licet malis, licet bonis.

Tandem Chilo optimam Rempublicam esse existimavit, in qua maximè Leges, minimè Oratores audiuntur.

Postremus Periander censuit, hīs omnibūs pronunciatis, eam sibi videri commendandam Reipublicæ formam, quæ simillima sit Optimatum in Civitate gubernationi.

His addi potest, ex Antonio Guevara,  
ra, Horolo-

ra, Horologii Principum p: 3. afferente ex M. Aurelio, scriptum quoddam in Capitolio repertum fuisse, quod huiusmodi sententiam continebat.

Væ Regno, ubi inter probos, ac improbos nulla discretio:

Ubi stultitia fovetur, & sapientia contemnitur.

Ubi pietas timida, audax impietas.

Ubi pacifici derisi, rebellia capita, accepti:

Ubi raptoribus præmia, defensoribus boni publici, poenæ:

Ubi paupertati superbire, & divitibus tyrannis esse licet:

Ubi omnes corrunt in malum, & nemo procurat, quod æquum.

Ubi ea fiunt palam, quæ alibi nec occultè fieri fas est.

In quo quisque quærit, quod appetit, & quod appetit, obtinet;

Et quæ mala sunt, cogitat, & omnia,  
quæ

quæ turbida capita promittunt, possunt,  
& quæ possunt efficere, student.

Aristoteles verò 2. Polit: c. 9. inquit:  
Signum Reipublicæ bene institutæ est,  
quòd populus in suo permaneat loco.

Guilielmus Patardus autem in summa  
virtut: l. 1. p. 1. c. 3. Regnum, inquit,  
benè institutum est, si rectè in eo con-  
sulatur, & rectè imperetur, & rectè  
obediatur.

R E S P O N S A  
ÆSOPI, & THALETIS.

Ad nonnulla Quæsitæ.

*Ex Plutarchi Convivio.*

Responfa Æsopi

I. Quid est antiquissimum?

R. Tempus

II. Quid maximum?

R. Mundus.

III. Quid



III. Quid sapientissimum?

R. Veritas.

IV. Quid pulcherrimum?

R. Lux.

V. Quid communissimum?

R. Mors.

VI. Quid utilissimum?

R. DEUS.

VII. Quod damnosissimum?

R. Genius.

VIII. Quid robustissimum?

R. Fortuna.

IX. Quid facillimum?

R. Svave.

### Responsa Thaletis.

1. Quid est antiquissimum?

R. DEUS, ortu enim caret.

2. Quid maximum? R. Locus Reliqua enim cuncta continet.

3. Quid pulcherrimum? R. Mundus. Omnes enim eius partes ex ordine aptæ sunt.

4. Quid

4. Quid sapientissimum? R. Tempus. Id enim alia invenit, alia inveniet.

5. Quid communissimum? R. Spes. quibus enim omnia defunt, spe divites sunt.

6. Quid utilissimum? R. Virtus. Hæc enim reliqua quoque, rectè iis utendo, utilia facit.

7. Quid damnosissimum? R. Animi vitium. Hujus enim præsentia plurimæ bona corrumpuntur.

8. Quid validissimum? R. Necessitas. Hæc enim sola insuperabilis.

9. Quid facillimum? R. Quod est naturæ consentaneum.

---

QUÆSTIONES,  
& Responsa ex vita Secun-  
di Philosophi.

*Ex Lonnicero.*

**I**ndixerat sibi Secundus, Adriani Im-  
peratoris.

peratoris temporibus Philosophus æternum silentium, ad quod violandum, neque ferro neque aliter intentata morte induci potuit. Itaque ab Adriano, quaestionibus lacepsitus, ad eas in hunc modum, scripto respondit.

1. Quid est DEUS? R. Est mens æterna, altitudo immensurabilis, contemplatio non excogitata, modus quidam mille modorum, spiritus omnibus bonis abundans, oculus nunquam connivens, natura omnia continens, lux, hominum.

2. Quid est cælum? R. Est globus rotundus, semper mobilis, tectum, & fornix totius mundi.

3. Quid est Sol? R. Est oculus diurnus, noctis persecutor, naturæ, & cæli decus, cælestis peregrinus, caloris ambitus, & peripheria, splendor sine occasu, ignis inextingvibilis, horarum mensurator, & divisor.

I

4. Quid

4. Quid est Luna? R. Est purpura cæli, Solis assecla, malè agentium hostis, peregrinorum solatium, regimen navigantium, signum festivitatum, mensium repetitio, oculus noctis, roris author, prognosticum tempestatis.

5. Quid est homo? R. Est mens incorporata, anima laboriosa, domus brevissimi temporis, custodia spiritûs, vitæ vigil, & miles, vitæ prodigalitas, lucis desertio, motus æternus, transiens nuntius, hospes mundi, mortis mancipium.

6. Quid est mulier? R. Est hominis cloaca, pecus insatiabile, perpetua cura, semper instans bellum, quotidianum damnus, solitudinis impedimentum, incontinentis viri demersio, adulterii vas, prælium internecinum, animal pessimum, onus gravissimum, fatalis infectio serpentis, vivorum captivitas.

7. Quid est fides? R. Est ignotæ rei mira certitudo.

8. Quid



8. Quid est vita? R. Est beatorum solatium, tristitia miserorum, mortis expectatio.

9. Quid est mors? R. Est somnus æternus, hominis divisio, metus divitum, desiderium pauperum, eventus inevitabilis, latro hominis, incerta, peregrina somni mater, abitus vitæ, vivorum separatio, & omnibus rebus vale.

10. Quid est cura? R. Est ultro accersitum malum, hominum occupatio, experta libido, mortis meta, perpetuum & optatum delictum.

11. Quid est spes? R. Dubius eventus, laboris recreatio.

12. Quid est navis? R. Est labor marinus, domus sinè fundamento, avis lignea, salus incerta.

13. Quid litera? R. Satelles historiæ, conservatrix memoriæ.

14. Quid sunt divitiæ? R. Onus avarorum, famulitium curarum, voluptas

repudianda, incurabilis invidia, insatiabilis cupiditas, os altum, & invisibile desiderium.

15. Quid est paupertas? R. Bonum, cui non invidetur, sanitatis mater, curarum abjectio, sapientiæ restauratio, sinè damno labor, divitiæ sinè calumniis, patrimonium sinè detractioe, fortunæ incerta, & sinè cura felicitas.

---

### Ex Tractatu

D. MAXIMI EPISCOPI  
Bracharensis, de Virtute;

Super Quæstione:

Quæ sit vera prudentia?

1. Quisquis prudentiam sequi desideras, tunc per rationem rectè vives, si omnia priùs existimes, & perpeneses; & dignitatem rebus non ex opinione multorum, sed ex earum natura constituas. Nam scire debes, quis  
sunt,

sunt, quæ videntur esse bona, & non sunt, & sunt, quæ videntur non bona esse, & sunt.

2. Quæcunque autem ex rebus transitoriiis possides, non mireris, nec magnum existimes, quod caducum est, nec apud te, quæ habes, tanquam aliena servabis, sed pro te, tanquam tua, dispenses, & utaris.

3. Si prudentiam amplecteris, ubique idem eris; & prout rerum, ac temporū varietas exigit, ita te accommodes tempori, nec te in aliquibus mutes, sed potiùs aptes: sicut manus, quæ eadem est, & cùm in palmam extenditur, & cùm in pugnum adstringitur.

4. Prudentis proprium est, examinare consilia, & non citò facili credulitate ad falsa prolabi.

5. De dubiis non definias, sed suspensam teneas sententiam. Nihil inexper-tum affirmes; quia non omne verisimile

statim verum est; sicut & sæpius quod primùm incredibile videtur, non continuò falsum est.

6. Crebrò siquidem faciem mendaciï veritas retinet: crebrò mendacium veritatis specie occultitur. Nam sicut aliquando tristem frontem amicus, & blandam adulator ostendit; sic verisimilitudine coloratur veritas, & ut fallat, vel surrepat, coloratur.

7. Si prudens esse cupis, in futurum, prospectum intende: & quæ possunt contingere animo tuo cuncta propone.

8. Nihil tibi subitum fit; sed per otium antè conspicies. Nam qui prudens est, non dicit: non putavi quidem hoc fieri, quia non dubitat, sed expectat; nec suspicatur, sed cavet.

9. Cujuscunque facti causam require. Cùm initia inveneris, exitus cogitabis.

10. Scito te in quibusdam debere perseverare, quia cæpisti: quædam vero nec



rd nec incipere, in quibus perseverare sit noxium.

11. Prudens fallere non vult, falli non potest. Boni est viri etiam in morte neminem fallere.

12. Opiniones tuæ judicia sint. Cogitationes vagas, & inutiles, & velut somnio similes, non recipies, quibus si animus tuus se oblectaverit, cùm omnia disposueris, tristis remanebis.

13. Sed cogitatio tua stabilis, & certa sit: & sive deliberet, sive quærat, sive contempletur, non recedet à vero

14. Sermo quoque tuus non sit inanis; sed aut svadeat, aut moneat, aut consoletur, aut præcipiat.

15. Lauda parcè, vitupera parciùs. Nam similiter reprehensibilis est nimia laudatio, & nimia vituperatio. Illa siquidem adulationis, ista malignitatis suspecta est.

16. Testimonium veritati, non amicitiae reddes.

17. Cum consideratione promitte; plenius, quæ promiseris præsta.

18. Si prudens est animus tuus tribus temporibus dispensetur: præsentia ordina, futura prævide, præterita recordare. Nam qui nihil de præterito cogitat, perdit vitam: qui nihil de futuro præmeditatur, in omnia incautus incidit.

19. Proponas in animo tuo futura, mala, bona, ut illa sustinere possis, ista moderari.

20. Non semper in actu sis: sed interdum animo tuo requiem dato, & ipsa requies sit plena sapientiae studiis, & cogitationibus bonis, nam prudens nunquam otio marcet. Habet autem aliquando remissum animum, nunquam solutum. Accelerat tarda, perplexa expedit, dura mollit, exæquat ardua. Scit enim quid quâ viâ aggredi debeat, & distinctè cuncta videt.

21. Consilium peritorum ex apertis obscura æstimat, ex parvulis magna, ex proximis remota: ex partibus tota.

22. Non te moveat dicentis auctoritas; nec quis, sed quid dicat, intendito. Nec, quàm multis, sed qualibus placeas, cogita.

23. Id quaere, quod invenire possis. Id discere, quod potes scire. Id opta, quod optari coram bonis potest. Nec altiori rei te imponas, in qua tibi stanti tremendum, ascendenti cadendum sit.

24. Consilia tibi salutifera advoca. Cùm tibi alludit vitæ prosperitas, tunc te velut in lubrico retinebis, ac sistes. Nec tibi dabis impetus liberos, sed circumspicies, quò eundum sit, vel quo usque.

Gnomæ ex Libro  
Sententiarū D. Bernardi.

1. **Q**uatuor sunt, quibus servitur in  
hoc

hoc mundo: Caro. Mundus, Dæmon, DEUS. Caro reddit voluptatem, Mundus sublimitatem, Dæmon captivitatem, DEUS felicitatem.

2. Triplex est status hominum: Primus non delinquentium; quod est servorum. Secundus, delinquere nolentium, quod est filiorum: tertius delinquere non potentium, quod est Beatorum.

3. Quatuor sunt, quæ devotionem adaugent: Memoria peccatorum; recordatio pœnarum, consideratio vitæ peregrinantis, & desiderium vitæ futuræ.

4. Tres DEUS habet sagittas, quibus ferire solet. Amissionem pecuniæ; amissionem sanitatis, & amissionem vitæ æternæ. His utitur contra inimicos. In amicos similiter tres sunt illi sagittæ: Timor castus, Amor devotus, & virtus desiderii.

5. Tria terrent Ægyptum (Mundum) deserturos:



desertuiros: stimulus cupiditatum, cumulus tentationum, & aculeus molestiarum.

6. Triplex est hominibus vis ad mortem. Prima ærumnosa, in pauperibus; secunda laboriosa, in avaris; tertia deliciosa, in divitibus.

7. Triplex est via ad cælum. Sanguinea in Martyribus, purpurea in Confessoribus, lactea in Virginibus.

8. Pretiosam mortem aliquando facit vita, ut in Confessoribus; aliquando causa, ut in Martyribus, aliquando utrumque.

9. Tria poenitenti sunt necessaria: abstinentia, lectio, oratio.

10. Ex tribus, oritur bonis dolor: quia exclusi sumus è paradiso; quia exules in hoc mundo, & quia nondum in Regno.

11. Tres Principes sunt extinguendi: Prudentia sæcularium, copia temporarium

lium, & eloquentia spiritualium.

12. Quadruplex est genus hominum circa cælum occupatorum. Nam alii regnum cælorum rapiunt, ut pauperes spiritu: alii mercantur, ut eleemosynarii; alii furantur, ut mulier tangens simbriam Christi: alii compelluntur intrare, ut pauperes hujus sæculi.

13. Quatuor sunt, quæ ad humilitatem conferunt: vilitas operis, assiduitas subjectionis, comparatio melioris, & iudicium Conditoris.

14. Quatuor sunt fures, & latrones qui optima quæque nobis auferunt: fercordia, lasciyia, iactantia, & vitæ appetentia.

15. Tria nos tenent in obsequio: memoria mortis, zona pellicea, & amata justitia!

## Ex Libello S. Thomæ, de Quatuor.

1. Quatuor

1. **Q**uatuor sunt Virtutum species:  
Prudentia, Justitia, Fortitudo,  
Temperantia.

2. Quatuor docet Prudentia; præterita recordari, disponere præsentia, futura providere, & dubia suspendere.

3. Quatuor sunt, quæ ad prudentiam inducunt; in scientiis studium, in rebus experimentum, nocturna discussio, & prudentum imitatio.

4. Quatuor docet Justitia, honestè vivere, alterum non lædere, sobriè judicare, & jus suum cuique tribuere.

5. Quatuor nos fortitudo instruit, in prosperitate non erigi, in adversis non deprimi, in injuriis vindictam non sumere, & jucundam fugere vitam.

6. Quatuor ad constantiam inducunt: timor pudicus, timor supplicii, spes laudis, & spes compendii.

7. Quatuor præstat Temperantia: circumcidit superflua, restringit desideria, absti-

ria, abstinet ab illicitis, & rejicit blandimenta.

8. Quatuor inducunt temperantiam: ægritudinis formido, acquirendi cupidus, Dei obsequium, & hypocrisis vitiū.

9. Quatuor proveniunt ex superbia: ingratitude, oppressio, detractio, & rixa.

10. Quatuor ex avaritia: rapina, penuria, fraudes, & homicidia.

11. Quatuor ex gula: corporis ægritudo, opum consumptio, delectatio nimia, & mors præmatura.

12. Quatuor ex ira: mentis turbatio, sui ignoratio, indecens factio, & iniqua sententia.

13. Quatuor ex luxuria: corporis, & animæ sordes sentium debilitas, patrimonii diminutio, & senii acceleratio.

14. Quatuor ex invidia: dolor, exitium, distensio populi, & urbiū everfio.

15. Quatuor ex acedia: tristis vita, calamitas,



calamitas, contemptus, & egestas.

16. Quatuor evehunt ad superbiam: census, potentia, dignitas, & copiosa parentela.

17. Quatuor retrahunt à superbia: paupertas, oppressio, senium, ægrotudo.

18. Quatuor inducunt ad avaritiam: penuriæ formido, senectutis oppressio, alieni invidia, & filiorum copia.

19. Quatuor avaritiam minuunt: divitiarum copia, salubris juvenus, cum largis conversatio, & prolis defectus.

20. Quatuor inducunt ad gulam: assuetudo tabernæ, gulosorum commercium, reddituum copia, & quies continua.

21. Quatuor gulam minuunt: lucri anxietas, famis invasio, fatigatio corporis, & penuriæ afflictio.

22. Quatuor pariunt iram: derisio, contumelia, ingratitude, injustitia.

23. Quatuor iram debilitant: dulce colloquium,

colloquium, vindicta, satisfactio, & penuria.

24. Quatuor alliciunt ad luxuriam: grandia vitia, delicata cibaria, mulierum familiaritas, & svave otium.

25. Quatuor luxuriam diminuunt: aquæ usus, & ciborum frugalitas, mulierum sævitia, sanguinis minutio, & laboris assiduitas.

26. Quatuor invidiam pariunt: honoris cupido, lucri desiderium, alterius felicitas, & cum vitio odium.

27. Quatuor invidiam evellunt: potentix privatio, penuriæ eventus, sensuum elisio, & virtutum defectus in altero.

28. Quatuor producunt acediam: loca obscura, quies solitaria, rumor displicibilis, & cogitatio debilis.

29. Quatuor acediam minuunt: conversari cum dilectis, assvescere gaudentibus, conviviis insistere, & interesse:  
dulcibus melodiis.

30. Qua-

30. Quatuor Domicello conveniunt: in serviendo curiositas, in agendo velocitas, in dativis affabilitas, in gestis hilaritas.

31. Quatuor Domicellæ conveniunt: in vultu formositas, in corpore castitas, in gestibus honestas, in domo curiositas.

32. Quatuor facile beneficiorum, fiunt immemores: puer, cùm adoleverit: humilis, cùm exaltatus fuerit; superbus, cùm premetur; & incarceratus, dum liber evaserit.

33. Quatuor sunt genera hominum, plus metentium, quàm serentium: Reges, Agricollæ, Mercatores, & Sacerdotes.

34. Quatuor egent prudentiâ: Sacerdos in imponenda peccatori pœnitentia: Judex in ferenda sententia; Medicus circa ægrotum occupatus, & Dives volens custodire thesaurum suum.

35. Quatuor

35. Quatuor sunt hominis amici: propter fortunas, propter mensam, propter servitium, & propter fidem.

36. Quatuor sunt mutabilia: Voluntas mulieris, ventus in vere, fors in prosperis, turbatio in adversis. Aliter: largitas non durat; sensus non semper securat; curialitas nonnunquam fallit; & mensura nonnunquam omittit.

37. Quatuor sunt, quibus frustra benefeceris: Debitor, cui ultro debitum remittitur; puer, cum propter correptionem castigatur; lethargicus, dum à somno excitatur, & phreneticus, cum illi sanitatis causa membrum secatur.

38. Quatuor dantem non deserunt: scientia communicata; lux de lucerna alteri procurata; assurrectio corporalis; & curialitas verbalis.

39. Quatuor non ferunt parem: Rex, maritus, quæstor, & occupatus in paropside.

40. Quatuor



40. Quatuor quærent habere socium: versans in discrimine; afflictus, & mœstus; itinerans; & in dignitate collocatus, quippe spectari avidus.

41. Quatuor res faciunt; qui senes sunt; sæpe consulunt, tepidè tribuunt, laudant præterita; vituperant præsentia.

42. Quatuor sunt difficilia: aliena possidere, & restituere; contumeliam audire, & tacere; iniuriam pati, & sustinere; chara tractare, & non frui.

43. Quatuor sunt mirabilia: quòd sol quotidie cælum decurrit; quòd terra aquam fundit: quòd tanta dissimilitudo inter homines, & quòd tot è vita discedentes, eundem tamen finem petant.

44. Quatuor sunt repentina gaudia: carceribus egredi; sponsam accipere; miles fieri; & dignitatem adipisci.

45. Quatuor malum pro bono reddunt: Ovum, cùm in peram includitur; ignis, cùm in sinum mittitur: serpens

in gremi-

in gremium receptus; & homo nequam  
beneficiò elevatus.

46. Quatuor res, inimicos faciunt:  
mutuò dare, & repetere; fide jubere, &  
velle solvi; annuè largiri, & desistere;  
servire, & non posse servitium recipere.

47. Quatuor sunt majore numero,  
quàm fortè putemus: adversarii, pec-  
cata, anni ætatis, & debita.

48. Quatuor sunt facilè acquisibilia:  
contemptus sui, fatuitas, penuria, &  
infirmitas.

49. Quatuor hominem domo pel-  
lunt: fumus, stitlicidium, fætor, & mala  
fæmina.

50. Quatuor hominem domum redu-  
cunt: Amor suorum, loci amœnitas,  
defectus sodalium, & adversitas.

## EFFATA DIVINARUM Scripturarum.

isthuc facientia.

1. Duo

1. **D**uo genera abundant in peccatis, & tertium adducit iram, & perditionem. Anima calida, quasi ignis ardens, non extingvetur, donec aliquid glutiat, & homo nequam in ore carnis suæ non desinet, donec incendat ignem. Homini fornicario omnis panis dulcis, non fatigabitur transgrediens usque in finem. Eccle. 23.

2. In duobus contristatum est cor meum, & in tertio mihi iracundia advenit. Vir bellator deficiens per inopiam; & vir sensatus contemptus; & qui transgreditur à justitia ad peccatum: DEUS paravit eum ad romphæam. Eccle. 26.

3. Duæ species difficiles, & periculosa mihi apparuerunt. Difficile exiit negotians à negligentia, & non justificabitur caupo à peccatis labiorum. Eccle. 26.

4. Duas gentes odit anima mea, terra autem

tia autem non est gens, quam oderim. Qui sedent in monte Seir, & Philistim, & stultus populus, qui habitat in Sichimis. Eccle. 50.

5. Tria sunt difficilia, & quartum penitus ignoro: Viam aquilæ in cælo; viam colubri super petram; viam navis in medio mari; & viam viri in adolescentia. Prov. 30.

6. Per tria movetur terra, & quartum non est sustinere: per servum, cum regnaverit; per stultum, cum satiatus fuerit cibo; per odiosam mulierem, cum in matrimonio fuerit assumpto; & per ancillam, cum fuerit hæres Domine suæ. Prov. 30.

7. Tria sunt, quæ bene gradiuntur, & quartum, quod incedit feliciter. Leo fortissimus bestiarum, ad nullius pavebit occursum: gallus succinctus lumbos, & aries. Nec est Rex, qui resistat ei. Proverb. 30.



8. In tribus placitum est spiritui meo, quæ sunt probata coram DEO, & hominibus. Concordia fratrum, & amor proximorum, & vir, & mulier bene sibi consentientes. Eccl. 25.

9. Tres species odit anima mea, & aggravor valde animæ illorum. Pauperem superbum: divitem mendacem, senem fatuum, & insensatum. Eccl. 25.

10. A tribus timuit cor meum, & in quarto facies mea metuit. Delaturam civitatis; & collectionem populi: calumniam mendacem, super mortem omnia gravia. Dolor cordis, & luctus mulier zelotypa. Eccl. 26.

11. Quatuor sunt minima terræ, & ipsa sunt sapientiora sapientibus. Formicæ populus infirmus, qui præparat in messe cibum sibi, Lepusculus plebs invalida, qui collocat in petra cubile suum. Regem locusta non habet, & egrèdiatur universa per turmas suas. Stellio  
manibus

manib' us nititur, & moratur in ædibus  
Regis. Prov: 30.

12. Sex sunt, quæ odit Dominus, &  
septimum detestatur anima ejus. Ocu-  
los sublimes: linguam mendacem: ma-  
nus effundentes innoxium sanguinem:  
cor machinans cogitationes pessimas:  
pedes veloces ad currendum in malum:  
proferentem mendacia, testem falla-  
cem, & eum, qui seminat inter fratres.  
discordias. Prov: 6.

## CONSECTARIUM.

Omnis res appetit beatitudinem:

Homo etiam quærit.

Est autem hominis in hac vita beatitudo,

(*Secundùm Aristotelem 1. Rhet. c. 5.*)

Prosperitas cum virtute:

In vita altera: secundùm Theologos.

Æterna SUMMI BONI possessio.

Per primam itur ad secundam:

Quemadmodum olim apud Romanos,

per

per ædem Virtutis;

Ibatur ad templum Honoris.

Ut habeas aliquando utramque,

Respice ad DEUM:

Respice te ad te,

Respice te ad proximum.

Inprimis stude Deum cognoscere,

quæ ejus Potentia, Sapientia,

Bonitas, Justitia, Misericordia,

Et ubique diffusa Immensitas;

Omnia isthic infinita.

Ex cognitione Entis tam nobilis

Nasci necessum erit

Æstimationem, eamque summam.

Cùm in illo Ente nihil parvum sit.

Nascetur & Amor: quis enim non amet

id, quod summè Bonum, summeq;

Pulchrum sit?

Creator, Dominus, Pater, Legislato,

Justus, misericors est:

Reverere, ut Creatorem,

Time ut Dominum,

K

Dilige,

Dilige, ut Patrem,  
 Observa, ut Legislatorem,  
 Crede, ut in Justum,  
 Spera, ut in Misericordem.  
 Nè despexeris præcipientem:  
 Infernus est, quod minatur;  
 Cælum, quod promittit.  
 Omnia tua illius sunt;  
 Quia ipse factor omnium:  
 Fac, ut etiam  
 Voluntate tua, & donò tuò,  
 Ipsius sint.

Nil ita timescendum tibi, quàm ab eo  
 recedere,

Nil ita curandum, quàm illi adhærere,  
 & obsequi.

Nil ita æstimandum, quàm eundem co-  
 luisse,

Prece, votis, affectibus.

Neque id intrà, parietes solùm:  
 Supra tecta enarrabis, si possis ejus ma-  
 gnalia.

Totq;



Totq; in ejus amorem, quot poteris,  
Trahes animas, dicens:

Hunc amemus, hunc.

Id si minùs valebis, valebis tamen,  
Ut tibi sit optima mens, optimus ani-  
mus.

Qui secundùm Romanum Sapientem,  
Pulcherrimus DEI cultus est.

Qui ut tibi non desit, respice te, ad te.

Esto bonus tibi, tum enim eris, & aliis  
Esto, quod videri voles.

Pulcherrimum illud domicilium,

Quod virtutes concinnant, vel incolunt.

Tale est, in quo columnarum sustinent  
vicem.

Prudentia, Justitia, Fortitudo, Tem-  
perantia.

Prudentia docet,

Meminisse præterita, discutere præ-  
sentia,

Prævidere futura.

Prudentis est de dubiis non definire,

Ka

Inexperta

Inexperta non affirmare,  
 Examinare consilia,  
 Neque facili credulitate ad falsa prolabi.  
 Nihil illi subitum:  
 Totum ante conspicit,  
 Et cum initia invenit, exitus cogitat.  
 Nec fallere vult, nec falli potest.  
 Prudentissimè quidā ex Prudentissimis:  
 Noli facere omnia, quæ potes,  
 Quia superbia est:  
 Noli inquirere omnia, quæ nescis,  
 Quia curiositas est.  
 Noli dicere omnia, quæ scis,  
 Quia stultitia est:  
 Noli credere omnia, quæ audis,  
 Quia levitas est:  
 Noli dare omnia, quæ habes,  
 Quia prodigalitas est:  
 Noli judicare omnia, quæ vides,  
 Quia temeritas est.  
 Justitiam coles,  
 Si unicuique dabis suum;  
 Si conten-

Si contentus tuus, non inhiabis alienis,

Si Creditoribus rem suam præstabis,

Mercenarios non tardâris,

Non fraudâris;

Cadentem levâris ruentem sustinueris;

Si probos tuearis, detesteris improbos;

Et semper illius vivas memor:

Alii dividunt propria, & ditiores fiunt.

Alii rapiunt non sua, & semper in ege-  
state sunt.

De Philippo Macedone supplementum

Curtii c. 1.

Vixit Philippus annos 47.

Regnavit 25. Macedonum Rex:

Cui maximæ opes instrumenta bellorū:

Divitiarum quæstu, quàm custodiâ so-  
lertior:

Itaque inter quotidianas rapinas sem-  
per inops.

Fortitudinem animi exercebis,

Si in rectè agendo,

Nec vincaris pudore, neque necessitate.

Illud

Illud persuasum habere,  
Semper magnarum mentium fuisse,  
Aut fortia agere, aut pati.

Dicere: hoc atque hoc faciam,  
( modò justum sit )

Animi est virilis;

Dicere: hoc, atque hoc non feram,  
Animi effæminati.

Mentis generosæ ardor,  
Adversitatibus irritatus accenditur,  
Non minùs ac per antiperistasmum,  
Iguis urgeri solet!

Animus fortis inter naufragia, sibi cau-  
tes est;

De illo loquor,

Qui uni cælo innixus, nec timendos  
Habet siderum ruentes cardines!

Militandum est nobis,

Inquit apud Romanum Sapiensem Ho-  
mo fortis,

Et quidem genere militiæ,

Quò nunquam quies, nunquam otium  
datur. Persequere



Perſequere vitia ſine fine, ſine modo:  
Nam illis quoq; nec ſinis, nec modus eſt.

Projice, quaecunque cor tuum laniant;

Quae ſi aliter extrahi nequeunt,

Cor ipſum cum illis evellendum erat.

Durum, & laborioſum negotium  
nobis datum eſt.

Imus per obſtantia:

Itaque pugnemus: non vincendi, niſi  
velimus!

Temperantiam coles,

Si corpus tuum habeas,

Non tanquam cui vivas,

Sed tanquam id, ſine quo non vivitur.

Sapienti menſura cupiditatum,

Non commoditas, ſed neceſſitas eſt.

Voluptates illi, ut inſidia,

Poſita in animi ruinam.

Oculos, aures, linguam, mentem,

In obſequio habet:

Nihilq; horum amat, ſi his perire poſſit.

Frænum illi ſemper ad manum,

Et omnis in fræno affectus est.

Curam nostri natura mandavit,  
Sed huic, ubi nimium indulseris, viti-  
um est.

Voluptatem natura necessariis rebus  
admiscuit,

Non ut illam peteremus,  
Sed ut ea, sinè quibus vivere non pos-  
sumus,

Gratiora nobis illius faceret accessio.

Si suo jure veniat, luxuria est.

Ergo intrâtibus resistamus; quia faciliùs

Non recipiuntur, quàm exeunt.

Hactenus de ædificii columnis;

Nunc aliquid de Isocratis sapientia,  
accipe.

Exercitationes corporis eas amplectere,

Quæ ad valetudinem tuendam,

Non quæ ad robur valeant:

Quod utique consequeris.

Si adhuc laborare sufficiens, desinas.

Neque cachinno infræni delecteris;

Neque

Neque sermonis audacioræ petulantia,  
Et illud quidem stultum est.

Hoc autem furiosum, atque inane.  
Quod facere turpe est, hoc tu quoque  
dicere,

Indecorum puta.

Ità te consuefacias,

Ut non difficilis, non tristis, sed cogi-  
tabundus,

Sed severus esse videaris:

Illud te fastidiosū, & cōtūacē indicaret,

Hoc prudentem esse demonstrat.

Si fortè quid turpe facias,

Nè confidas id diutiùs obscurum fore;

Quodsi alios lateas,

Certè tibi ipse eris conscius.

Tunc probaberis maximè,

Si illa caveas, quæ si alii facerent,

Reprehenderes.

Multum disciplinarum,

Multis existima præstare pecuniis:

Hæ quidem celeriter decidunt;

Illæ verò perpetuò, ac semper durante.

Diligentiùs verborum, sermonumque,

Quàm pecuniarum, tuere deposita.

Amictus compara, qui ornatū efferant,

Non qui modum excedant.

Computationum conventus evita;

Si tempus ad illos te detruserit,

Ante ebrietatem surge;

Nam intellectus vino corruptus, ejus,

Qui aurigam perdidit,

Currûs similis est.

Quodcunque dicturus es, priùs mente  
voluta;

In plerisque enim menti lingua præ-  
currit.

Duplex eligendū est in loquēdo temp9,

Aut quibus de rebus perspicuè noveris,

Aut quæ diu necessitas ipsa còdegerit;

Solis enim in his sermo taciturnitati  
præstat;

In reliquis verò satiùs est silere, quàm  
loqui.

In consul-



In consultando fac tibi præteritas res  
Exempla futurarum.

Et tardè quidem consultabis,  
Quæ autem probata videbuntur,  
Perficies celeriter.

Hæc ex Philosopho Gentili.

Nunc ex Christiano \* aliquid accipe

\* *Ex D. Martino Episcopo Bracharensi.*

Si vis esse beatus,

Cogita hoc primum,

Æternorum intuitu, contemnere, &  
contemni.

Multos vitam differentes,

Mors juncta prævenit.

Itaq; omnis dies velut ultimus judicetur.

Verba rebûs; non personis æstimanda sũt.

Oratorem te puta, si tibi ante omnes,

Quod oportet, persuaseris.

Quid sis, interest, non quid habeas.

Priusquam promittas, deliberes:

Et cum promiseris, facias.

Maximum in eo vitium est.

Qui non melioribus vult placere,  
Sed pluribus.

Quæ sunt maximæ divitiæ?  
Non desiderare divitias.

Plurimum habet, qui minimum cupit.  
Eleemosyna non tam accipientibus,  
Quàm dantibus prodest.

Mala conscientia sæpè tuta est.  
Secura nunquam.

Libidinis Jinitia continebit,  
Qui exitum cogitabit.

Vitium, est omnia credere;  
Vitium nihil credere.

Stultum est somno delectari,  
Et quasi mortem moliri.

Quoties scribens aliquid dicturus es,  
Scito, morum tuorum

Te hominibus chirographum dare.

Quietissimam vitam agerent homines  
in terris.

Si duo hæc verba à natura omniũ rerũ  
tollerent;

MEUM & TUUM.

Atque hæc hæctenus.

Nunc te quoque ad proximum respice.

Homo es.

Animal Politicum, animal Sociale,

Neque tibi uni natus.

Secundùm Deum,

Homo Homini plurimùm prodesse,

Plurimùm obesse potest. 2. *off. Cic.*

Non potest tibi alter auferre virtutem,

Potest dubiam facere,

Potest auferre prosperitatem;

Quemadmodum & illam firmare,

Et hanc augere.

Ergo respice ad Alium.

Ille alius

Vel intra pueritiam, vel juventutem.

Vel inter annos viriles, vel in senibus est

Absens, præsens,

Vir, Mulier, Amicus, Adversarius,

Servus, Dominus,

Superior, æqualis, inferior.

In omni-

In omnibus his alia ducenda linea.  
 Alios tenebis, alios trahes,  
 Alios fugies, alios repelles.  
 Puerum domi tuæ habebis, ut servum,  
 Frænum equo, & virga puero  
 Contemnit hæc hominum fors,  
 Quod non timet.  
 Nescit amare; nescit amari.  
 Nihil illi secretum,  
 Nè quidem amorē tuum ei patefeceris.  
 Quantò tu severior, tantò ille obser-  
 vantior.  
 Nihil illi ultra conductum promiseris:  
 Ante peractum opus,  
 Mercedem non extradideris.  
 Promittenti permolestus,  
 Mercedem prævertenti, refractarius  
 Est omnis servus, & puer.  
 Aliter cum infantia non tua.  
 Quidquid puero dederis, quidquid di-  
 xeris,  
 Bonum, malum,  
 Parentibus



Parentibus, Amicis, datum, narratum  
existima.

Sæpe profuit ad magnam  
comparandam gratiam

In aliorum proles liberalem fuisse.

Quod fit & faciliùs; & acceptatur libe-  
riùs.

Ipsè infans doni memoriã  
Ad senectutem usque feret:

Et talis seni videberis, qualis puero eras.

Alia res tibi erit cum juvenibus.

His vestium nitor,

Aliis libri, aliis arma præplacent.

Honorum appetentiores sunt, quàm  
munerum.

Læti, amœni,

Et plùs sodalium gaudent consuetudine,

Quàm super longa comestione.

Hoc ferri genus magis trahes,

Si laudabis, si miraberis;

Si amœniora referes;

Quàm si donis obrueris.

Donum

Donum Juveni datum amorem causare  
potest.

Sed qui diem duret.

Ille perseverat in annos,

Quem morum amœnitas,

Et communis utrique genius,

Procuravit.

In Juventute fallit illud Ethicorum:

Præmium communiter datum vilescit.

Aliter viros, & senectutem habebis, si  
sapis.

Difficilioris frontis sunt.

Audiri, non audire volunt.

Illum tibi Patronum promitte,

Quem pro Consule,

Pro Dictatore elegeris,

Cujus monita recipies,

Cujus sensa adorabis.

Cum his, si consilia, si dubia,

Si negotia communicabis,

Ad omnia auxiliares Deos invenisti:

Hostes si præterieris.

Amant

Amant esse soli,  
Sed & adesse omnibus, authoritate, &  
notitiâ.

Placent illis historici, & qui  
Acta, & infesta ad eos deferunt.  
Senibus procurabis necessaria,  
Viris etiam superflua

**Sic** namque nassam impleveris utrisque.

Ut diu sic stare possis,

**Cave**, videaris pluribus deferre thi-  
miamata:

Uni mobili volunt adscribi omnia.

**Mulier Echo** est, imò & hirundo;

Tacere impotens,

Quidquid illi in aurem dixeris.

De hoc Pythagoras:

Hirundines familiares nè alito.

Amanti dominatur, dominantem, amat  
**Mulier.**

De hoc malo satis, si parùm.

Vel oculos in mulierem conjecisse,  
periculosum;

Nè vel

Nè vel invitus ames.

Amicum conservabis, non Amicum  
trahes,

Si beneficam voluntatem exhibueris:

Si res illi tuas communes feceris:

Si prudenti familiaritate usus fueris:

Si mores amici similes indueris;

Si de iis quæ amat, oditve sæpiùs lo-  
quaris;

Si ejusdem studia æmulaberis:

Si facta comprobabis:

Si sinceris obsequiis adjuvabis:

Si bona eidem apud alios procuraris:

Si justitiam administrabis:

Si dicta indicta ejus tueberis:

Si reverentiam eidem in agendo ha-  
bebis:

Si de tui amoris constantia certum  
feceris.

Breviùs ille:

Amicum faciunt, & conservant:

Laus in absentia;

Honor



Honor in præsentia,  
Et latum obsequium in indigentia.  
Eadem ex inimico amicum facere nata  
sunt.

Sed inprimis munus, quod datur in ab-  
scondito,

extinguit iras:

Et donum in sinu indignationem ma-  
ximam.

Cum amico tamen reconciliato sic ages,  
ut ille mus,

Qui ad reconciliatam felem dicebat:  
Amemus nos à longè.

Imò subtrahere quoque quandoq; pedem  
à domo proximi tui:

Nè quando satiatus oderit te.

Magnates sic habe;

Ut nec sis ab iis longè, nec iis nimiùm  
propè:

Si propè constiteris, flagras:

Si longius, alges;

Inscripsit ardenti foco Princeps Ma-  
gdolonius.

Minor

Minor te talis tibi sit,  
 Qualem habere velles, si te major esset.  
 Nè formica quidem contemnenda;  
 Quando hoc genus bestiarum  
 Legitur aliquando integram insulam,  
 Depastum esse.

Erga æquales omnes benevolentia,  
 Et honoris modos exhibe:  
 Sementis est, quidquid in his agris je-  
 ceris,

Decuplo in tuum horreum reditura.  
 Neque tibi amicos fore speres, quos  
 pro amicis

Non habueris.

Præterquam quòd ab aliis injuriâ exi-  
 gitur

Quod vicinis præstare noluimus.

Si justus, si beneficus,

Si in largienda pecunia pro necessitate,

Si in conferenda opera promptus fueris,

Si non contractus in dando,

Non acerbus in exigendo;

Diligent

Diligent te.

Æstimabunt;

Si tibi rerum fuerit copia,

Fama integra.

Jurium, aut rei bellicæ peritia.

Reverebuntur;

Si quæ arcanum requirunt, testâ ha-  
bebis,

Si, sæpe cum Sapientibus communica-  
veris,

Si amicorum delectum habueris:

Si bene meritis gratiam refuderis.

Fidem habebunt,

Si doctum, si prudentē deprehenderit.

Hæc tamen omnia

Sic accipienda sunt.

Ut semper præ oculis habeatur finis,

Et secundùm finem

Dirigatur cursus;

Qui quidem

In hac vita est


Cum


*Eruditorum.*


Cum Virtute Prosperitas:  
In vita altera:  
Æterna SUMMI BONI possessio.
















Biblioteka Jagiellońska



stdr0027165

